

<http://rcin.org.pl>

<http://rcin.org.pl>

FABELLÆ  
ÆSOPICÆ  
QUÆDAM NOTIO-  
RES, IN SCHOLIS  
USITATÆ,

Partim excerptæ, partim nunc  
primum compositæ

à

JOACHIMO CAMERARIO,



DANTISCI,

Jumptibus GEORGII FÖRSTERI, S.R.

M. Bibliopolæ,

Cum Privilegio S. R. M. Pol. & Syec.

Anno M. DC. LVI. pl.



XVII 4 30

\*\*\*\*\*  
\*\*\*\*\*  
\*\*\*\*\*  
**ÆSOPI VITA BRE-**  
**VISSIME EX MAXIMO**  
**PLANUDE.**

**A**ESOPUS GENUS TRAXIT EX  
Ammorio oppido Phrygia cognomen-  
to magnæ, sed fortuna fuit servus, Ve-  
rum servitus non potuit animum eius liberum  
corrumpere. Fuit autem non solum servus, sed  
& deformosissimus omnium sua etatis hominum.  
Nam acuto capite fuit, prassis naribus, depresso  
collo, prominentibus labris, niger, unde & nomen  
adeptus, ventrosus, valgus & incurvus, & quod  
erat omnium pessimum, tardiloquentia cum ob-  
scura simul & inarticulata voce, que omnia  
servitutem ei parasse videri possunt. Sed cum  
tali esset tamque deforme corpore, animo ta-  
men fuit naturæ solertissimo, fælicissimoq; ad  
omne commentum. Homo igitur tam deformis  
ad fodiendum agrum ab herbo suo emittitur, quo  
digressus, alacriter operi incumbebat. Cumq;  
eius dominus ficus agricola quidam dono dedisset,  
eas dominus seruo cu dam Agathopodi domum  
<http://rcin.org.pl> ferent  
A 2

ferendas commisit. Qui Agathopus consilium  
in iūt cum conservo, ut ipsi fucus illas devorarent,  
causarentur quod postea Æsopum eas surto ablatas  
comedisse. Hero domum redeunte accusatur  
Æsopus, parantur flagra procumbit ad heri pe-  
des miser, dilationem petit, qua impetrata, aquā  
calidam affert, cuius partem ebit, reliquam  
propinat conservis, Æsopus prater aquam nihil  
evomit, servi unacum humore & fucus in terram  
eijcunt. Nudi Nebulones flagro misere conci-  
duntur, laudato mirifice ingenio Æsopi. Cum  
Sacerdotes Diana convenissent Æsopum, rogas-  
sent quod viam ut illis monstraret, qua in urbem  
ducebat, Is prius frugali cœna refocillatos, in  
viam dux ipse dicit. Ob quam hospitalitatem  
Sacerdotes precibus orant Dianam, ut ipsa grar-  
tiam referat homini tam bene de ipsis merito.  
Quo facto reversus Æsopus, in somnum lapsus,  
visus est fortunam astanti sibi, solventem eius  
lingvam, atque Fabularum largientem doctri-  
nam. Quare mirifice letatus Æsopus exper-  
giscitur, beneficium hoc in hospitalitatis obser-  
vationem reijcit. Non enim amplius loquendo  
tardus erat, sed lingua soluta, expedite loque-  
batur. Quod cum Zenas quidam agri pra-  
fectus intellexisset, timens ne quando iniquitas

apud dominum ab Æsopo accusaretur, hominem  
prævenit, atq; gravissima accusatione in edium  
domini induxit, adeo, ut eidem præfecto ab he-  
ro Æsopus traderetur. Cumq; jam in potestate  
Zenæ foret Æsopus, convenit Zenam Mercator  
rogans, num jumentum aliquod velit divendere,  
respondit Zenas jumentrum se potestatem non  
habere, verum Æsopum monstrat, an hunc velit.  
Quem cum videret Mercator, unde hac tibi Olla,  
inquit, anne truncus est vel homo? Ni vocem  
emitteret, utrem inflatum arbitrarer, atque in-  
dignatus abiit. Æsopus ipsum sequens, mane  
inquit. Ille vero conversus abiit, inquit, sordidissi-  
me Canis. At Æsopus ait, eme me Mercator,  
non inutile tibi sum futurus mancipium. Nam  
si tibi domi sunt mali pueri & sine otio flentes, his  
me præfice pedagogum, omnino eis ero pro larva.  
Ridens igitur Mercator ad Zenam dicit, Quantū  
vas hoc malum vendis? Ille tribus ait obolis.  
Mercator tres obols expenens nihil emis (inquit)  
nihil exposui. Mercator ille cum Ephesi reliqua  
vendidisset mancipia, tria remanserunt illi.  
Grammaticus, Cantor, & Æsopus. Quos cum  
ille nequirit divendere Samum petiit atq; ibi ex-  
positis his tribus Grammatico & Cantore egre-  
gie ornatis, Æsopo vero in medio sordidissimo

stante, venit Philosophus Xanthus, atq; hos tres  
probe contuens Mercatoris commentum miratus  
est, Cur nam inter duos bellissimos Juvenes tam  
sordidum statuisse homuncionem. Xanthus igit  
tur percontatur Cantorem cuias sit, Respondit  
Cappadox sum. Quid sciret. Respondit, omnia.  
Quo dicto risit Æsopus. Quasi vit & a Gram  
matico Xanthus, cujas esset, dixit se Lydum esse.  
Quid facere sciret rogante Xantho, omnia inquit  
Grammaticus, atq; iterum Æsopus risit. Disce  
dente Xantho rogant discipuli, ut Æsopum emat,  
nam reliquos duos nimis magno pretio estimarat  
Mercator. Veniens ad Æsopum Xanthus rogat  
unde sit, nigram se esse respondit. Ille vero non  
hoc volebam ait, sed unde natus sis. Ait Æsopus,  
ex ventre matris meæ. Non hoc dico Xanthus  
inquit, sed in quo loco natus sis. Æsopus ait,  
matrem non renunciasse sibi, an in sublimi vel  
humili loco eum genuerit. Xanthus quid facere  
sciat percundatur, & ille, nihil. Quomodo?  
Dixit Xanthus. Quoniam hi duo se omnia nosse  
professi sunt, mihi vero nihil reliquerunt. Lau  
datus est multis modis Æsopus a Scolasticis ob  
hoc responsum, quoniam nullus sit uspians inter  
mortales cui cognita, explorataq; sint omnia.  
Xanthus empturus Æsopum, dixit, Si emero te,

anne es fugitus? Cui Æsopus respondit, hoc  
si facere voluero, haud quam te utar consul-  
tore. Quæ cum maxime placuissent Xantho  
subintulit, Sed deformis es. Atq; ille respondit,  
O Philosophe non faciem, sed mentem oportet  
inspicere. Xanthus soluto ab Scolasticis pretio,  
Æsopum accepit. Inter de ambulandnm igitur  
cum sol esset ardentissimus. Id animadvertis  
Æsopus, dixit se confessim fugiturum. Xantho,  
cur nam id facere vellet, exquirente, Quoniam  
inquit, si tu cum herus sis, natura non potes  
morem genere, quid servo mihi faciendum?  
Nam si ad ministerium aliquod mitterer, num  
in er uelandum cacare deberem? Post hac ac-  
cedit Xanthum die quodam amicos ad convivium  
invitasse. Quibus rem gratam facturus, Æso-  
po mandat ut lentem coquat. Quia commode  
parata, & cocta, Xanthus eam jubet afferri.  
Æsopus iussi exequitur. Xanthus lente accepta,  
probaturus an ne cocta foret satis, digitis eam  
attrivit, multas adhuc superesse putans, quas  
jubens Æsopum afferre, præter aquam is nihil  
assortavit. Xantho graviter indignante, cur  
non lentes apponeret mensæ. Respondit se veluti  
jussisset, non lentes, sed lentem coxiisse. Refe-  
rentur sententia aliquot Æsopi elegantissime,

ha videlicet, Deum ante omnia cole. Regem  
honora. Bete agentibus ne invide. Lingua con-  
tinens esto. Mulieri nunquam credas secreta.  
Ne pudeat te semper discere meliora. Fac que  
te non mœstificent. Bonum esse non te pœniteat.  
Æsopus cum apud Samios ageret, libertate do-  
natus est. missusq; Craso Regi, bellum cum Sa-  
mys agenti, id sua cum prudentia tum urbanit-  
ate effecit, ut Sami's placatus Rex conciliare-  
tur. Sami' multis honoribus redeuntem Æso-  
pum exceperunt. Qui discedens ex Insula orbem  
peragravit, cui maximam familiaritatem fuisse  
memorant cum Lycero Rege, a quo statua aurea  
Æsopo jussa erigit. Deinde peragrata Gracia,  
Delphos pervenit. A quibus nullo affectus ho-  
nore est, sed ab ipsis post multa salutaria Prece-  
pta, è rupe præceps devolutus, mortuus est. Cujus  
mors gravi Pestilentia ulta iniusti occisit. Æ-  
sopi indicium Delphus ex-  
hibuit.

GAL-

( 1 ) ( 9 )

# GALLVS REPERTOR UNIONIS.

Allus Gallinaceus in sterquilinio,  
dum simetum eruit, unionem re-  
perit. Quo conspecto: Quid mi-  
hi, inquit, tam pretiosa re inventa opus est?  
Met trici granum oblatum magis juvaret.  
Nulli enim usui mihi esse potest. Neq; item  
ego tollere, & honorem ad ornamentum  
tibi conciliare scio. Ita in neutro alter uti-  
litatem aliquam reperit.

*Fabula dicitur ijs, quibus indignis saepe fortu-  
na splendorem & bona offert, qua & ipsi sustine-  
re nequeant, & saepe etiam infamare soleant.*

## Lupus & Agnus.

Stabat supra agnum in ripa fluminis lu-  
pus, qui cum vellet, si devorasset illum, hoc  
jure fecisse videri: Cur tu, inquit, torvo  
vultu & minacibus verbis, scelestè, puras un-  
das inquinas, ut ad me defluant turbidæ?  
Egone? inquit, timens & trepidans agnus,  
qui infra te astiti, & a quo ad me illæ defe-  
runtur. At enim maledicis inquit lupus,  
neq; recordare, quam poenam ob petulan-  
tiæ linguae pater tuus persolverit ante men-

ses septem. Non ego tūm, inquit agnus, procreatus fui. Scin verò, lupus inquit, quām vastum reliqueris nuper campum omnibus herbis nudatum? Nunquam hoc, inquit agnus, factum reperies: neq; ego omnino, cum dentibus caream, facere potui. Tandem lupus: Tu quidem, inquit, satis dicaculus es & disertus; ego tamen lautè cœnare decrevi. Atq; ita correptum agnum devoravit.

*Fabula narratur de impudentia facinorum.*

### Mus & Rana.

Mus Ranam invitarat, cumq; illum in penum repletum vario genere escarum introduxisset, Mi ranuncule, inquit, pascere hilariter, & exple te præsentibus bonis, nihil enim arbitror te desideraturum omnium, quæ gulæ apta habeantur. Rana invidens tantam felicitatem muri, quum videret in deliciis summis quotidie vivere, cum ipsa in limo tabesceret, cupiens illum perdere, gratum simulat animum verbis, muremq; vicissim ad se invitat: Sed non, inquit, pari apparatu te excipiam; nostras tamen etiam opes

opes quæalescunq; volo spectes. Cæterum quia tibi in aquis versari insuetum est, ne quò aberres, filo tuum meumq; calcem alligabo, atque ita domum nostram deducam. Placebat consilium stolido, adque ranam annexebatur, quæ in paludem desiliens, & profundum petens, illum miserum & serò sapientem, sub undas peritum unà trahebat: Qui cùm cerneret se suffocandum; Ego quidem, inquit, tam indignam mortem ulcisci non potero: hoc tamen scio, ultore me non caritum. Rana eo sermone nihil movebatur. Post breve tempus, super aquas murem natantem milvius videt, quem dum in cibum sibi aufert, eppendentem etiam ranam attrahit, & vivam post murem dilaniat.

Hanc fabulam alii ita exponunt, ut narrant, Bellum quodam tempore gessisse murum cum rana, atque fuisse insidiatum murum, hujus autem insidias repulisse ranam viribus suis. Cùm autem uterque in alterum ut hostem intentus, nihil præterea cogitaret aut metueret, involasse in bellatores milviū, & correptos ambos illos devorasse.

*Fabula hac subiiciunt atq; monent, non pari  
Deum sceleratam audaciam esse impunitam, &  
hanc esse factiorum naturam ut per ipsas ad  
interitum ac perniciem civium via aperiatur  
externis hostibus.*

### **De Cane & frusto carnis.**

*Ferebat canis secundum flumen decur-  
rens raptum alicunde carnis frustum, cuius  
imago cum in aquis appareret, canis avidus  
illam, quasi alterum frustum undis innatans,  
appetit, sed dum pandit rictum ut assumat,  
id, quod tenuerat, amittit.*

*Docet fabula, avaritiam & infinitas cupi-  
ditates detimentosas esse.*

### **Leo. Juvencus, Capra, Ovis.**

*Societatem junxerant Leo, Juvencus, Ca-  
pra, Ovis. Parta autem præda in portiones  
æquales quatuor divisa, Leo, Prima, ait, mea  
erit: Debetur enim hæc præstantiæ meæ.  
Tollam & secundam, quam meretur robur.  
Tertiam vendicat sibi eximius labor & de-  
fatigatio mea. Quartam qui suam esse vo-  
luerit, is sciat, se habiturum me inimicum.  
Quid facerent imbecilles bestiæ, aut quis re-  
fragari leoni, vel illum infestum habere sibi  
vel-*

vellet? Vniversam igitur ipse prædam solus tenuit.

*Hac fabula docemur, ijs, qui potentum consuetudine implicitur, & insolentiam horum ferendam esse.*

### Lupus & Grus.

Inhærebat os in faucibus lupi, mercede igitur conductit gruem, qui inserto rostro in strictum suum os de faucibus extrahat. Hoc longitudine colli facile grus effecit. Cum autem mercedem postularet, subridens lupus & dentibus infrendens: An tibi, inquit, merces parva videtur, quod caput incolume retuleris de lupi faucibus.

*Fabula in eos dicitur, qui servati de malis, erga salutis sua auores ingratii reperiuntur.*

### Agricola & Angvis.

Repertum Anguem frigore penè mortuum agricola misericordia motus fovere sinu, & subter alas recondere. Angvis recreatus calore, vires recepit, ac confirmatus agricolæ pro merito ipsius summo letale vulnus inflxit.

*Fabula demonstrat eam mercedem quam respondere pro beneficijs mali consuevere.*

## Aper &amp; Asinus.

Obviam factus apro Asinus crebros cachinos erudens , etiam familiariter illum compellare non dubitavit: Salve mi fratercule , inquit , salve : Quamdiu est , quod te his in locis non aspicimus ? ubinam gentium moratus ? & percontari deinde , nunquid afferret novi , quid narraret , postremo etiam suam operam illi deferre , & rogare nunquid vellet . Aper cum irritaretur ineptiis stolidi aselli , iratus , caputque quassans , Non tamen ego , inquit , fatui istius sanguine contaminabo fauces meas , & præteriit , relinquens ignavum & vecors animal .

*Fabula duo monet : alterum ut potentiores veniam interdum dare stulticia discant : alterum , ne contra præstantes se stolide humiliores inferant .*

## Duo Mures.

Olim mus ruri genitus & educatus , urbis alterum murem incolam & habitatorem ad se invitavit , eumq ; deductum in nequaquam splendidum cavum suum , quamvis esset ætate & cura ad rem attentior , accipit tamen liberaliter , neque in sua paupertate quæsitis par-

parcit, sed omnia promit benignè & liben-  
ter: Apponit igitur hospiti cicer, quod pri-  
dem ad festos dies celebrandos & lautiores  
epulas se posuerat: Substernit illi avenam,  
uvarumque plerosque, sed & alios quosdam  
acinos aridos profert: tum etiam frustula  
succidiæ. Cupiebat enim omni ratione opi-  
peram cœnam dare hospiti, & varietate vin-  
cere singulorum fastidium. Atque hic su-  
perbe & contemptim arrodere dapes, cum  
paterfamilias ipse in recenti palea accum-  
bens, farre & lolio pasceretur, & cibos un-  
ctiores magisque delicatos relinquere ho-  
spiti. Qui tamen neque studium, neque vo-  
luntatem illius boni consulens, quæ, inquit,  
stulte, dementia est, ut hæc sola loca silvarum  
atque montium incolere in omnium rerum  
penuria libeat? An non venit in mentem  
tibi, mortalem vitam omnibus animantibus  
naturam esse largitam? in qua dum durat,  
si tibi benefacias, tamen esse hoc haud lon-  
ginquum: Si vero occasionem istam amise-  
ris, nunquam in morte postea eandem obla-  
tam iri. Quod si te forte miseriæ, & famis,  
atque huic cultus, & victus asperi poeni-  
tet,

tet, age in urbem te mecum & ad homines  
confer, ibi in summa copia degere, & maxi-  
mis voluptatibus perfaci possis. Movere  
ista animum rustici muris, & mox, Imus igi-  
tur, inquit. Protecti igitur, cum strenue re-  
ptassent, venere tandem ad urbem:

*Jamq; fere mediam cœli nox humida metans  
Contigerat, fusiq; urbis per mœnia cuncti  
Conticucre, sopor fessos complectitur artus,*

Cum domum subeunt hominis divitis,  
& omnium rerum copia abundantis, in qua  
manebat urbanus musculus. Atque ibi in-  
ductus rusticus in triclinium collocatur su-  
per auratos eboratosque lectulos, qui pur-  
puratis & conchiliatis vestibus essent instra-  
ti. Ipse de reliquiis, quæ erant variae & mul-  
tiplices, agitati pridie illius diei convivii,  
afferre sedulo bellissima quæque, & mini-  
strare studiosè hospiti, utque hilare vesca-  
tur iis, quæ maximè placeant, hortatur.  
Rusticum inter hæc beatum se putare, &  
in summa læticia lautissimis cibis sese replet,  
eamque vitam expetendam, suam miseram  
esse prædicat: cum subito fores strepunt, &  
cardines sonant, hominumque & canum

voices exaudiuntur. Ibi convivæ musculi discurrere & trepidare: in primis autem rusticus, cui, ut externo, omnia essent insveta & ignota; tandem redditio silentio, & turba sedata, tremens toto corpore & subsiliente corde rusticus: Non mihi placet hæc vita, & vale, inquit, amice. Ego intra silvas & montes ad tenuem victimam & eruilias meas revertor. Malo enim in securitate pauper, quam in opulentia maxima sollicitus semper & anxius vivere.

*Docet Fabula, optimum esse, ut quiq; sua sorte contentus vivat, neg; splendore fortuna ad curas & anxietates occultas invitari se patiatur. Hanc Horatius fabulam copiose versibus descripsit, lib. 2. Satyra 6. quem locum nos quasi reddere studuimus expositione nostra.*

### Aquila & Cornix.

Ferebat ungulis testudinem aquila, quam rostro saepe frustra tundebat; perfringere enim non poterat. Huic occurrens cornix: Consilio, inquit, opus est hera: non enim vires omnia confidere possunt. Puto enim & te audiisse quod fertur:

*Censilium est melius, quam vis, cum ligna secantur:* <http://rcin.org.pl> Con-

*Consilium incolumem sœva inter flumina navem  
Ventorum motus pelagiq; gubernat in undis :  
Consilio celeres superantur in aquore currus.*

Consilio igitur & ratione tu quoque potiere esca intra testam abdita, non vi. Quid igitur suades, ut faciam? inquit aquila. In altissimas cœli plagas subvolabis, inquit cornix, atque inde demittes in hanc rupem testudinem: ita afflita ad saxum rumpetur testa, & caro nudabitur. Paruit aquila, & ita, ut censuerat cornix, fecit: ac testudo quidem comminuta, sed cibo aquila fraudata fuit. Nam priusquam illa devolare posset, cornix devoraverat omnia.

*Docet fabula, calliditate consiliorum munitissima quaq; expugnari.*

### *De Corvo & Vulpे.*

Sustulerat Corvus alicunde caseum, & cum illo in altam arborum subvolaverat Vulpecula, quæ caseum concipiisset, ita illum adorta callide fertur cum primum formam & nitorem pennerum & laudes augurii collaudasset: Plane, inquit, te summi Jovis volucrem esse dicam, si audiero etiam vocem & cantum dignum reliquis virtuti-

bus tuis. **C**orvus laudibus vulpis inflatus, clamorem edere quam maximum posset. Ita de aperto rostro delapsa cælo potita vultus, irridens illum : Nihil, inquit, tibi deest corve, præter cor.

*Fabula docet, assentationes & deridendos & comedendos alijs, ut Terentius ait, exponere eos, qui illis delectentur.*

### Leo senex.

Leo confectus senio vix debilia membra trahens, amissis viribus ab animantibus reliquis non modo contemtus, sed ultra etiam appetitus fuit usque adeò, ut asellus etiam inertissima bestia, calce ferire miserum non reformidaret. Tum fortunam ille deplorare suam, & meminisse, quantò olim robustissimis quoque beluis terrori fuisset, qui nunc ea contumelia, consumto robore, afficeretur.

*Fabula potentes & honores atque magistratus consecutes hortatur, ut ita se in illis gerendis teneant, ne cum vel fortuna mutata, vel his depositi fuerint, alijs ipsi ludibrio sint.*

### Asinus & Catulus.

Videbat Asinus amantes complecti partem

treim familiâs catulum, qui insiluerat in gremium illius. Idem & ipse igitur sperans, si pariter assuktaret domino, eventurum sibi, in illum se infert, & ut rebatur, blanditur hero. Sed hic ineptias & perversum studium repulit, & fustibus correxit stulticiam illius.

*Docet fabula, ne affectemus ea, que natura negavit, neve obtrudamus invitâ officia nostra.*

### Leo & Musculus.

Lascive Discurrentes circum leonem, dormientem musculi, unum ita agitavere incursione sua, ut in dorsum bestiæ deferretur, Qui à leone captus, deprecari vitam suam, & excusare imprudentiam facti. Leo etsi erat commotus, ignovit tamen musculo, & tam contemtum animalculum inviolatum dimisit: Paulò post incautiūs prædam vestigans, in laqueos incidit, quibus astritus rugitum maximum edidit. Ad quem procurrens musculus, cernensque in vinculis eum, qui sibi dudum vitam petenti concessisset, gratiam pro beneficio relatus, accedit ad laqueos, & illis corrosis, leonem omni periculo liberat.

*Docet Fabula. & nullius exiguitatem atque  
impotentiam spernendam, & gratiam beneficij  
referendam esse.*

### Coryus.

*Corvus gravi morbo laborans: Mater,  
inquit, deos interpella pro salute mea, & à  
lacrymis tempora. Cui respondit mater:  
Vereor, ut meas preces ullum numen exau-  
diturum sit: Nullius enim tu victimis un-  
quam pepercisti.*

*Fabula docet, quibus secundis rebus plurimi  
fuerint inimici, eos non facile amicos in adver-  
sis reperire.*

### Hirundo & Aviculæ.

*Cum linum sereretur, monuit reliquas  
aviculas hirundo, secum ut eruerent semina,  
de quibus relicta exoritura esset herba no-  
centissima avium generi. Sed hoc illis cùm  
non probaretur, rursus enatam primùm &  
teneram herbam ut evellerent, hortatur.  
Cùm vero neque hoc facere vellent, ipsa de  
silvis & solitudinibus ad hominum consue-  
tudinem & in oppida se contulit. Paulò pòst  
maturum linum carpitur, & retia necuntur,*

&amp;

& capiuntur aviculæ serò deplorantes neglectionem salutaris consilij.

*Fabula ostendit, verum esse quod dici solet: Qui consilium bonum respuat eum accersere perniciem sibi.*

### De Ranis & Jove.

Petuisse quodam tempore à Jove ranæ dicuntur, sibi ut regem præficeret. Exoratus Iupiter, trabent ingentem in lacum deiecit: Quo sonitu turbatæ ranæ, refugere primum, mox tamen speculari, quid accidisset. Cumque irrabem aspicerent natantem in aquis, subito in illam invasere, eum magno contemptu, & per risum salutant, appellantes regio nomine, Tum Jupiter immisit illis anguem aquaticum, Hydrum vocant. A quo cum capti, manderentur, serò stulti voti dementes ranunculos pœnituit.

*Fabula monet, ne, cui fortuna libertatis usum concessit, is servitus jugum induat.*

### Miluius & Columbæ.

Miluii metu accipitrem affliscunt columbæ, à quo defenderentur. Accipiter admissus, & quasi contumaces castigans, plus stragis uno die in columbari edidit, quam lon-

longo tempore evolantibus dare milujus potuisset.

Indicat fabula, malorum & crudelium patrocinia esse cruenta.

### Fur & Canis.

Fur allatranti Cani offerebat panem. Cui Canis : At nunc ego, inquit, satiatus, cùm tu domum nostram compilaveris me silente, unde mihi mox cibum petam, aut quomodo sedabitur fames mea ?

Fabula docet, cavendas fraudes fallacium, neque facta illorum, sed consilia spectanda esse. Referri & ad illud potest, quod à Jurisconsultis memoratur : Tolle voluntatem, nec erit discrimen in actu.

Qua sententia in convivio Platonis elegan-  
tissime memoratur. Exposita & a Gellio lib.  
17. cap. 20.

### Scrofa & Lupus.

Accedens ad ocrofam parturientem lupus, obstetricis se munere fructurum pollicetur : Cui scrofa, metuens suculis suis, si ederantur lupo præsente : Imo tu obstetricem, inquit, adducito : nam pudore prohibeor, quò minus in tali re virili ministerio utar.

utar. Atque ita a legato lupo enisa numerosum foetum, in tuto hunc collocat, & paulo post reversum lupum deridet.

*Fallacium injurias sape fallacijs repellit, docetur.*

### Mons parturiens.

Mons turnens & ingemiscens, quasi partus instaret, maximos metus & terrores incusserat humano generi, cum subito mus prodijt. Itaque anxietas hominum in risus evasit.

*Indicat fabula, expectationem singularem ad maximas sape nugas recidere. De quare in proverbio dici Horatianus versus solet.*

*Parturiunt montes, nascetur ridiculus mus.*

### Canis senex.

Bona & laudabili opera canis per strenui usus aliquantis per venator fuerat : Deficien- tibus autem jam viribus, & debilitatis mem- bris, nihilo secus ille tamen ab hoc alacrita- tem & cursus pristinos requirebat, & verbis atque verberibus cessantem urgebat ; Cui canis : Quam citò oblitus meritorum meo- rum, inquit, ita in me sœvus es, neque mihi prodest quicquam, quod beneficerim, cum facere posse desierim.

*Fabula reprobet hominum pravitatem in beneficijs obliviscendis, Dicitq; idem, quod versus Homericus: Οὐκ ἐστι χρήσας μετοπίσθεν δύσησαν: Id est, Benefacti gratia rara est. Itemq; Ovidianum hoc: Nil, nisi quod prodest, carum est.*

## Lepores & Ranæ.

Lepores quodam in conventu de miseria & fortuna infelice vitæ suæ conquesti, quod & à bestiis illi & ab hominibus impugnarentur ( nam & canibus & aquilis, & omnibus propemodum feris carnivoris sese direptioni & prædæ esse) tūm sibi mortem ultrò conciscere velle decreverunt. Statuebant enim, multò esse satius semel intrire, quām sempiterna formidine agitari. Itaque re probata universis, ad proximam paludem cuncti impetu maximo ferebantur, ut in aquis demersi suffocarentur. Ranæ autem, quæ forte in herbis juxta paludem enatis incubabant, incursione leporum territæ, subitò omnes in paludem se fugientes demisere. Tūm unus inter leprores, ut reliquis sapientior: State, inquit, socii, neque in vos ipsos gravius quicquam consulite, Nam vos quoque, ut videtis,

quædam animantes metuunt, quas scilicet esse miseriores nobis oportet.

*Fabula ostendit, afflictis aliorum miserias solatio esse.*

Exponitur autem ab alijs hæc aliter, hoc modo : Excitari saepe periculis animos, & quid quisq; possit, in discrimine demum intelligi. Hæc narratio est talis : Territi lepores silvarum strepitu, incitatissimo cursu aufugiebant illos de loco, fugientibus obstitit palus, in quam demergerentur trepidæ ranae. Tunc unus natu grandior, cum tanta, inquit sit velocitas pedum nostrorum, cur non potius murmura illa silva contempsimus, quam metuimus?

### Lupus & Hœdus.

Extens in pascua capra, imperat hœdo, ne cui caulae fores ante vesperam pandat. Vix fuerat profecta, cum advenit lupus, & in quanam exilitate poterat, dedit vocem, ut capræ similis videatur, & aperiri sibi postulat. Cui hœdus, fraude intellecta : Imberbes, inquit, animantes admitti mater vetuit.

*Docet fabula, salutem censervari juventutis obsequio & obedientia parentum & magistrorum.*

# De Cervo & Ove.

Petebat ab ove debitum frumentum cervus, idque teste lupo. Ovis territa fatebatur à se deberi illi frumentum, & præfiniri diem passa est, qua persolveret. Ea cùm advenisset, instanti cervo, ut frumentum curaret sibi afferendum, Quare, inquit ovis, mi cerve, in granariis divitum : nam mihi nullum est conditum domi meæ. Promisisti, inquit cervus, te hoc die redditurum mihi frumentum, confessa deberi ? Ita factum, inquit ovis : Tùm pelli metuebam meæ.

*Fabula docet, quod vi gestum contractumq;  
sit, ratum baberi non oportere.*

# Anguis & Agricola.

In vestibulo agricolæ caverna erat, quam incolebat anguis: hic puerum illius parvū, à quo non provisus calcatus esset, ictum veneno sustulit, atque conscientia facinoris in cavernam statim serpendo se recipit. Pater dolore maximo ob mortem filii affectus, bipennem attipit, & ante fauces cavernæ affluit, obtruncaturus proserpentem angueni. Hic vero, cui in memoria hæceret perpetra-

tum facinus, egredi caute, & prius circumspicere omnia. Sed agricola vindictæ cupiditate festinans, plagam in anguem, vix-dum apparente capite, summa vi infert. At hic celeriter illud reducit, & mortem subterfugit, & bipennis in saxum impacta, signum impressit iræ & indignationis agricolæ. Paulò pōst hortante uxore illius, cum angue ut reconciliatur, adponit ante cavernam panem & salem, & evocat anguem ad componendam pacem. Cui anguis: Nulla, inquit, firma pax fieri pōterit, donec & bustum filii tui, & istud signum tam violentæ plagæ in saxo apparuerit.

*Significat fabula non oblivisci homines, neqz deponere odia ac cupiditatem vindictæ, quam diu vestigia extent malorum, quibus affecti fuerint.*

### Vulpes & Ciconia.

Vulpes ciconiam cum invitasset, apponit illi jusculum in catillo; hanc ipsa liguriens, hortatur per jocum ciconiam, ipsa quoque ut vescatur, & boni consulat, quod appositorum sit, præsentique copia fruatur. Quid faceret ciconic, quæ se fraudari cibo, deri-

derique cerneret? Nihil igitur, inquit, requiro, & curata omnia sunt lautè & abundè. Sed ut gratia tibi referatur, venies ad me quoque coenatum perendie. Quid opus est, inquit ludificans vulpecula? Nolo te mea causa sumptus facere: Cur, inquit illa, tam gravatè? Promitte vero. Fiat, inquit vulpes, et si aliò vocata est opera. Abit ciconia, & vasculum sibi parat vitreum oblongum, & collo angustiore, in quod opiparas & delicatissimas escas indit, & vulpi, quæ ad coenæ tempus affuerat, proponit. Tum ipsa glutire bellissimos cibos, jubere que vulpem edere, & paratis libenter uti. Vulpes se benignitate acceptam videns ea, qua nudius tertius ciconiam ipsa accepisset. Nihil, inquit, discedens, queror. Nam qui alios fallere volunt, ipsos quoque falli interdum oportet.

*Ostendit fabula, circumventiones & dolos plerumq; reverti ad auctores illorum.*

### Vulpes.

In statuarii officinam irrepserat vulpecula, ac contemplando diversi generis & variæ formæ effigies, magnam voluptatem capiebat.

bat. Inter omnes tamen una muliebris corporis statua imprimis illam delectabat, ad quam & accedere & sermonem instituere, & blandissime alludere. Sed statua immobili persistente, vulpes indignata quam formosa, inquit, facies cerebro caret!

Notantur hac fabula splendidi & conspicui cum corpore tum fortunis, sed stolidi & vecordes. Et videtur auctor huius allusisse ad versum Homericum O. 9. de Venere :

Ovesκα η καλη θυντες, αταρη μη ριθοπο.

Filia pulchra quidem huic est, sed mens deficit illam.

## De Cornice superbiente aliarum avium pennis.

Cornicula collectas pennas de reliquis avibus sibi commodaverat, & superba varietate illa reliquias omnes præ se aviculas continebat: Tum forte hirundo notata sua penna, advolans illam aufert; quo facto & reliquæ postea aves quæque suam admere cornici. Ita illa risum movit omnibus, furtivis nudata coloribus, ut ait Horatius.

*Signi-*

*Significat fabula, commendatam speciem  
neg<sub>o</sub> diu durare. & perleyi momento dissolvi.*

### Musca & Formica.

Præferens se formicæ musca, illam abjecte verbis, & se extollere. Vide enim, inquit, quanta sit humilitas tua. Causa loca terrarum incolis, & perpetuò humili reptas, magno cum labore tenuem victimum quaerens. At male in sublime ferunt, & accipiunt mensæ regiae: auro & argento ego eadem bibo, delicatiissimis cibis vescor, putpura incubo: Quin etiam mollescimas sape genas formosarum deoscular. Fastidiosæ & inflatae opinione felicitatis respondit Formica: Etiam hoc adde, improbitatem tuam invisam & odiosam esse omnibus, contra te flabella & venena parari. Itemque hoc media anni parte durare hanc beatam vitam tuam, dum sol fervet, hyeme & frigoribus statim occidere. At ego aestate mediocri labore exerceor, ut hyeme quietam & securam vitam possim degere.

*Fabula hoc ait: Qui, quæ vult, dicit, ea, quæ non vult, audit. Et hoc: Non esse in parvis commodis, sed sine magnis incommodis vitam beatam.* <http://rcin4.org.pl> Ra-

# Rana crepans.

Conspicata bovem opimum rana, etiam se posse exæquare magnitudinem illam, si contractam & rugosam pellem explicuisset, sperabat. Cùm igitur se inflaret, rogat suos ranunculos, quām longe à bovis mole abesse videatur, per, inquiunt illi, nostra matercula, permultum. Tùm inflare se illa vehementius, & quæ videatur, rogare iterum, ubi unus, ut Horatius loquentem fecit, de pullis : Non si te ruperis, inquit, par eris.

*Stultitia reprehenditur eorum, qui aspirant ad non sperandam excellentiam.*

# Lupus & Asinus.

Lupus Conspectum in pascuis asinum devoratur<sup>9</sup>, exoratur ab illo ut prius spinam extrahat defixā in calce pedis posterioris. Sed dum lupus post asinum abit, percussus, & vertigine oborta humili stratus, facultatem dedit asino aufugiendi : Postea reversus ad se : Coquus, inquit, qui essem, cur medicinam faciebam?

*Fabula ostendit vix sine damno fieri, ut omissa arte, quam quisq; novit atq; didicit, ad aliam*

factitandam aggreditatur. Hanc fabulam alij narrant de equo & leone profitente medicinam eodem sensu,

## Aſinus & Equus.

Videbatur aſino beatus esse equus , qui tam accurate & copiosè paſceretur, cum ſibi ne paleæ quidem post maximam defatigationem abunde præberentur. Fortè autem bello exorto, cum in prælium ab armato equus ageretur, & circumventus ab hostibus, post multiplices labores pugnæ tandem ſaucius collareretur, hæc igitur omnia conspicatus aſinus, quam paulo ante forturnatum esse equum censuerat, tam miſerum & infelicem tūm esse judicabat.

Docet fabula , non esse principatus & opes propter ſplendorem appetendas, ſed in conſideratione invidia & discriminū, in quibus prin-cipes & opulentī versantur, boni consulendam tenuem forturnam & mediocritatem vite. Itaq; & Plato, Vlyſſis animum elegiſſe, ait vitam hominis privati, & non negotioſi, neglectis omnibus alijs honoribus & opulentia potentiaq; præclaris.

# Vespertilio transfuga.

Bellum gerebant bestiæ cum volucribus, cumque videretur victoria ad has sese inclinare, vespertilio, quæ eventum expectarat, neque alterutri parti adhuc sese applicuerat, cum bestiis congungitur. Mox fortuna Mutata, ut hæc est belli varia, vincentibus virtute aquilæ volucribus, ad aves illa revo lat; A quibus, ut transfuga nudata pennis, ab avium convictu exclusa, & ad nocturnos volatus damnata, pænas dedit perfidiæ.

*Contra mendaces, & subdoles ac perfidos, hoc fabula composita est.*

# Lupus & Vulpes.

Copiosam prædam lupus in antrum con gesserat. Accurrit vulpes, & blandè illum compellat, & gratulatur adventui prospero illius: Diu enim, inquit, à nobis abfuisti, & sollicitos habuisti morā reversionis tuæ. Lupus vulpeculam assentatione sua aliquid de præda sibi quærere intelligens: Bene, inquit, habet, tibi tamen partem afferre non potui. Falsa spe sua vulpes, & ad iram & vindictæ cupiditatem conversa, accedit ad pastorem,

& heus tu, quid mihi dare vis, inquit, si nunc tradidero in manum tuam sempiternum hostem gregis tui? Omnia, quæ velet, promitente pastore, paucos caseolos paciscetur, & illum ad specum lupi armatum deducit, qui facile hunc intereimit. Postea vulpem venientem petitum mercedem proditionis, accersitis ad tempus destinatum venatoribus objicit. Itaque illa sibi interitum imminere videns: Hoc, inquit, divinum certè est judicium, ut ego, quæ alterum fraude perdidi, fraude circumventa inteream.

*Fabula narratur contra invidiam, & docet,  
Males male perire.*

## Lupus & Hircus.

Hircus evaserat lupum in sequentem in rupem, in quam pervenire ille non posset. Vbi aliquanti per lupus cùm obsedisset eum, tandem fame depulsus, sitienti tum hircu ad fluvium vicinum descendendi facultatem dedit. In fluvio autem cornua procera, & crura levia contemplatus hircus, placere sibi, & se incusare, qui lupum fugisset. Lupus stultum immorantem in fluvio, & aspergantem imaginem suam, clanculum ador-

tus comprehendit, & iam frustra deplorantem suam vanitatem asportat atque devorat.

*Contra stultitiam superborum fabula narratur, simili quidem illa prorsus sensu, & de cervo laudante speciem cornuum apparentium in aqua, & postea damnante illa, cum fugiendum esset per densam arboribus sylvam.*

### Felis.

Irrepserat in officinam excusoris, seu felis seu vipera, ibique repertam limam lingere coepit, cumque sauciata de lingua cruentum manaret, gaudens illa eventu, quod crederet ferrum a se lacerari, non fecit lingendi finem, donec tota lingua absumeretur.

*Fabula dicitur contra eos, qui cupiditatibus & pertinacia sua seipso damnis afficiunt.*

### Luporum & Ovium pax.

Cum lupis bellum gerebant oves, atque illæ adjutæ auxilio canum, semper pares, saepe etiam superiores erant. Lupi, victoria desperata, ad oves legatos mittunt, qui pacem petant. Conditiones ferebant, canes lupis ut obsides darentur ab ovibus, ipsæ catulos luporum acciperent, Cum de omnibus

nibus convenisset, pax jurisurandi religione firmatur. Paulo post securis ovibus cum forte ulularent catuli luporum, illi in miseras & destitutas omni ope, quasi violatrices pacis, qui injuria obsides acceptos affecissent, irruunt, & ita prius impunè illas rapiunt atque vorant.

*Monet fabula, ut eos, à quibus defendi nos scimus, diligenter colere velimus.*

## Securis & Ligna.

Factę securi petit à silvā manubrium lignator. Silva ad eum usum dedit stipitem oleastri. Tum instructa ad cædendum securi, silvam lignator populari, & arbores truncare. Ibi fertur fraxino dixisse querens: Feramus æquo animo, soror, malum, quod ipsæ nobis accersivimus.

*Fabula monet, ne armemus contra nos hostes nostros.*

## Venter & Membra.

Inquiunt quodam tempore membra: Nosne te, venter, ita semper ociosum alemus ministerio nostro? Non faciemus. Sed dum ventri cibus subtrahitur, totum corpus debi-

debilitatur, & membra serò pœnitere cœpit invidiæ.

*Fabula narratur contra seditionem & contra societatis violationem, exposita eleganter à Livo.*

## Simius & Vulpes.

Mea vulpecula, inquit Simius, da mihi de cauda tua tam grandi & onerosa tibi, portiunculam, qua tegam patentes nates. Quam grandi? inquit vulpes. Quod si illam esset necesse plaustro post me subvehi, tu tamen nunquam uno huius pilo vestitior fieres.

*Fabula hac malignitatem locupletam notat.*

## Cervus & Boves.

Exagitatus à canibus ad boves confugit cervus, orans ut se tegere velint, & apud se delitescere patientur. Non repudiant preces illius boves, sed monent, ut de tutioribus latebris sibi prospicere velit, ajuntque vere ri se, ne in stabulo deprehendatur. Omne se periculum subiturū affirmantem recipiunt, & fœno atque stramine obruunt. Advenit paulò post villicus, & negligenter ad boves respicit atque abit. Latus cervus, se omne

discrimen evitasse sperat: sed cognoscit à bobus, mox affuturum ipsum villæ & agro-rum dominum, cuius diligentiam & inspe-ctionem si evaserit, tūm sibi certò salutem posse polliceri. Venit igitur paterfamilias, & ob male curatos boyces indignatur, & quo quidque conditum ac repositam loco sit, cognoscit & aspicit, ad pleraque etiam manus ipse admoveat. Inter hanc curam & at-tentionem apparent cornua cervi, & ipse latens intra stramenta, & à gaudente patre-familias cæditur.

Fabula docet qui ad alienos confugiant, si ser-ventur, singulari hoc fortuna beneficio fieri, ita-que nihil haud fere evadere Decet etiam, diligentem curam & considerationem verum suarum unicuique esse fructuosam, & nisi aspe-ctu heri domus illustretur, omnia esse in caligine & tenebris secundum hanc Æschyli sententiam:

Est domus oculus, assidua heri in domo præ-sentia. Et præclare Plinius hic scripsit: Ita est profecto, opera, non impensa, cultura constat. Et ideo maiores, fertilissimum in agro oculum domini esse dixerunt: eademq; sententia ex Aristotele citatur.

# Leo & Vulpes.

Leo senio confectus cùm vires non sup-  
peterent ad victum parandum , callidum ce-  
pit consilium sustentandi vitam. Itaque in  
antro, quasi periculoso morbo correptus de-  
cumbens, quod ad ipsum visendum passim  
animantes reliquæ advenerint , prehensas  
illas devorabat. Atque ita bestiarum mul-  
titudine à leone absunta, accedit tandem &  
vulpecula ad antrum, & ante illud subsistit,  
hæsitans atque circumspectans. Tùm leo,  
quid cesseret, cur non adeat ad se, rogit. At  
illa id, quod Horatius versibus retulit , re-  
spondisse fertur :

*Quia me vestigia terrent.*

*Omnia te adversum spectantia, nulla retrorsum.*

*Fabula docet, prudentes ante pericula cavere  
sibi, & ea signa, quibus mala portendantur, no-  
tare & hac effugere.*

# Vulpes & Mustela.

Vulpes irrepserat in frumenti cameram  
per angustam rimam, quod valde macilen-  
ta esset, & corpore attenuato fame. Repleta  
autem, cùm eadem se recipere & egredi vel-  
<http://rcin.org.pl> let,

let, non magis patuit exitus distentæ cibo.  
Tum nitentem & urgentem fugam, con-  
spicata mustela monet, ut sic exire studeat,  
quemadmodum intraverit. Macie enim  
pristica recuperata, tum demum evasuram  
illa, quæ subiisset.

*Horatius ad Mecœnatem fabula uititur hac  
significatione : Omnia a divitibus & potentibus  
locupletentur, eos intelligendum se in carcerem  
includere obsequij illorum, neque inde, nisi par-  
torum commodoru amissione, liberari fere posse.*

### De Equo & Cervo.

Tenuerat equus pratum aliquantisper so-  
lus, postea cum in illud & cervus ventitaret,  
& pabulum consumeret, cupidus ille vin-  
dictæ, querit ab homine, utrum ope ipsius  
adjutus, injurias cervi ulcisci possit: Cui re-  
spondit homo, posse, frenū si recipiat equus,  
& se concendi patiatur ab armato. An-  
nuente autem equo, tantum abfuit, ut de  
cervo speratas poenas sumere liceret, ut etiā  
ipse in servitute deinceps vivere cogeretur.

*Fabula monet, ne cumullo tamen graves inimi-  
citas exerceamus, ut ladendi illius cupiditate,*

ma-

malum etiam nobis non dubitemus accersere.  
Horatius ita explicat:

*Quisquis pauperiem veritus, potiore metallis  
Libertate caret, dominum vehit improbus at-  
Serviat aeternum qui parvo nesciet uti. (huc*

### Adolescens & Coquus.

Cum forte propter cocum adolescentes  
duo versuti atque furaces assedissent, occu-  
pato coco rebus suis, unus horum rapuit  
frustum carnis, & alteri tradidit, qui demisit  
in sinum. Cocus postquam ad carnes re-  
spexit, & abesse aliquid sensit, qui sciret ad-  
fuisse præter duos istos neminem, repetere  
ab illis amissum frustum coepit. At is qui  
de altero acceperat, dejerare, se non abstu-  
lissee, qui verò ipse sustulerat, penes se non  
esse. Cocus intelligere improbos esse & ve-  
teratores. Et mihi quidem, inquit, quid fa-  
ctum sit ignaro, verba dare potestis; Deum  
autem profectò non falletis.

Deterret fabula à fallacia & fraude sermo-  
nis & perjurio: nihil enim horum non manife-  
stum Deo est, quamvis forte hominum animad-  
versionem effugiat.

## Canis & Corvus.

Canis in culinam introgressus, occupato coco, neque animadvertente, corculum per eudis rapuit & aufugit ; Quem his verbis cocus fertur esse persecutus : Age, nunc hoc abstuleris impune : sic tamen habeto te post hac ubique conspectus sis, cautiū à me observatum iri. Non enim cor abstulisti à me, sed cor mihi attribuisti.

*Id fabula docet, quod apud Herodotum Cræsus loquitur : Rebus adversis intelligentiam exercitari.*

## Canis & Ovis.

Postulabat in judicio canis ovem debiti, quod repeteret mutuum modiorum trium frumenti: testimonium dicebant lupus, milvius & accipiter. Victa ovis & condemnata (sola enim erat, & planum fecerat testibus deberi sibi frumentum canis) quamvis non deberet, coacta judicatum solvere, ante tempus tonsuræ vendidisse lanas dicitur, quarū precio frumentum mercaretur, & cani satisficeret,

Fabu-

*Fabula docet, a malitia potentiorum nullius innocentiam tutam esse.*

## Hœdus & Lupus.

Cum lupum evasisset Hœdus, & confusisset in caulam ovium: Quid tu stulte, inquit ille, hîc te salvum futurum speras, ubi videoas quotidie ad cædem rapi pecudes, & mactari dijs? Non curo, inquit Hœdus: nā si moriendum sit, quanto præclarius mihi fuerit, meo cruce aspergi aras deorum immortalium, quām irrigari siccas lupi fauces?

Significat fabula, mortem communem & paratam omnibus cum honestate & laude conjungi oportere, si fieri ullo modo possit. Pertinetque hûc memorabilis sententia, quæ est posita in defensione Ctesiphontis: Finem & exitum vitæ mortem universis esse propositum, neque si in cavea inclusus aliquis asservandum se curet, ideo latere illum morti posse. Bonos autem & fortes viros virtutem colere debere, in optimâ quidem spe eventuum, sic tamen paratos, ut ferant fortiter, quæcunque Deus immiserit.

No-

Notatur fabula etiam hoc modo : Com-  
miserat ovis agnum custodiæ hircorum,  
ubi cùm esset tutus à vi lupi : Quid tu , in-  
quit lupus, hîc poti⁹ apud stolidum gregem  
victitas , & salebrosa loca sequeris , quàm  
apud tuos amœnis in pratis pascua opima  
carpis ? Cui agnus , Mater , respondit , mea,  
hîc me manere juissit, & contra voluntatem  
suam hinc recedere vetuit.

*Fabula docet , observationem eorum , qua  
principiant parentes , juventuti salutarem esse.*

### De Homine & Fele.

Habebat in deliciis felem adolescens: Eam  
ut in puellam converteret , cùm Venerem  
exorasset , lætas nuptias celebrat. Aderat &  
Venus convivio : Hæc volens periculum  
facere , cum formane etiam animum prio-  
rem exuisset , emittit in medium murem . Ad  
hunc intuita sponsa , quæ inter virgines ex-  
ornata assederat , commoveri quidem ad-  
modum , sed se tamen reprehendere & con-  
tinere. Tum Venus alterum musculum  
emisit. Quo viso ista , non magis apud se ,  
exilite , & oblita omnium , musculum insequi-

cœpit. Ex eo intellectum, difficulter, vel potius nullo pacto naturam mutari posse.

*Fabula docet, ingenitos mores & insitam  
nientem, nulla arte posse transformari.*

### Agricola & Filij.

Cum sentiret appropinquare sibi mortem agricola senex, cui domi esset soboles numerosa, sape ut sit, discordans, ita studuit conjungere animos & sententias illorum: Apponit ante illos fascem virgularum aridarum, & frangere jubet, cum non possent, distribuit singulis singulas virgas, iisque celeriter contractis, docere conatus fuit illos, quam firma esset res concordia, & quam imbecillis discordia.

*Narrantur & de pilis cauda & equina. & de fasci sagittarum similia.*

### Equus & Asinus.

Agitabat quidam equum & asinum onustos sarcinis. Deficiente autem in itinere asino, & petente ab equo, ut aliqua parte oneris se levaret, si se vivum aspicere vellet, repudiavit equus preces illius. Paulò igitur post fatigatione & labore consumtus asinus

in via corruit , & efflavit animam. Tùm agitator omnes sarcinas , quas asinus porta- verat, atque insuper etiam detractam pellem asino,in equum imposuit. Ibi ille deplorans fortunam suam, cùm serò eum fastidii pœni- teret : Me miserum , inquit , qui parvulum onus in me suscipere gravatus fuerim, cùm nunc cogat tantùm ferre , accedente etiam pelle comitis mei, cujus preces tām superbē contemseram.

*Docet fabula, si superiores cum inferioribus operas suas communicent, hoc solere utrisq; sa- lutare esse.*

### Carbonarius & Fullo.

Conduxerat per quam spaciofas ædes car- bonarius. Itaque invitat fullonem habitan- tem angustius , ad se ut commigret. Negav- it fullo sibi hoc faciendum, neque fieri omni- nō oportere. Quid enim nobis commer- cijs, inquit, inter nos esse possit ? cùm, quæ ego forte eluendo nitida reddidisse, ea tu feligine & maculis repleres.

*Docet fabula, dissimilia non rectè conjungi. Itaq; dicitur & proverbio veteri: Pares cum paribus facile congregari,*

# Auceps & Anguis.

Exiit ad aucupium cum visco quidam & arundinibus, ac turdum forte in alta arbore sedentem conspicatus, intendere atque construere calamos, & viscum allinere cœpit, defixis in turdo oculis atque spe sua. Inter hæc miser anguem latentem in herba calcat, à quo irritato ictus, & letali accepto vulnere, jam moriens: Me miserum, inquit, qui dum alteri insidias struo, ego circumventus & captus pereo!

*Docet fabula, eos, qui alijs male consulere student, sibi interdum primis malum accersere, secundum hanc Hesiodeam sententiam:*

*Malum consilium consultri pessimum.*

# Tubicen.

Tubicen cantu suo concitatis aciebus, & prælio [commisso captus: Ne me, inquit, vos interficite: nemo enim vestrum à me est occisus, quippe qui inermis nihil nisi tubam hanc, ut videtis, habeam. At hostes, Ideo te, inquiunt, cupidius interimemus, quod pugnandi imperitus, alios ad pugnas & dimicationes incitare soleas.

*Fabula docet, nocentiores esse eos, qui potentes instigent & irritent ad maleficiendum alijs, quam privatos ullos, qui ipsi malefici sunt.*

## Canis & Lupus.

Admirans lupus nitorem corpulenti canis: Quanta, inquit, frater, felicitas est vitæ tuæ! Licet igitur, inquit canis, mecum in urbem venias, & eadem fruare felicitate. Dum una pergunta, animadvertis lupus in canis collo attritos pilos. Tum iugumne etiam sustinendum tibi est? inquit. Ceuix enim hoc glabra indicat, ut videtur. Die, inquit canis, alligor, ut noctu sim acrior & vigilantior, atque haec vestigia sunt collaris, quod circumdari solet cervici. Hoc audito lupus: Vale, inquit, amice: Jam nihil moror servilem felicitatem tuam.

*Ostendit fabula, nihil esse libertate melius neque præstantius.*

## Herus & Canes.

In prædio sub urbe quidam tempestate inclusus, primum ouibus mactatis vitam sustentauit, mox durante illa, ne à bobus quidem aratoribus abstinuit. Quæ cum canes fieri

fieri viderent, consilium inter se aufugiendi illinc inierunt, quod non sperare posse vide-rentur, ibi locorum se tutos futuros, vbi bo-bus aratoribus non parceretur.

*Monet fabula, illos fugiendos in primis, apud quos ne domestici quidem & necessary in tuto esse videantur.*

### Vulpes & Leo.

Quæ nunquam leonem vulpes viderat, cùm huic forte occurrisset, ita fertur exte-rita, vt penè moreretur formidine. Eun-dem conspicata iterum, extimuit quidem, sed nequaquam vt dudum. Tertiò illi ob-uiam facta, tām firmo animo fuit, vt accede-re propius, & compellare illum auderet.

*Ostendit fabula, etiam gravissima & diffi-cilia negotia ysu & consuetudine tractabilia reddi.*

*Itemq; hoc, Inopinata omnia vehementius ani-mos perturbare consueisse.*

### Aquila & Vulpes.

Iniit quodam tempore societatem aquila cum vulpe, quæ vt usu familiaritatis confir-maretur, etiam nidos illis vicinos habere vi-

sum. Et aquila quidem suum in arbore fixit  
 procera; at vulpes propinquas arbusculas  
 occupauit. Accidit forte, vt parvulis suis  
 relicti domi, vulpes ad quærendum pastum  
 exiret. Aquila, cui eo die non fuisse præda  
 oblata, esuriens vnâ cum pullis suis arreptos  
 cœtulos necessariæ vulpis, in suum nidum de-  
 portat. & illis sese ac fuos exaturat. Reversa  
 paulo post vulpes, vbi rem gestam cognovit,  
 incredibili dolore affecta fuit, cumque suo-  
 rum interitum ferret iniquissimè, tūm hoc  
 illam excruciat, & ita despectam se ab  
 aquila, & vindicandæ tantæ iniuriæ nullam  
 sibi viam apertam esse. Facile enim intelli-  
 gebat, celeritate illam atque viribus longè  
 præstare. Fecit igitur quod concedebatur,  
 vt obsequeretur amico suo, & propter ardo-  
 rem adstantis, maledictis & conuicijs non  
 magis iam necessariam suam, sed hostem ca-  
 pitalem infectata, deos in tam indigni faci-  
 noris vltionem aduocavit. Aquila desuper  
 hæc ridere, & illam contemnere. Non diu  
 autem post hæc, cum forte in eō loco feriae  
 essent rusticæ & extra mactati pecoris  
 adolerentur, aduolauit aquila, vt consueve-

rat, ad exta, quæ dum rapit, adhæsit de fauilla & carbonibus aliquid, quo in nidum vnâ cum illis delato, & forte vento exorto, materia, qua nidus congestus fuerat, flamma concepta exarsit, cumque illa incendio dissipetur, delapsi sunt & pulli aquilæ in terram semiuisti, quos tûm vulpes inspectante aquila in sua dumeta auferens, in magna lætitia vindictæ deuorauit.

*Fabula hæc docet, perfidos & sceleratos, quamuis iniurias & vim potentiam sua aliquantis per defendant, numinis tamen animaduersionem & vltionem euadere non solere, secundum Horatianum hoc :*

*Raro antecedentem scelestum  
Deseruit pede pœna clando.*

*Narratur fabula etiam aliter : Extorsisse ab aquila vulpem pullos suos minis, cum accurrisset ad arborem cum face, tanquam incensura illam. Docetq; nonnunquam etiam imbecilles irritatos potentibus terrori esse. Njim vt dicitur : ἔτει καν μερικοὶ καὶ τέρφα χόλη.*

## De Agricola & Ciconia.

Inter grues cepit agricola & ciconiam. Hæc deprecata ab illo vitam, non solum innocen-

nocentem, sed etiam pium se, & hominibus prodesse commemorat. Nam & nostrum genus, inquit, venenatas bestias venatur ac deuorat, & effoetos senecta parentes gestat atque subleuat. Huic respondit agricola: Credere se vera esse omnia, quæ recensuerit; sed inter nocentes captam eandem oportere poenam sufferre, quam illos.

*Fabula significat, similem quenq<sub>z</sub>, haberi ijs, cum quibus consociatus, & inter quos deprehensor ficerit.*

## Felis & Gallus Gallinaceus.

Felis captum Gallum cùm vellet videri iure occidisse, accusare illum coepit prium molestiæ, quam afferret mortalibus, quibus perpetuam noctem obstreperet clamoribus suis, & quòd acquiescere defatigatus non pateretur. Hoc cùm gallus defenderet, quod illis hac re utilem se operam dare assereret, qui ad necessaria opera eos excitaret, indicaretque his faciendis tempus idoneum: Tę tamen, inquit felis, nullum aliud est animal magis impudicum, qui naturæ legibus confusis, cum matribus & sororibus te com-

misceſ. Hoc ego, inquit gallus, ſtudio inſeruio rebus & commoſis heri mei, quod plura huic oua pariantur. Cum igitur nul- lum poſſet afferre crimen felis, quod in gallo adhæreſceret: Tu licet, inquit, cauſa non inferior eſſe videare, mihi tamen eſurire in animo non eſt, atque ita illum iugulat.

*Imago hac eſt ſuperbia & crudelitatis. Hac enim vitia, quicquid datur aut fiat, iniuſtam vim urgent, quamuis pratexere, ſi quid forte poſſint facinoribus ſuis, non omittant.*

### De mendace Puer.

Puer cuſtos ouium crebrò perluſum ma- gnis clamoribus opem rusticorum inplora- bat, contra incuſiones luporum. Sæpe au- tem fruſtatos eos, qui auxilium illi latuſi ad- uenerant, tandem lupo irruente, cum lacry- mis clamare, & orare miſerabili voce, ut ſub- ueniretur ſibi & gregi. Qui audiebant, lu- dere illum pariter ut ante arbitratuſi, negle- xerunt preces & implorationem vani pueri. Ita liberè in oues graſſatus lupus fuit.

*Fabula docet, hoc conſequi mendaces, ut ve- rum etiam dicentibus nemo credat. Hanc de-*

*nugatore & plano, qui se crus simularat fregisse,*  
*Horatius exposuit.*

## De Aquila & Monedula.

Aquilam rapientem agnum conspicata  
 monedula, idein de ariete facere conatur :  
 sed in villis pecudis, cum vngulæ implicitæ  
 essent, capta à pastore, & dono data filio  
 fuit, qui illa in ludo pro monedula postea,  
 quæ sua opinione aquilæ par fuerat, usus est.

*Deterret fabula ab affectandis ijs rebus, qua  
 res maiores sint, quam vt vos assequi posse videat-  
 mur.*

## Canis in præsepi.

Frendens canis dentibus, &c allatrans non-  
 nunquam in præsepi iacebat, à quo boues  
 terrebantur, neque admittebantur ad pa-  
 bula ; Qui unus : Quanta ista, inquit, iniui-  
 dia est, non pati te, vt eo cibo vescamur, quæ  
 tu capere nec velis, nec possis ?

*Fabula de proverbio composita est, quo nota-  
 tur iniumentia malignitas.*

## Asinus & Corvus.

Asinus pascebatur quodam in prato; hu-  
 jus in exulceratum dorsum involat corvus,

& tundit rostro sauciam cutem: Tum asinus igitur rudere & subsilire; at agitator ridere. Præteriens autem forte lupus, & hæc cernens: O nostrum infortunatum genus, inquit, quos omnes ad primum conspectum clamoribus & armis insectantur; isti autem, corvū significans, impunē licet asini pellem pectere, atque insuper etiam irridetur.

*Ostendit fabula, improbos & damnosos statim esse manifestos, cum primum apparuerint.*

Narratur fabula similiter de cornicula involante in tergum ovis, quæ cum ovis illi diceret, non ferret hoc canis, responderit, scire se quibus insultare, & quos cavere debeat. Quæ narratio indicat, imbecilles esse obnoxios iniuria.

### Pauo.

Conquestum graviter apud Junonem, auem illius propriam, pavonem accepimus, quod in tanta formositate & splendore peniarum, vocis suavitate deficeretur, cum luscinia tam nihili volucris illa abundaret: Cui Juno: Recte, inquit; non enim omnia in unum bona conferri oportuit.

*Fabula nos admonet sententia Homericæ:  
Non datur ut rebus præcellat in omnibus unus.*

**Mustela.**

Imbecillis iam & annis grauis mustela, mures assequi non magis poterat. Hanc igitur excogitat fraudem: In frumenti manipulos se implicat: eodem veniunt & mures, fruges ut erodant; hos illa sine labore & defatigatione capit atque devorat.

*Fabula docet, viribus deficientibus magnum in prudentia subsidium esse positum.*

**Arbor tralaticia.**

Ferunt villicum cuiusdam magna cum cura hortos colere solitum, & studuisse herero afferre de arbore quadam in primis suavia mala. Hanc arorem herum cupisse transferri in villam suburbanam, quæ vel vetustate, vel alia quapiam de causa statim exarverit: Tum dixisse patrem familiæ, suo se damno experiri, annosam stirpem transferri non expedire.

*Epimythion Mantuani non inelegans est:  
Qui nimium sapiunt, atq; inconcessa sequuntur,  
Desipiunt: cohabet qui sua vota, sapit.*

**Leo & Rana.**

*Leo auditis ranæ clamoribus, quos illa*  
*tote*  
*C 5*

toto rictu edebat quām maximos, primum  
percelli animo valde cœpit, quod crederet,  
ingentein animantem esse auctorem tanti  
clamoris. Animo tamen confirmato cir-  
cumspicere, & contra illum clamatorem,  
quisquis esset, sese parare, & ad pugnam ac-  
cingere. Cum videt prorepentem ranam  
de propinquo lacu, ibi leo, simul indignatio-  
ne simul etiam pudore affectus, pede illam  
calcatam attruit.

*Docet fabula non esse ad quemlibet strepi-  
tum expavescendum, neque nos inexplorata re-  
-terreri oportere.*

## Formica & Columba.

Formica sitiens in fonticulum se dimise-  
rat, sed vndis ablata veniebat tam in pericu-  
lum, ne suffocaretur, cum non esset, ubi  
consisteret. Hoc columba cernens, de ar-  
bore iuxta fontem enata, fractum ramum  
in aquas abiecit, ovi adhærescens formica  
mortem evasit. Paulo post affuit auceps, &  
arundinibus dispositis vitæ columbæ insi-  
diari cœpit: Cui metuens formica, ad aucu-  
pem inter opus arrepsit, & ita vehementer

illum

illum pupugit, vt arundines præ dolore abjecteret, atque harum strepitu territa columba auolavit, ac periculum vitauit.

*Docet fabula, erga bene meritos esse nos gratos debere.*

## Pauo & Monedula.

Cum haberent comitia volucres regi creando, petijt regnum pauo, quod se ob formam illo dignum præ cunctis esse diceret. Qui cum omnium suffragia latus videtur: Hic tamen rex, inquit monedula, forte si factus, & aquilem hostem habuerimus, quidnam opis auxilijue poterit afferre?

*Monet fabula, in principibus legendis non speciem modò, sed etiam virtutem & sapientiam spectari oportere.*

## Medicus & Ægrotus.

Ducebatur funus; hoc medicus, cuius opera in morbo usus fuerat mortuus, comitabatur: Atque ibi cum alijs, qui funus prosequabantur, multa verba facere, &, si vino, abstinuisse iste, inquit, ac celeriter alius fuisset humidior facta, vt purgaretur, poterat coqualescere. Tum de amicis unus:

Hæc inquit, qua lingua nunc dicis, cùm occasione amissa frustra memorentur? Quo tempore vero recte ac utiliter fuissent dicta, ea reticuisti.

Monet fabula, necessario tempore succurrentem laborantibus. Vsusq; est hac similitudine elegantissime contra Æschinem Demosthenes. Ne quicquam autem monet, qui sero monet, id quod & Ouidius eleganter versibus expressit, de Pon. lib. 2. Nunc mihi naufragio quid prodest dicere facta,

Quo mea debuerit currere cimba via?

Narratur fabula & contra voracitatem ac ingluiciem hoc modo: Ducebatur sunus cuidam, ac querentibus compluribus, quo morbo ille mortuus esset: Medicus, ut forte aderat, Quid queritis? inquit; Hic fame & siti periyt; mirantibus omnibus, nunquam enim, ait, impleri cibo, neque satiari potu illum vidi.

### Leo, Asinus & Vulpes.

Amicitiam quodam tempore iuxere inter se leo, asinus, vulpes, atque ita communiter venatum exiere. Copiosa autem præda parta, iubet asinum leo illam diuidere:

Qui

Qui simpliciter in tres æquales partes distri-  
buens, sorte putabat decerni oportere, quam  
quisque deberet sumere. Ob hæc leo ira  
commotus, in asinum irruit, & dilacerat at-  
que deuorat miserum. Tum vulpem diui-  
dere iubet. At illa in vnum aceruum con-  
gestis vniuersis, sibi eximit paruam portiun-  
culam, atque hanc iustum diuisionem esse  
dixit, vt leoni, cuius non solum auspicijs, sed  
etiam laboribus omnibus omnia essent quæ-  
sita plurima extra quidem sortem cederent.  
Cui leo: Quis te, inquit, optima vulpecula,  
tam scite partiri docuit? Asini, respondit  
vulpes, mi leo fortissime, asini socij nostri  
casus.

*Docet fabula, solere aliorum calamitate &  
malis prudentiores reddi homines.*

### Hœdus & Lupus.

Supra tectum domus stans hœdus lupum  
prætereuntem in clamabat, & illi maledice-  
bat: Cui lupus, Non tu, inquit, sed tectum  
mihi maledicit.

*Sapè locū & tempus fortes facit homines ti-  
midos, vt insultare etiam præsentibus non ve-  
reantur.* Asi-

# A sinus & Olitor.

Serviens apud olitorem asinus, cum perpetuis laboribus fesso pabulum exiguum præberetur, precibus suis Iouem exoravit, ut illo domino liberatus, ad alterum perueniret. Ita venundatus nactus est herum sanguinem. Quo in seruicio, cum & luti & vasorum oneribus grauaretur, minus sibi vivendum putabat, & multò quām prius majoribus precibus, ut liberaretur, Iouem fatigabat. Ioue igitur volente, tertio veniit, adductusque fuit cerdoni. Apud quem, cūm quæ geruntur videret: Heu mihi, cūm gemitu, inquit, quanto priores seruitutes tolerabiliores erant! Nam ab hoc intelligo etiam pelli meæ periculum imminere.

*Fabula ostendit, tūm maxime homines veterem fortunam requirere, cūm noua experiri cōperint.*

# Mulier & Ancillæ.

Mulier vidua, quæ texendo vitam sustenbat, solebat ad operas excitare de nocte ancillas suas. cūm quidem gallorum cantus auditi essent. At illæ diurno labore de-

<http://rcin.org.pl> fatiga-

fatigatae statuerunt gallum domesticum interficere, quod huius cantu de somno dominam suscitari dicerent. Quo facto detiore conditione quam prius esse cœperunt. Nam de hora & tempore incerta domina & dubitans, prima sæpe nocte famulas postea excitabat.

*Indicat fabula, sapenumero bona spei consilia habere exitum infelicem.*

### Equus & Asinus.

O te beatum, inquit asellus forte obuiā factus equo bellatori, me verò infelicem & miserum! Quantus enim nitor cutis tuæ! quam plenū corpus! quanta agilitas! quam venustra ceruix! Ego verò strigosus, iners, humilis, famelicus, fustium delitiae sum. Placebat his equus sibi, & paulò quam antè incedebat magis arduus. Paulò autem post in prælio defatigatus, extimulatus, vulneratus, demisso capite collabens: Heu, inquit, quantum opere falsus fuit, qui meam fortunam præ sua tam vehementer nuper collaudarit, cuius splendor me in hæc mala & exitium demersit!

Ne-

*Nemo temere aut alterius fortunam suscipiat, aut suam despiciat. Is enim est satis felix, cui, secundum Horatium, Deus obtulit parca, quod satis est, manu.*

### Capra & Lupus.

*Conspicatus in alta rupe stantem capram, Quin tu, inquit, vel leo, vel lupus, huc in herbidos campos, & ad latas frondes descendis & ista sterilia & nuda loca relinquis? Cui respondit capra (senserat enim fraudulentè locutum) Non esse in animo sibi, dulcia præponere salutaribus.*

*Fabula docet, voluptatum studium interdum esse exitiale.*

### Vultur.

*Vultur invitatis aviculis ad conuiuum, quod illis daturus esset die natali suo, postquam haec affuere ad tempus, clausis foribus domus; capere & occidere singillatim omnes, & de inuitatis epulas sibi instruere cœpit.*

*Fabula monet, voluptatis sectatores non prouisum in exitium incidere solere.*

### Anseres & Grues.

<http://rcin.org.pl>

In

In uno quodam prato pascebantur anseres & grues. Adueniente aucupe, grues levitate sua adiuti, facile auolant: at anseres impediti grauitate, dum moliuntur fugam, ab aucupe prehenduntur.

Ostendit fabula, vrbe capta, cum pauperes plerumq; vix hostilem effugiant, diuites in potestatem hostium venire, & in seruitutem abduci.

### Simia.

Convocatus universis animantibus cognoscere Iupiter volebat, cuiusnam omnium formosissima esset soboles. Tum simia simiolum parvulum proferens, & Iovi ostendens: Quid quæris Iupiter? inquit, nullum hoc formoso formosiorem invenies. Cui Iupiter: Ideo nudas, inquit, nates scilicet habet.

Docet fabula, de illius ore, qui seipsum aut sua prædicet, laudes & sordidas & ridiculas fieri.

### Piscator & Smaris.

Smaridem ajunt esse pisciculum parvum. Huius generis captam vnam perpusillam orasse piscatorem, qui ceperat, ferunt, ut illo se tempore amitteret, ac sineret grandesceres;

tum enim illum se maiore cum commodo suo facilè esse recepturum. At ego, inquit pescator, desipiam, si spe futuri boni vel maximi præsens è manibus dimittam, quamvis modicum.

*Docet fabula, incogitantes esse, qui malint magna sperare bona potius, quam mediocribus frui.*

### Cicada & Formicæ.

Formicæ humectatas in hyeme siccabant fruges; ad has adit Cicada esuriens, & orat, paululum cibi ut sibi impertiant Cui illæ: Æstate, inquiunt, quærere te oportuit Non vacabat, inquit Cicada. Quid faciebas igitur? inquiunt illæ. Cantationibus operam dabam, inquit. Tum illæ: Si cecinisti æsta-te, inquiunt, hyeme saltato.

*Monet fabula ne vlla in necessaria re cessemus, ne postea egentes, frustra præteritum tempus requiramus, aut aliorum opem imploremus.*

### Taurus & Hircus.

- Cum urgeret taurum in sequens leo, conflagit ille ad hirci caulam; sed hircus in foribus resistere, neque taurum intrò admittere. Tum taurus, nisi vitroque nostrum ro-

bustior premeret me, facile poteram tibi ostendere, quanto præstant tauri vires vici- bus hircinis.

*Docet fabula, interdum iniurias & contumeliam debiliorum ferri necesse esse, propter metum validiorum.*

## Lupus & Mulier.

Esuriens lupus omnia loca circumiens cibum quærebat, tandem audit inter casam rusticam plorantem puerum, & interminatatem matrem, ni desinat, lupis eum se velle projicere. Lupus eo dicto in spem vocatus, habiturum se cibum, totam diem astitit operiens, dum puerum mater projiciat: sed vespere hæc reconciliata puero, eidem blandiens & assentans, Mi pupule, inquit, bōno animo sis, lupum si venerit obtruncabimus. Tùm lupus tristis & decept⁹ abiens: In ista, inquit, domo aliter loquuntur, aliter sentiunt.

*Fabula dicitur in eos, quorum dictis non respondent facta.*

## Iestudo & Aquila.

Magnopere orabat aquilam Testudo, vo-  
http://rcin.org.pl lare

lare se se ut doceret. Aquila ostendebat testudini rem illam petere contrariam naturæ ipsius. Sed nihilo minus instare, & obsecrare aquilam, ut se volucrem facere vellet. Itaque ungulis arreptam aquila sustulit in sublime, & laxatis illis testudinem demisit, ut per aërem ferretur, quæ delata in rupes, comminuta interiit.

*Fabula docet, multos cupiditatibus suis obcœcatos consilia prudentiorum respuere, & in existium ruere stulticiasua.*

### Cancri.

Minate grandior cancer parvulo dicebat, quin recta via incedis, neque obliquos intorques gressus? Faciam, inquit ille, mi papule, si te idem facientem prius videro.

*Docet fabula adolescentiam domesticis malis exemplorum maxime corrumpi.*

### Sol & Aquilo.

Solem & aquilonem de robore viribusque quondam disceptasse ferunt, convenisseque inter eos, ut ute viatori vestem eriperet facilius, is validior haberetur. Priores igitur sortitus Aquilo, ventus acer & vehemens,

mens, omnem vim flatus sui in conspectum forte viatorem immisit, verum ille quo magis ventus in se ferebatur, hoc arctius vestimenta continere, circumque se convoluere. At Sol æstus & calorem effundens, facile effecit, ut viator se vestibus nudaret, non solum pallio positæ, sed etiam resibus tunicata.

*Fabula dicit, cedere robur ingenio, secundum Sophocleam sententiam:*

*Non pectore amplio qui sunt humerisq; arduis,  
Sese tuncntur proteguntq; maxime:  
Sed consiliij sapientia superat omnia.*

## De Asino induta Leonina pelle.

Pelle leonina indutus asinus territabat homines & bestias tanquam leo esset. Forte autem conspectæ aures eminentes & longæ, indicarunt stolidè superbientem asinum; Ita in pistrinum abactus, pœnas dedit temeritatis & petulantiae suæ.

*Fabula innuit, honores indignis collatos ad ignominiam plerunq; recidere. Diciturq; contra simulationem stultorum & gloriosorum.*

# Vermiculus & Vulpes.

Emersus de sterquilinio vermis, cœpit profiteri apud animantes, se esse medicum summum, neque cedere Pœoni deorum medico, vñ & experientia artis: Quem rugis deformem & nutantem intuita vulpes: Medice, inquit, teipsum curare prius, atque ita profiteri artem debueras.

*Docet fabula turpiter ea ostentari verbis, quæ re ipsa convincantur mendacij. Et est proverbio tritus huius sententia senarius Græcus, qui irridet medicum aliorū ipsum scatentem ulceribus.*

Narratur fabula & de rana, prorsus eodem sensu.

# Canis mordax.

Canis mordaci, ut omnes cavere illam possent, paterfamiliâs jusserat tintinnabulum appendi ex ære parvulum. Hoc ille, quasi præmio virtutis suæ, admodum superbire, & alios canes præ se contemnere: Cui unus senior: Heus tu, inquit, an nescis indicari pravitatem morum tuorum tinnitus isto, non ornari ære corpus?

Coff-

*Coerset fabula stulticiam vulgi, quod sape placet sibi notis & insignibus flagitorum suorum.*

### Camelus.

Camelus repanda à Jove petebat, ut cornibus armaretur: Cuius ille stolidis precibus irrisis, etiam aures mutilauit, ut non solum inermis, se etiam deformis de cætero esset.

*Monet fabula, ineptis precibus deos non esse fatigandos.*

### Vrsi præceptum.

Magnus erat inter duos familiaritatis & necessitudinis usus, ut in summa coniunctione voluntatum atque studiorum vivere viderentur, operasque darent inter se mutuas, & alter alteri gratificaretur. Accidit, iterum quodam tempore communiter ambobus faciendum esset, cumque transirent quasdam solitudines, in ursum ingentem inciderent, quo viso, unus celeriter in arborem evasit, alter ab ursso oppressus, cum audisset illam feram cadavera non attingere, in terram se prostrauit, & attractam animam, quam potuit vehementissimè continxit, ut vestigium

nullum vitæ appareret. Vrsus omnibus partibus corporis pertentatis , & ore suo crebrò ad illius os auresque admoto , cum pro mortuo reliquisset , abijt. Tum metu ambo liberati prosequuntur incœptum iter. Inter eundum autem interrogatis, qui arborēm conscenderat, alterum, quidnam in arborē vrsus jacenti immurmurasset ? Multa, inquit illa, quæ nunc memorare nihil attinet, sed in primis hoc præceptum dedit : Ne amicum esse quenquam mihi unquam persuadeam, cuius fidem aduerso tempore meo non fuerim expertus.

*Docemur , verum esse quod Cicero scripsit præclare, ut omnia, Pato : Non facile dijudicatur amor verus & fictus , nisi aliquod incidat ejusmodi tempus, ut quasi aurum igne, sic benevolentia fidelis periculo aliquo perspici possit : Cetera sunt signa communia.*

### Crines alieni.

Calvus quidam alienos sibi crines sumserat , Græci φονικλοι vocant. Orto autem vehementiore vento, deturbati illi in viam, calvitium reliquere manifestum, quod irridentes qui præteribant , ille intuitus : Quid

ridetis, inquit, a me ablatum esse, quod meum non erat?

*Fabula docet, homines prudentes a quo animo ferre jacturam earum rerum, quas in se fortuna contulerit.*

### Olla natans.

Lebetem ahenum & ollam fictilem vndæ vis abstulerat. Tum olla magnopere vitare concussum aheni, & formidare ac tremere. Cui lebes: *Quid metuis?* inquit, non ego tibi nocebo. Respondet olla, in tali jactatione se non posse securo esse animo, cui non suspecta ipsius voluntas erga se, sed fortuitus concursus timori esset.

*Docet fabula, periculosa omnis modis esse eonjunctiones potentium & impotentum.*

### Agricola.

Qui terram colebat, cum agrum foderet, aurum forte reperit. Memor igitur beneficij ut a terra in se collati, & gratus, hanc quotidie sertis redimire solebat. Ergo fortuna aliquando accedens ad illum: *cur acceptum refers, inquit, terræ, quod tibi ego tribui, cum statuisse te divitijs augere?*

Nam sorte, si ita cadat, mutata, & auro dela-  
to ad alios, satis scio, te non terram, sed for-  
tunam accusatum esse.

*Fabula monet, autores beneficiorum agnoscendos, & illis memoriam atque gratiam personam vendam esse.*

### Grus & Pavo.

Pavo contra gruem assistens, explicatis  
pennis suis: Quanta est, inquit, formositas  
mea & deformitas tua? At Grus subvolans:  
Quata est, inquit, levitas mea & tua tarditas?

*Monet fabula, non esse ob aliquod bonum naturale superbiendum, neq; contemnendum alterum, cui fortasse multo majora collata sint.*

### Arundo & Olea.

Disceptabant de fortitudine, robore &  
constantia olea seu quercus (nihil enim re-  
fert, & arundo. Cum autem olea sive quer-  
cus arundini exprobaret mobilitatem, &  
quod ad quamvis illa exiguum aurum tremere  
ret, tacuit arundo. Non ita diu post, ingru-  
entibus ventis & resistente flatibus ipsorum  
olea vel quercu, ab horum illa vi eruta &  
dissipata fuit, arundo autem submissione sua  
integritatem conservavit.

Fabula ostendit, laudandos eos magis esse, qui tempori servire sciant. & se non opponant valentioribus quam eos, qui cum præstantisribus se & potentioribus rixentur atq; contendant.

Significatur & hoc, quod Herodotus scripsit: Numinis hunc esse morem, ut ardua convellat.

### Tigris.

Venator jaculis & sagittis feras persequatur, quibus fugitantibus, tigris se bellum solam sustentaturam esse profitetur; in huius de latebris suis femur sagittam venator concidit. Tum illa graviter ingemiscere & circumspicere, & querere autorem vulneris: Cui obviam facta vulpecula: Quis te læsit, o fortissima, inquit, ferarum? Nescio, inquit illa, sed sentio viri robusti adhibitam manum fuisse.

Refutat fabula temeritatem audacium. Qui autem viribus præstant plerumq; incautiores esse consuevere. Decemmar igitur hoc, ut intelligamus; victoriam non tam virium esse, quam prudentia.

### Boves & Leo.

Pascebantur una tres boves opimi in maxima concordia. Itaque facile ab omni in-

cursione ferarum tuti erant, ac ne leones quidem aggredi illos audiebant. Tandem dissidio inter illos nato, & soluta amicitia, singuli validioribus bestijs direptioni & præda fuere.

*Fabula docet, tantum inesse mali in dissensione, quantum boni in concordia reperiatur.*

### Abies & Dumeta.

Contemnebat propinquas domos abies alta, cui illæ: *Quantò tu nobis es præstantior, tanto tua est conditio deterior, quod magis omnis generis injurijs exposita sis, & tibi à dijs & hominib<sup>9</sup> pericula impendeant.*

*Docet fabula, non oportere excellentes ullorum humilitatem despicere. Nam multos, ut ille ait, fortuna tollit in altum, ut lapsu graviore ruant.*

### De Avicula & Messe.

Messis instabat tempus, erantque aviculae cujusdam pulli adhuc implumes in illa depositi. Hæc vero, quoties ad pastum avolabat, diligenter meminisse jubebat pullos omnium, quæ interea dici audijssent, aut fieri vidissent, sibi reversæ ut narrare possunt. Dicunt illi quodam tempore affuisse cum filio

filio adolescentे adulto & valente dominum agri, & constituisse frumenta postero die amicis corrogatis, demessurum se esse. Hoc nuncio avicula nequaquam territa, postridie, ut consueverat, ad victum quærendum avolat. Cum redijisset, audit constituisse dominum agri, se se ad messem consanguineorum & propinquorum opera usurum esse. Negat illa in hoc etiam periculum inesse. Postea verò quam cognovisset, dixisse dominium, seipsum cum filio & servis affuturum, ut frumenta demeteret, ibi demùm non dubitans quin suam rem dominus curaturus esset, de segete migrat; & pullos suos asportat in aliud locum tutiorem.

*Fabula vetat, alienis homines fretos esse in administratione rerum suarum. Est à Gellio illa quidem narrata copiosius, sed nobis tamen simplici & aquabili expositione eandem retexere visum fuit.*

### Invidus.

Volens explorare sensus hominum Jupiter, misit Apollinem in terras, qui voluntates humanas cognosceret. Hic primùm in-

D 3 cedit  
<http://rcin.org.pl>

cidit in avarum unum, & alterum invidum : Quibuscum collocutus , copiam illis facit petendi quod vellent. Id enim quod uterque petijsset, ratum se habiturum, sed ea lege, ut quod sibi alter petijsset, alteri præstaretur duplum. Nullo igitur pacto induci potuit avarus, quicquam sibi ut peteret : at invidus erui unum oculum sibi petiit, ut avarus ambos amittorer.

*Describitur hac fabula avaricia & invidia turpisimum & deterrimum vitium.*

### Cornix.

Sitiens cornix reperit in urna grandiuscula aquæ non multum ; Quam cum attingere arido rostro non posset, lapillos quamplurimos in urnam dejicit, quibus fundum occupantibus ad labruin urnæ aqua subiit, & portandam se cornici præbuit.

*Docet fabula, multas res arte obtineri, quas nulla vires assequi potuissent.*

### De Homine & Leone lapideo.

Orta inter hominem & leonem, conten-  
tione de robore, cūm se huic ille anteferret,

& omnibus modis vellet probare, esse validiorem, deduxit leonem ad effigiem hominis de saxe expressam, à quo leo item saxeus pedibus calcabarur. Tùm leo: Si nostrum, inquit, genus fingere etiam didicisset, ego quoque tibi, ut opinor, saxeos homines, qui lonibus premerentur, possem ostendere.

*Coercet fabula ostentationem virtutis propriae.*

### Puer fallax.

Plorabat ad puteum residens & queritabatur puer, ad quem accedens avarus, interrogat, quid acciderit ei: Me miserum, inquit puer, cum multo largioribus lacrymis: & miserum me! Cur miserum se prædicaret interroganti avaro, respondet, auream situlam sibi in puteum modo delapsam. Ille cupiditate cœcus, neque unde puer auream situlam afferre potuisset, neque haud verissimile hunc dicere cogitans, positis vestibus se in puteum demittit, quibus puer interea, dum ille revertitur, sub latis, in sylvas aufugit.

*Qui aliena appetunt, eos sua etiam amittere sape solere.*

### De Rustico & Juvenco.

Rusticus juvencum educārat , quo ad arationes uteretur. Sed hoc admodum ferociente, & cornibus impetente obvios, rusticus cornua illius detruncat , atque ita ad aratum adjungit ; Ipse sequens stivam temet. At juvencus ne sic quidem idoneum se arationi præbuit , sed & caput truncum demittere cum jugo , & posterioribus pedibus pulverem & glebas in os & oculos aratoris spargere , & delirare in arando, ut rusticus illum sibi usui futurum esse desperaret.

*Hac fabula significatur , quosdam ita esse ferros , ut nulla ratione mansuescere possint , quia nulla in parte tractabiles sese præbeant.*

### De Fauno & Viatore.

Satyros & silenos vocant Græci ruris & silvarum numina , qui Latinis sunt Fauni & Silvani. Ex his unus quondam , viatorem hyemis frigore afflictum , deduxisse perhibetur in specum suum , misertus hominis ; Cumque videret crebro eum manus ori admoveare & illis inhalare , rogat quid sibi ea res velit. Respondit viator , calefieri ita spiritu manus contractas gelu. Tum Satyrus,

ne

ne quid humanitatis ergo hospitem prætermitteret, affert in phiala vinum calidum & adhuc fervens, illoque suum fovere guttur & stomachum jubet. In hoc & ipsum inspirare viator, quod diceret, admiranti & causam requirenti Satyro, refrigerari potum anhelitu. Ibi Satyrus eum aversatus: At tu, inquit, cito te aufer à me, & egredere de specu. Nihil enim cum tua perversitate commercij habere volo, qui eodem ex ore efflas calidum & frigidum.

*Fabula significat, fugiendas amicitias dubias & mutabiles hominum inconstantium & levium.*

### A sinus excors.

Leo ægrotans & infirmus, vulpeculam orat sibi cibum ut inveniat. Illa abit, & ad asinum solum in quodam prato oberrantem devenit, ac, Quid tu hīc solus agis? inquit. Quin mecum te confers ad tui generis animalia, quæ plurima intra istud niemus convenere. Asinus oratione vulpeculæ motus, illam se ait sequi. Hæc eum ad leonem deducit, qui ita fuerat morbo debilitatus, ut asinum retinere non posset. Ille igitur

Descriptio elapsus  
<http://rcin.org.pl>

elapsus, in suum pratum revertitur. Leo iterum atque iterum orare vulpem, ad se illum ut reducere studebat. Hoc vix posse fieri vulpecula dicebat: nam sibi asinum nihil jam crediturum esse; sed promisit se cenanturam. Redit igitur ad asinum, & cum illo ex postulat, & vere esse asinū ait pec⁹ agreste & rusticum, qui maximorū amatorum complexus fugerit: nam illos gaudio non apud se fuisse, ideoque illatos in eum vehementius. Asinus credit vulpi, & iterum cum ipsa ad leonem accedit, qui tum viribus annis omnibus, eum prosternit ac jugalat. Tum jubet vulpem carnes eluere & appare, ut illis jucunde vescatur. Vulpecula, ut jussu fuerat, facit, sed exemptum cor & præmorsas aures illa devorat. Requirenti autem leoni dicit, illum asinum neque cor neque aures habuisse. Hoc leo mirari & incredibile esse dicere. Tum vespes; An tu putas, inquit, iterum ad te ut veniret, adduci hunc potuisse, si vel aures vel cor haberet?

Narratur fabula in stolidos, & bis, quod proverbio reprehenditur, ad eundem offendentes.

Narratur & de apro ( sensu eodem ) quem

primò captum una aure, iterum captum altera quoq; mutilum rusticus dimisisset, & ita tertid captum obturcasset, deportassetq; ad patronum suum exempto corde, negans cor illum aprum habuisse.

## Mus & Taurus.

Arrepsit quodam tempore ad pedem cibantis tauri musculus, & pedem bestiæ mordicus arripuit. Excitatus sensu doloris taurus, exilire & circumspicere, & querere auctorem vulneris. Tùm murem exultando fuisse gloriatum accepimus, quod à se tām exiguo animali tām grande & validum exagitari potuisset.

*Fabula dicitur de stolidâ imbellium & humilium ostentatione.*

Narrari etiam ita potest, ut magnos ac prestantes virib. admoneat conditionis sue, propositū interdum etiam minimorum & contemptissimorum injurijs.

## Bubulcus.

Bubulcus onustum lignis plastrum domum agebat, quod cum in lutosa via & salebris hæreret & retineretur, cœpit ille ociosè astans

astans deos deasque in auxilium advocare,  
præque cæteris quem maxime propter cele-  
bratū vulgo robur colebat, Herculem. Tùm  
illi se Herculem conspiciendum obtulisse  
ferunt, & his verbis corripuisse stolidam  
ignaviam ipsius: Rotis manus, ô bubulce,  
applica, & stimulum bobus admove, & deo-  
rum deinde opem poscito, ne si tu cesses, dij  
frustra invocentur. Vnde & proverbium  
natum: Manum admoventes invocate nu-  
mina. Ethoc: Aliquid & ipse agens fac in-  
voces deos.

*Fabula narratur contra desidiam & pigri-  
tiam & cessationem, in quibus plerunque igna-  
vum vulgus vota facit. & precibus fatigat deos.  
Itaque & Terentianus Mitio querit de adolescē-  
te: An crediderit speratas nuptias dormienti sibi  
confecturos deos? Et apud Apollonium Hercules,  
Où en naças, inquit, autouattu ouoterrī; ἐλῶς θεος  
διαφένοιστ.*

## Gallina Auripera.

Habebat gallinam quidem, quæ ovum  
quotidie pariebat aureum. Hic sperans aurā  
massam intra illam esse absconditam, occi-  
dit gallinam, & in dilectâ nihil aliud reperit.

quām quod in reliquis esse gallinis consuevit. Itaque ingentibus ille divitijs inhians, etiam mediocres perdidit.

*Menet fabula, ut immodicas cupiditates, & avidos divitiarum animos compescamus, & ut sua quisque fortuna contentus vivat.*

### Simia.

Magnum esse amorem erga natos simiarum accepimus, sed duobus partu editis, alterum mirifice diligere matrem, & gestare manibus, & frequenti complexu sæpenumero necare. Quæ igitur fugiebat canes cum gemino fœtu, cariorem manibus comprehensum, alterum de cervice pendentem gestabat. Cursu autem fatigatae, lassatis è manibus elapsus simiolus, cum urgente vi canum tolli non posset, periret; alter, qui collum mattis arctissimè astrinxerat laetulis suis, conservatur. Hunc postea illa solum ita vehementer, ut prius alterum, amavit.

*Ostendit fabula, unius sape damna alteri prodeesse.*

Lupus piscis.  
<http://rcin.org.pl>

Lu-

Lupus piscis robore & magnitudine eximia præditus, fluvij cuiusdam imperium tenebat. Hunc superbia & fastidium præsentis fortunæ ad cupiditatem extulit regni matini. De ostio igitur fluminis in pelagus enatæ, atque ibi Delphino regnatori occurrens, cum & forma & mole insueta terreretur, ad oriente etiam hunc hostiliter Delphino, fuga se in amnem suum recepit, neque postea unquam extra ostium excurrere ausus fuit.

*Hac fabula docet, ne quis sibi neminem parrem reperiri arroganti opinione persuadeat, ac potius ut cogitet, id quod Teutonico proverbio fertur: Etiam trans rivum homines inveniri.*

### Pardus & Vulpes.

Pardus fera est varijs colorum distincta maculis: Eam cum vulpe de forma certasse accepimus. Disceptatum fuit coram Erinacio. Pardus commemorare cœpit formam eius facile præstare reliquis, quorum aspectu plurimi delectarentur, sed varietatem habere jucunditatis plurimum, sicut prata quoque insignia diversis floribus maxima oculos vo-

luptate perfunderent. Jussa ad hæc dicere  
vulpecula: Iatus me, inquit, de anima, non  
de pelle noscito, atque ita varietatem contra  
me ostenta tuam.

*Hoc indicat fabula, certissima esse judicia,  
qua à specie externâ quam longissime abducta  
sunt.*

### Ictis & Vulpes.

Ictis est è mustelarum genere silvestris  
quadrupes, cuius pelle obduci quondam  
galeas solitas tradunt. Quodam tempore  
cum vulpe igitur ictis iter per patentem  
campū faciebat. Eam vulpes interrogabat:  
Quid rerum aut artiumd idicisset. Illa, nihil  
quidem se tenere respondet, præter medio-  
crem saltandi rationem. At ego, inquit vul-  
pes, centum artibus instructa sum, quarum  
quævis, & ad necessaria victui paranda, &  
ad vim contrariam omnia propulsanda satis  
esse posuit. Ictis igitur venerari, & beatam  
prædicare vulpem: se vero futilem & vita  
indignam animantem prohibere. Inter hos  
sermones exaudiri canum latratus, atque  
adesse venatorem ictis conjiciens: In fu-

gam, inquit, nos demus: audio enim hostiū nostrorum vocem. Placide, inquit vulpes: Nondum enim necesse est accelerare fugam. Cùm autem clarius fieret latratus, Fugiamus igitur, inquit vulpes. Cui ictis: Neque mihi, confirmatæ verbis tuis, nimis festinandum videtur. Sed jam conspectis canibus, Fugiemus sanè, ait: Atque ipsa in proceram statim arborem saltu evasit: Vulpes vero in aperto campo facile à canibus deprehensa fuit, quam illa irridens, ut unam promat, hor-tatur, de centum salutaribus artibus suis: nunc enim necesse esse. Ita misera vulpecula & derisa & dilacerata fuit.

*Fabula narratur contra gloriatores vanos, & ostentatores mendaces.*

### Simiæ.

Simiæ purpuratæ instituebantur ad saltationem; Cuius cùm peritæ viderentur esse, productæ fuere ad spectaculum. Saltanti-bus autem objecit quidem nuces, quibus vi-sis, omnibus posthabitatis & neglectis, ad nu-ces illæ discurrere, & de his inter se luctari ac depugnare.

*Fabula hoc dicit :*  
*Naturam expellas furca, tamen usq; recurret.*

### Afinus controversus.

Duo qui unà iter faciebant, afinum obrantem in solitudine conspicati accurrunt læti, ac uterque sibi illum vendicare, quòd ipse prior conspexisset. Dum contendunt & rixantur, neque à jurgijs abstinent, asinus aufugit & subducit se oculis illorum. Ita dum uterque nondum prehensum suum esse vult, neuter illo potitur.

*Fabula monet, inter altercandum, multa qua placido cōsensu retineri potuissent, solere amitti. Nota etiam est sententia, qua vulgo fertur: Nimium altercando veritas amittitur.*

### Piscatores & Testudines.

Ad naufragium usque saturi testudinum carne piscatores, cùm etiam multum adhuc illis superesset, prætereuntem forte Mercurium ad suas epulas invitant. Qui no ignar<sup>o</sup>, quippe Deus, quo animo revocaretur, jussit suas ipsos testudines vel edere vel vomere, neq; post sua demum fastidia convivas quærere.

*Prodigorum stulticia notatur, qui ea alijs*  
*tribu-*  
<http://rcin.org.pl>

*tribuunt, quæ ipfi despiciunt & parvi pendunt,  
etiam ea, quæ quantivis interdum precij sunt.*

## Aquila & Scarabeus.

Lepus, quem aquila insequeretur, ad scarabei lamulam confugit, & illius auxilium imploravit. Scarabeus petit ab aquila, ut parcat supplici, perque summum Jovem obtestatur, ne despiciat tenuitatem suam. At illa profligato scarabeo, raptum leporem devorat: Quem avolantem affectatur scarabeus, ut cognosceret, quo in loco nidificaret: Ac mox occasionem nactus, de nido aquilæ omnia ova, quæ inerant, devolvit per petrarum præcipitia. Aquila re comperta, autori doloris sui valde irata, nidum extruit in multò magis arduis rupibus, & in illo parit ova, sed simili eventu. Tùm inops consilij ad Jovem advolat, cuius propria avis esse perhibetur, & tertiam fœturam in illius gremio deponit, orans atque obsecrans, ut tutam præstaret. At scarabeus globulum sterquilinij eodem dejicit. Quem excussurus Jupiter, laxata veste ova aquila effundit, quæ inflicta pavimento, secundùm Homerum,

æreo;

æreo, facile comminuuntur. Cùm autem de scarabeo intellexisset, quod ab aquila factum injuriam sibi hac voluisse ratione vindicare, quod statueret, non solum scarabeum, sed etiam suum numen ab aquila læsum atque violatum esse, reversam illam graviter objurgavit, & indicavit ei autorem malorum, quæ passa esset. Cùm tamen genus aquilarum funditus intetire nollet, scarabeum ad gratiam cum aquila reconciliandam adducere tentat: quo vehementer refragante, aquilæ tūm partum transtulit ex eo tempore in aliud, quo scarabei non apparerent.

*Monemur has fabula, ne quem facile contemnamus, utque cogitemus neminem esse tam abjectum & humilem, qui non sua injuria vindicanda aliquam occasionem invenire posse.*

### Vulpes & Aviculæ.

Diu perpesta famem vulpecula, cùm nihil successisset omnium artium, quas ad victum parandum exercuerat multiplices, tūm sese illa præmōrōre animi abjecere humili & secum miseriam suam tacite deplorare. Aves mortuam ratæ advolare propius. Illa ubi

hoc

hoc videt, immobilis manet, & animam continet, ne aves spiritu vitam adesse intelligent. Securæ igitur accedunt, & in vulpem insiliunt. At illa, postquam censuit tempus esse, exilit, & comprehendit proximam ac devorat. Postridiè experitur eandem fraudem: Ibi una, (cornix ut opinor) Non, inquit, si tuam pellem in ista sepe expansam conspicer, in illam involavero.

*Decet fabula, fraudulentis nunquam fidem habendam esse: ipsis enim etiam quiescentibus, dolit tamen vigent, & moventur.*

### Aves & Noctua.

Noctuam cum veteres Minervæ consecrarent, nimirum avem esse prudentem voluerunt indicare. Hanc narrant, cum studiissent aliquando ad silvas & in arbores abducere secum aviculæ, hortantes ut in quadam præclara quercu nidum suum figeret, ipsam non modo parere illis noluisse, sed contra etiam monuisse, ut quercus illius frondes omnes concerperent rostris suis. Minime hoc illis facere volentibus, paulo post viscum protulit arbor, quo deinde im-

plicatae aves captæ fuerunt, noctuæ sapientiam & salutaria cōsilia serò collaudantes.

*Hac epitome est narrationis Politiani. Monet autem, non esse spernenda salutaria cōsilia prudentum.*

## Cucurbita & Palma.

Cucurbita consita ad palmæ radicem, cùm largis imbribus irrigata esset, stirpi palmæ innitens, ad illius se cacumina extulit. Tum interrogare palmam, quot annis ad tantam granditatem pervenisset? Cui respondit palma; Non minus centum annis. Tum cucurbita: Quanto te ego sum melior, inquit, quæ non dies totidem crescendo confeci, & tuam exæquavi altitudinem? Paulò pòst præmatura, & ipsa flaccescere, & radix amissio succo non magis vegetare illam. Ergo quam temere de processu incrementi sui gloriata esset intelligens, & suam granditatem contemnens, futilitatem confessa fuit.

*Fabula docet, quæ cito oriuntur, etiam citò occidere, ut de solstitiali herba Plautus ait: Et subita incrementa fructuosa non esse. Huc pertinet*

etinet & hortorum Mida & Adonidos proverbia.

## Corvus & Lupi.

Petebat à lupis partem prædatæ corvus,  
quos totum diem sectatus fuisset. Cui illi :  
Non tu nos quidem, sed prædam sectatus es,  
eo quidem animo, ut ne corporibus quidem  
nostris velles parcere, si exanimarentur.

*Fabula docet spectari in actionibus non tan-  
tum quid fiat, sed etiam quo animo & voluntate  
fiat.*

## Mus.

Mus natus & educatus intra cistam re-  
fertam mucibus, forte delatus in pavimen-  
tum, dum in suam domunculam redire pro-  
perat, & circum illam assultat, attingit hunc  
odor suavissimus ciborum, qui essent in pro-  
pinquo de reliquijs agitati convij repositi,  
quibus gustatis: Hæc, inquit, ut video, ju-  
cundior vita futura est illa, quam intra ci-  
stam vixi.

*Fabula imperitos notat, qui nunquam suum  
oppidulum egressi, illius vitam & mores optimos  
& laudatissimos esse statuunt.*

Dicit & hæc sententia potest, quam adducit

scribens Trebatio de Medea Cicero: Multi suam rem bene gessere, & publicam patria procul. Multi, qui domi etatem agerent, propterea sunt improbati.

## Agricola.

Affiduuus Cereris cultor agricola exoraverat Deam, ut sibi frumenta sua absque aristis produceret. Ita enim rebatur minore cum labore excuti posse. Sed indefensa grana de maturescente tum segete, aviculae excussere rostris & devorarunt.

*Fabula narratur contra votorum stultitiam, & ostendit imprudenter spe parui commodi, in magnum saepe malum deferri.*

## Accipiter & Columba.

Concitatisimo impetu columbam insequens accipiter, intra villam unà cum fugiente ave defertur, & capitur à villico. Hunc orat, ut se dimittere velit: Neque enim te, inquit, læsi unquam. Cui respondet villicus: Neque, ut opinor, mei te unquam læsere, atque fracta illum gula interemis.

*Fabula docet, vindicandas à principibus non minus subditorum injurias, quam si sibiipsis illata essent.* <http://rcin.org.pl> Ara-

# Aranea & Hirundo.

Conspicata aranea capientem muscas hirundinem, contra illius volatus explicat retiola sua, per quæ facilè lata hirundo, celeriter totum opus disturbavit, tūm aranea; Ista, inquit, m̄nscarias plagas nihil moratur.

*Ostendit fabula, imbecilles frustra se potentioribus opponere, & hos subjicit: Vana est sine viribus ira.*

# Amnium silentia.

Rusticus transiturus flumen, vadum vestigabat. Ac primum quadam parte sc reperatum sperabat, qua defluebat illud placidè, & cum silentio, sed à tentante reperitur magna ibi profunditas. Facit igitur alibi periculum, ubi quidem reperit vadum, aqua verò cum strepitu & impetu decurrebat. Tūm ille hæc secum: Non, ut video, inquit, amniū murmura & fremitus, sed silentium & leves sibili metuendi sunt.

*Non esse periculum, fabula docet à clamatoribus & minacibus, sed à mussitantibus & taciturnis. Cæsarem etiam dicere solitum acceperimus, Non metui à se Antenium & Dolabellam*

*corpulentos & rubicundos, sed Casij & Bruti  
maciem & pallorem.*

## Bos & Juvencus.

Ante bovem arantem, quem ætate con-  
fectum etiam quotidianæ aratri & plaustris  
trahendi operæ sentum & squalidum reddi-  
derant. Ante hunc igitur exultare nitidus  
& petulans juvencus, atque illius scabram &  
nudatam pilis cutem irridere. Paulò post  
arripitur ad immolationem juvencus, qui  
cùm præter bovem duceretur, demissò capi-  
te & lento passu ingrediebatur. Tùm bos:  
Etsi, inquit, nolim has te pœnas dare lasci-  
viæ & insolentiaæ tuæ: tamen cùm ita ceci-  
derit, delector id me cognoscere verum esse,  
quod audire etiam de meis parentibus me-  
mini: in maximis periculis versari petulan-  
tem juventutem: Ac esse quidem ætatem  
hanc per se malis obnoxiam, sed tùm maxi-  
me, cùm accedat injuriarum & improbita-  
tis usurpatio.

*Præceptum & admonitio fabulae narratione  
comprehenduntur,*

## Columba & Pica.

<http://rcin.org.pl>

E

Cur

Cur tu, inquit pica columbae, semper eodem in loco deponis ova tua, atque nullos excludis, neque redderis prudentior continuis rapinis hominum? Huic columba: Non finit, inquit, simplicitas mea, neque male suspicari de alijs, neque meos ab illorum iuriis eripere.

Ostendit fabula, simplices esse injuria & fraudi expositos.

### Cuculus & Accipiter.

Cuculo & rostrum aduncum, & acuti sunt unges. Itaque generis accipitrum esse creditur. Huic ajunt esse cibum vermiculos, quos de materia & arborum quoque ramis colligere soleat. Atque tales illi victum exprobrasse, ut vilem & contemnendum, accipitrem ferunt. Quin tum, inquit, spectari qui avium carnibus vescor, & cum generis nostri esse videaris, etiam facta imiteris? Haec oratio, cum movisset cuculi animum, videt ille paulò post captum accipitrem, alligatum collo, pendere de tecto alti columbaris, in terrorem aliotum accipitrum, tum igitur ita cuculum locutum acceptum,

cepimus: Nunc mihi etiam suaviores mei vermiculi, & gravior illa esca futura est, sine periculo parabilis: Neque ego lauticias moror, quæ tanto discrimine petuntur.

*Docet fabula, mediocritatem tutam optabis.  
liorem esse, quam sit periculosa excellentia.*

### A sinus & Vitulus.

In uno prato pascebantur asinus & vitulus. Cum autem signum auditum esset adventus hostium, quod de more solebat dari pulsato ære: Fugiamus, inquit vitulus, ne in potestatem hostium deveniamus. Cui asinus: Fuge sanè, inquit, cui cædes & mactatio ab istis impendet: mihi periculum novum nullum objicitur, quem serviendi & fendorum onerum conditio eadem manet, tam apud cives, quam apud hostes.

*Docet fabula certæ & expletata miseria cum alia miseria commutationem non esse pertinendam.*

### Pastores.

Pastores cæsa ove convivium intra tabernaculum agitabant. Quod cum lupus, qui prædandi causa caulas circuibat, fieri cerne-

ret: Ego, inquit, si agnum rapuissem, quantus tumultus excitaretur? at isti impunè parentem vorant. Tum unus his auditis: Nostra enim, inquit, scelerate, non aliena ove epulamur.

*Docemur hac fabula, & potentes impune peccare, & horum delicta non facile reprehendi à quovis debere.*

*Narratur fabula eadem sententia & de mulierculis comedentibus gallinam, ac vulpe, quæ dixerit: Ego si hoc facerem, omnes jam canes in me incitarentur.*

### Capi.

Gallinacei castrari solent: ita celerius pingvescere existimantur. Horum magnus numerus in villa alebatur, cumque omnes opimi redderentur cibo largo, & curatione diligente, in uno tantummodo nihil proficiebat sagina; huius macilentiam irridebant cæteri. Mox cum audissent imperium heri, pingvissimi quique ut jugularentur ad cœnam (affuturos enim hospites) intellexere stulti, quantopere sibi & vitæ suæ carnes quibus dudum superbijsent, contrariae & nocentes essent.

Con-

*Consolatur fabula tenues & pauperes, illorumq[ue] vitam docet esse multo tutiorem, quam sit locupletum, & ut Graci loquuntur, τὰ μικρά.*

## Equus novitus.

Mercatus quidam equum, cum prius haberet valde strenuum, aliquantò cum maiore cura illum aluit quam alterum. Hoc mirari ipse quoque, atque de socio causam exquirere, quid enim, inquit, est, cur me impensis curet herus, multis nominibus te inferiorem? neque enim forma, neque velocitas, neque vires meae cum tuis comparandas sunt: Cui ille: Nihil, inquit, novum neque mirum herus facit, sed hominum more prioribus posteriora & recentia usitatis præfert.

*Fabula levitatem vulgi notat, & novarum rerum studium.*

## Canis & Sus.

Ad aucupia canes diligent & exquisita cara atque ratione erudiri & institui solent, & ad silentia verborum minis & aurium vellicatione assuescunt. Certæ autem nationis hi diliguntur, quorum in primis bona sagax-

que natura sit. Huius generis uni istam ser-  
vilitatem exprobrasse opimum & pinguem  
suem ajunt: Cui ille, se non poenitere brevis  
molestiae, responderit, qua vitam sibi com-  
paratus sit delicatam, neque pigere in præ-  
sentia tædij aliquantulum devorare, ut lau-  
tissimis diu postea cibis perfruatur.

*Fabula hortatur discipulos bonarum artium  
& virtutis ad labores, qui in discendo exhauien-  
di sint, perferendos, spe maximorum commode-  
rum, & jucundissima vita.*

### Trabs & Boves.

*Qui trabem boves trahebant, unde tignū  
fieret, increpabantur ab illo, quod anhelan-  
tes in pigriti: lento gradu incederent. Cui  
unus de bobus: Nos tamen, inquit, hoc mox  
onere liberati acquiescemus, cum tibi paulo  
post imponendum usque ad cariem sit susti-  
nendum.*

*Subjicit fabula preceptum humanitatis, ut  
vere amur insultare miseris, cum fieri possit, ut  
nos multo major calamitas maneat.*

### Carduelis.

*Avolarat carduelis, quam diu puer in de-  
litijs*

litijs cicurem habuerat. Hanc ille gestu & voce revocare, & dare operam, ut blanditia verborum pelliceret ad reversionem. Nam, Cur, inquit, mea tu fugis, aut quid tibi triste aut contrarium, dum mecum fuisti, unquam accidit, vel quid potius ad beatam vitam defuit? nihil, inquit illa; sed meo arbitratu vivere mihi maxime libet.

Decet fabula, nullum bonum libertatis bono melius aut præstantius esse. Et illi Spartani in Polymnia: Persam, ajunt si sciret, quam suave esset in libertate vivere, auctorem ipsum futurum fuisse. *εγένετο δέ τοι μάλιστα αὐτὸν νησί τηλεχεστί.*

## Upupa.

In aquilæ nuptijs ferunt sese upupam reliquis avibus hospitibus prætulisse, & cristas alte erexisse, & gen<sup>9</sup> etiam regium jactitasse. Sed huic dixisse ciconiam accepimus, pan non esse, ut primas teneat avis, cuius nidus nunquam stercore careat.

Monet fabula, non esse honestatem de ornatu, sed de vita ratione estimandam.

## Gulæ dedicus.

Gulæ deditus quidam ad epulas invitatus in rus, quod abeslet paulò ab urbe longius, dum proficiscitur spe singularium lautiarum & opiparè instructarum dapum, in itinere pira reperta ita sprevit, ut etiam per derisionem lotio suoaspergeret. Cum autem rivus, quæ transeundum fuerat, subito ea nocte ad altitudinem excrevisset tantam, ut cum manifesto discrimine ingressurum se ille aquas intelligeret, redire tristis, atque post erectam spem copiosi cibi acerrimè etiam esurire cœpit. Itaque cum ad pira, quæ dudum comminxerat, venisset, detersa illa arrosit, & hanc escam objecit jejunis & latrantibus intestinis.

*Fabula docet, contemnus & fastidij sâpe has pœnas dari, ut qua paulo ante homines sprevint & abjecerint, ea mox appetant & amplectantur.*

### Equus & Porcus.

Alacriter ad pugnam equus & armatus ipse, & armatum equitem vehens proficisci batur. Hunc conspicatus porcus de luto, in quo volutabatur; Heus tu, inquit, quò pro-

peras

peras ignarus, an vitam in prælio amissurus sis? Cui equus: Etiam tibi, inquit, mors impendet, & quidem oppetenda sine laude, ubi tuo domino satis pinguis factus esse videberis. At mihi quidem animam, si ita cadat, viri fortis, tibi lanij manus eruptura est.

*Fabula honestam mortem non nimium pertimescendam docet, cum etiam in summa ignorâ illa evitari non possit.*

## Venator & Credo.

Credo ad venatorem quodam tempore devenisse dicitur, & petiisse ab eo, sibi ursi pellem ut venderet. Venator sibi illo tempore ursi pellem non esse respondit, sed si vellet pecuniam numerare, curaturum se post dies paucos ut haberet, cum ursum ceperisset, cuius lustrum jam sibi exploratum esset. Itane, inquit credo, facile est ursum capere? Mihi quidem, inquit venator, nequaquam difficile hoc fuerit, inter feras & in silvis penè à puerò versato. Licetne, inquit credo, te comitari? nam mihi libet spectatorem esse talis venationis. Licet, inquit venator, mecum perendie in silvam abeas. Quò

cum esset ventum , apparuit statim ursus , bellua ingens & horribilis . Cердо тūm celeriter arborem conscendit . Venator adortus feram fortiter , cùm tamen hæc excusisset iustum , recordans quod audijsset , non solere ursos cadavera morsu attingere , in terram se , quasi mortuus esset , abjecit . Ursus autem naribus ad os & aures illius admotis captare anhelitum , & tentare an spiraret . Sed illo animam continente , ursus mox discessit . Tùm igitur & venator se erexit , & cerdo de arbore descendit , atque jam animis receptis , inter alios sermones percontari cerdo de venatore , quid in aures ipsius fera insusurasset ? cui venator respondebat : Monuisse illam diligenter , ne posthac unquam ursi pellem , nondum cæpto & confecto ipso , vendendam existimaret .

*Fabula hcc , quod Gracum proverbium . Non esse ante victoriam exultandum , admonet , ne securitate & temerarijs animis dubia pro certis habeamus .*

## Leo & Mus.

Leo captus laqueo , orat murem , se ut corrosis

rosis plagis liberet de impendente interitu, promittitque se accepti beneficij nunquam esse obliturum. Mus facile, quod leo flagitarat, cum effecisset, petiit ab illo, ut filiam sibi collocaret in matrimonium suam. Leo, quamvis res ea sibi videretur indigna & absurdæ, noluit tamen auctori vitæ & salutis suæ, quod postulaverat, denegare. Spondet igitur filiam, sed hoc tamen monet, cogitet musculus, vix fieri posse in tanta inæqualitate, nuptiæ ut felices sint. Sed mus in sententia permansit. Cum igitur nova nupta leæna juvencula & ferox ad maritum deduceretur, obvium eum, non visum neque animadversum, pede conculcatum obtrivit.

*Fabula ostendit, amicitias potentum esse periculosas, etiam non raro damnosas humilibus, & parvorum sodalium esse expetendum usum parvis. Sed & hoc monet, quod proverbium Gracum translatum de turbinis ludo, Agitandum aptum & convenientem. Vnde hoc factum:*

*Qua cupis egregie nubere, nube pari,  
Cera.*

Cera in videbat lateribus duritiem, quam  
de

de igne consequi illos videbat. Abjecit igitur & se in flammam , futurum sperans , ut & ipsa induresceret : sed contra accidit, celeriter ut dissiperet, & liquefacta ab igne consumeretur.

*Docemur, non esse appetenda ea, quae sunt à natura nobis denegata.*

### Agricola.

Cum esset pertusum agricolam semper terti laboris in terra fodienda & aranda, inque varia & difficile cultura arborum , animum ille ad militiam adjecit , quod multos audisset rem & famam belli gloria quasi visse. Fundo igitur vendito , exornatus & instructus armis cæterisque rebus necessarijs militatum abit. Sed re male gesta vulneribusque acceptis vix servatus de prælio, mercaturas potius facere statuit , quod his locupletatos & auctos quamplurimos animadverteret : navem igitur conductit , & merces comparatas diversorum generum in illam imponit, spe magna futuri lucri. Sed cum veheretur in mari, de improviso (ut fit) tempestas oritur, & navi fracta, ipse una cum mercibus fluctibus obruitur atque perit.

*Fabula hoc dicit: Mutantes conditionem & fortunam suam, plerumq; quod fugerint relinquentia, alibi reperiri duplicatum.*

### Amnis.

Contempsisse præ se amnis fontes suos fertur, cum & ipse piscibus abundaret, & flumine largo, nec non grato alicubi murmure delaberetur. Quin etiam, inquit, tu intra muscos istos tuos & herbulas delites, ego præter & amoenissima loca terrarum, & celeberrimas urbes, & populos ac gentes maximas feror. Fontibus offensis superbia & protervitate alumni, placuit reprimere scaturiginem suam. Ita origine extincta, celeriter defecerunt undæ fluvij, & amnis exaruit.

Notat fabula eos, qui sibi arrogant auctoribus ea bona, qua aliunde accepere: & docet, ab ingratis deterrimi vicij gravissimas pœnas dari solere.

### Cornicis consilium.

Aves deliberabant de creandis pluribus regibus, quod sola aquila tam lati imperij habendas moderari posse non videretur. Sed

cornix hoc agendum non censuit; nam & facilius, inquit, atque citius unum dolium completur, quam multa, & ad plura diversaque signa eodem momento oculos dirigerre quis possit?

*Fabula & populis multitudinem imperantium onerosam esse, & non bene regere plures indicat, secundum sententiam Homericam:*  
*Non bene turba regit, Rex gentibus imperet unus  
 Unus & acceptus rerum moderetur habenas,  
 Qui Saturnigena tenet istud numine donum,  
 Ut sceptro & jure coercet aquo.*

### Proximus sibi quisq;.

Cujusdam perquam laudatae foeminæ maritus graviter ægrotabat, neque posse diu vivere credebatur. Hoc illa ita dolenter ferre, ut mortem sæpiissimè lamentis & ejulatu maximo citaret ad sese pro marito tollendum. Dicitur tunc mors toties vocata tandem affuisse. At illa territa horribili specie, & perculsa animo, mutataque subito voluntate, mortem ad lectulum deduxisse fertur, & indicato viro eum esse dixisse, cui esset moriendum.

Doctri-

*Doctrina fabula præscripta est. Omnes enim  
ajunt, sibi melius esse quam alteri.*

### *Adolescens cantans in fu- nere matris.*

Ducebatur funus defunctæ mulieris pro-  
deuntibus unâ parte & filio, conductisque  
qui monodiam, ut fit, concinerent. Ibi fi-  
lius inter lugentes incedens cum patre, &  
ipse cantare cœpit. Pater autem increpat  
adolescentem, & dicit insanire, qui in luctu  
cantitet. Adolescens autem : Quid ego  
igitur, inquit, ago aliud quam isti, quos ad  
concinendum tu conduxisti? Sed non de-  
cet, inquit pater, te hoc tempore quod illos.

*Fabula docet, omnem laudem vita, & id  
quod decorum vocatur, totum temporibus &  
loco & personis contineri.*

### *A sinu ægrotans.*

Increbuerat fama, asinum jacentem in  
morbo, non procul à morte abesse. Ve-  
niunt igitur ad domum, in qua ille decum-  
bebat, canes & lupi, & ostium aperiri, & se  
intromitti ad visendum ægrotum postulant.  
Sed asellus parvulus per rimam januæ re-

spondet: Nihil hoc officio opus esse patri suo atque eum melius etiam valere , quam ipsi vellent.

*Simulata & fallacia officia hac fabula notantur.*

## Mulier & Nux.

Mulier nucem interrogasse dicitur, quare afficta illa demum uberes fructus ferret? Quia enim & tu, inquit nux, verberibus affecta melior reddi , & asinus plagis incitari solet.

*Fabula docet, quod in alium dicatur, audiendum etiam esse, juxta versum Homericum:*

*επποῖος καὶ εἴπεις, τούτοις καὶ επανουρέεσσι.*

## Asini vota.

Cum hyems asino ob frigus & arida pabula admodum gravis videretur, expetebat ille ardentibus votis verni temporis viriditatem & teporem. Sed illo tempore cum crebriore agitatione exiceretur , æstatem advenire optavit; Quæ cum præter alios labores etiam onera frumenti ex area & fructus ex hortis deportandos ipsi imponeret, reliquus erat autumnus , quem expectabat

quie-

quietiorem. Sed per illum quoque vindemia & lignatus molestijs & defatigationibus pressus, ad hyemis reversionem desiderium suum retulit.

*Docet fabula, totam vitam in laborum tempora distribui. Nam secundum Menandri verbum:*

*δει της γενουίτης πίγεις αὐ ζασιν, πονεῖν.*

Notat & rularem levitatem, qua præsentem fortunam nunquam boni consulere solct, secundum Horatianum hoc:

*Optat ephippia bos piger, optat arare caballus.*

### Murus & Felis.

Mures felem placide accubantem cum multum & diu contemplati fuissent, tum unus: Libet, inquit, cum ista mitissima (ut appareat) & mansuetissima animante familiaritatem contrahere, atque his dictis ad felem accessit, & blandè compellauit, quæ illum statim comprehensum dilaceravit. Hoc intuentes alij mures: *Quantopere, inquiunt, nostrum popularem species fefellit?*

*Fabula docet, de vultu & specie animum atque mores certò intelligi non posse.* *πολλάκις γαρ γνωμὴ εἰσαπέτασται δέος.* Et impostores & insidiosi

*simulant benevolentiam, & odium atque consilia pernicioſa tegunt secundum hoc Odys. p.*

*Ιδού ἀγρενότες, κακά δε φέρει παντες δικαιον.*  
Et hoc: Odys. σ.

*Οἵτ' εὐμενότες, κακάς οἱ πάντες φέρεσσιν.*

## Aſinus lapsus.

Aſinus post longam & probatam servitutem suam, & multas onerum atque bau-  
lationum egregias operas, quodam tempore  
sub valde gravi onere cum ad saxum impro-  
vium offendisset, in via cecidit. Tum ac-  
currit agitator, & acerbissimis verbis atque  
vehementibus etiam plagis illum petit. At  
aſinus secum, & suam conditionem deplo-  
rare, & accusare ingrati domini ſævitiam,  
qui oblitus omnium priorum, ob unam for-  
tuitam offensam, tam graviter ſe affligeret.

Fabula significat, fere homines quid quoque  
tempore fiat, non quid aliquando factum fit ſpe-  
ctare, & unum ſaþe delictum memoriam multo-  
rum egregie factorum inducere ac delere,

## Hyſtrix & Lupus.

Hyſtrix africanum & Indianum eſſe ani-  
mal perhibetur, non abſimile erinacio, ſed  
longioribus aculeis armatum, & ijs quidem

missilibus, quos soleat ejaculari in persequentes. Huic insidians lupus, ut spicula ponat, neque se illis sine causa perpetuo oneret, suadet; Cùm autem opus sit, & res pollicat, tunc uti resumat. At illa: Nunc igitur, inquit, his opus: Nam lupo inermem occurrere periculosum est.

*Fabula monet, ut aduersus hostium & inimicorum vim ac fraudes semper muniti & defensi esse studeamus.*

### Mus & Milvius.

Irretitus & implicitus laqueis milvius, exorat musculum, se ut liberat. Hoc ille facile corrosis plagis effecit, tunc milvius eum arripit & devorat.

*Ostendit fabula, quam gratiam pro beneficijs acceptis mali reddere soleant.*

### Testudo domigera.

Aliud alijs animantibus à Jove donum potentibus facultatem hanc petuisse testudo fertur, domum ut suam absque incommodo quolibet secum circumferre posset. Quid ad hoc petendum ipsam moveret interrogata respondit: Malorum vicinorum me-

tum in quos si forte incidisset, nihil esse negotij futurum, ut migratione sua declinaret, si domum portabilem haberet.

*Infamat vicinitatem improborum fabula, rem deterrimam & execrabilem, bonorum autem vicinitatem commendat, secundum Hesiodi versum:*

πῦραν κακος γειτων, οὐασε τ' αγαθος μεγ' ὄρεισσα.

### Erinacius & Vipera.

Impetraverat à vipera erinacius, per brumæ frigora in suam ipsam ut cavernam acciperet. Cùm autem in angusto loco spinis hospitis pungeretur vipera, postulat ut suam domum sibi relinquat, & aliò demigret, cùm intelligat illam ambos capere non posse. Sed erinaceus fertur respondisse: Si quis durare illic nequeat, ei sua caussa ut exeat licere, sibi discedere in animo non esse. Si vipera habitatione offendatur, posse hanc mutare. Ita hospitis injuria cavernā suam illa amisit.

*Monet fabula, ne cum illis nos facile conjungamus, in quorum potestate nos aut res nostra postea futura esse videantur.*

### Lepus & Vulpes.

<http://rcin.org.pl>

Ante-

Anteponebat se vulpi lepus, cui pedum perniciitate præstaret. At vulpes dicere, se ingenio vincere, cuius esset multò & frequentior & præclarior usus quām pedum.

*Fabula incredibilem esse ait bonitatem prudentia, neque corporis maximas dotes cum minimis animi dotibus comparari rectè posse. Itaque & ab Apollonio introducitur præclare Amphion, qui suo cantu bis tanto majorem lapidem alliciat, quām litendo summis viribus Zethus afferre potuisset.*

## LUPUS.

Induerat pellem ovis lupus, atque cūm ita ignoraretur, aliquantis per impunē in gregem fuit grassatus. Sed pastor mox animadversa fraude, necatum hunc de arbore suspendit: Hoc qui pelle decipiebantur admirantibus: Pellis quidem est, pastor inquit, ovis, sed sub hac lupus latebat.

*Habitus & vultus indicia non habenda pro certis fabula docet: ideoq; facta & rem spectari oportere.*

## CANIS & PASTOR.

Pastor deprehensum canem, cui custodiam

<http://rcin.org.pl>

gregis commiserat, in cæde & devoratione ovis, arripit interfectorus, sicuti commeruerat. Cui canis: Cur tu, inquit, tuos vis perdere? Meos quidem, inquit ille, nocentes & sceleratos multò quàm externos magis, præsertim eos, à quibus fidelitatem & benevolentiam speraverim.

*Fabula hoc monet: Non mirandum neque graviter ferendum, si inimici nos lèdant, qui proficiantur odia sua, ut n̄isi caverimus neminem nisi nosipso accusare debeamus. Sed hoc esse indignum & animadvertendum si amici & beneficijs à nobis affecti animum mutent, & fallant opinionem nostram, & insidentur capiti fortunis ve nostris.*

### Aries & Taurus.

Aries, qui inter pecora principatum teneret, superbia elatus, cum tauro congregatus fuit. Qui ita illum accepit, ut moribundum relinqueret in deploratione temeritatis & sera poenitentia.

*Monet fabula, non esse adorierendos viribus præstantiores.*

### Asinus puniceus.

Fertur quodam tempore mater fuisse hor-tata juvenculum filiam , cuius ante aliquot menses maritus mortuus fuisset , alteri ut nuberet. Filiam ajunt dixisse , cupere qui-dem se obsequi illi , sed reformidare sermo-nes hominum. Tùm matrem foeminam prudentem accepimus, puniceo colore asinum domesticum curavisse infici, ut nova illa species omnibus esset admirationi. Ita-que quàm plurimi primum ad conspectum accurrere. Postero autem die diminui spe-ctantium numerus , tertio deinde & quarto magis. Postremò solus asinus jam ut antè incedere. Hoc exemplo docuit filiam ma-ter, sermones hominum de conjugio secun-do ipsius, etiamsi existerent aliqui, tamen fu-turuin, ut celerirer illi conticescerent.

*Fabula docet, insolita omnia tempore exue-te admirationem.*

### Aquila & Cuniculus.

Aquila raptos pullos cuniculi detulerat in nidum suum , quem in altissima arbore fixerat. At mæsta mater , ut suis pareat, per omnes illam deos miserorum curatores

Obte-

obtestatur. Sed aquila cuniculi precibus contemtis, & despacta humilitate, dilacerat pullos cuniculi & suis præbet discerpta membra. Hic verò dolore & ira commotus suo cum genere conqueritur aquilæ vim, &c, ut quisque sibi idem, quod ipse pertulerit, accidere posse cogitet, neque illud facinus impunè ferre aquilam sinant, hortatur. Ita concordi illi studio ad eruendam arborem, in qua nidularetur aquila conveniunt, & egesta à radicibus illius terra, omnique circum eam solo specubus excavato, ita impulsa arbor leviflatu paulo pòst in terram prosternitur. At pulli aquilini partim ruina, partim raptu terrestrium ferarum interière, & orbitati cuniculi gratissimum spectaculum præbuere.

*Docet fabula, ne quis potentia aut viribus fretus alium quemlibet despiciat; nam & infirmitatem sape acceptas injurias ulcisci.*

### Ovis & Pastor.

Expostulabat cum pastore ovis quodam tempore, quòd non contentus omne lac emulgeret, sibi lanam etiam detonderet &

cuticu-

cuticulam nudaret : atque inter hæc & maledicere illi audebat. Tum pastor iratus, arripuit agnum primigenium illius & mactavit. Ovis etiam pœna, ut multi solent redditâ commotior : Quid ergo nunc restat, inquit, quod malefacias ? Egone tibi, inquit pastor ? Te etiam ut jugulem ipsam & pellem detrahám de corpore tuo, carnibusquē pastis ossa tua projiciam canibus, & pellem tradam macerandam pellioni. Siluit igitur ovis majorum malorum metu repressa.

*Fabula subjicit praeceptum moderationis, ne indignatione irritemus adversa, πησος νέντρον λανθάνεις. Docet hoc quoq[ue], gravibus malis & criminis elationem animi reprimi solere.*

## Rota & Vector.

Quare tu, inquit rotæ viciatae vector, totum hunc diem nobis stridores tuos obganis ? Quia enim, inquit rota, graviter labore, & vehementer afflita sum ; qui ergo possum non queri atque lamentari ?

*Fabula ostendit, misericordia & calamitosus ignoscendum esse, si fletus & querimonias usurpent.*

## Vulpes leporis laudatrix.

Cùm non procul abesset , quin canis vulpem insequens illam deprehenderet , conversa ad auxilium fraudulentiae vulpes , cùm forte leporem in propinquo conspexisset , miris modis collaudare cani suavitatem carnis leporinæ . Canis vulpe relieta leporem cœpit sequi . Hic verò celeritate pedum elapsus , graviter accusare postea vulpem , à qua cani proditus esset . At enim ego te vulpes inquit , studiosè laudavi .

*Malorum laudes esse nocentes docetur.*

### Vulpes & Lepus.

Orabat vulpes Iovem , ut calliditatem ingenij sui velocitate curtus ornare vellet ; Lepus autem celeritati suæ adjungi veſutum animum petebat . Iovem his ferunt responſisse . A ſe in animantes singulas liberaliter eſſe certa dona & beneficia collata , neque uni ſe largiri omnia oportuiffi . Hanc enim benignitatem erga unumquempiam , ſummam iniquitatem erga universos alius futuram fuifſe .

*Hoc aut fabula : Non uni dat cuncta Deus,*

### Equus inornatus.

Complutibus equis ad certamen cursus & celeritatis comparatis, & secundum factiones ornatis, cum phaleris, tum coloribus conspicendi & illustribus, unus inter eos cum loris cotidianis, firmis illi quidem atque habilibus frenis, sed minus versiculoribus & speciosis, etiam productus fuerat. Hunc igitur ridere alij. & præ se quisq; contemnere. Postquam autem ad certamen ventum fuit, hic palmam obtinuit.

*Subicit & hæc fabula sententiam Theognidis: Sapè decipi animos specie. Et docet, non spectandum habitum & ornatum, sed virtutem. Latet enim sapè sub palliò sordido sapientia.*

### Vox Hœdi,

Repulsus sæpenumero Clientibus pauper à patrono, qui sibi non vacare, quoties ille advenerat, diceret, affert tandem tenellum hœdum in ædes illius, & stans in atrio veillacabat hœdum, ut vox illius exaudiretur. Tum patronus suis, Ecquis adest, inquit, qui consulere vult? Et clientulo toties ante repulso, quid narras, inquit, tu? Causaque cognita, consilio adjutum, dimisit.

*Fabula eadem est doctrina, que Ovidiana  
sententia: Placari donis deos & homines.*

## Senex & Adolescens.

Conspectum senex adolescentem, qui de sua arbore poma carperet, hortatur, ut aliena ne invadat, atque rapiat. Hunc adolescens de arbore irridere, & poma, ut cœperat, decerpere. Tum senex: Herbas, inquit, audi vi magna vi & efficacitate pollere: vellit igitur herbas, & contra adolescentem projicit. Hic vero in cachinnos effundi & senem delitare credere. Ibi senex: Nihil quidem herbarum, inquit, ut intelligo, vires erga istum valucre, sed & lapides, de quibus saepe mira, quantum illi possint, audire memini, experiar atque collecta saxa in furem conjectit, atque illum de suis pomis facile abegit.

*Fabula Terentianam subjicit sententiam:  
Omnia prius experiri, quam armis. sapientem  
decet.*

*Docet & hoc, senilis prudentia, qua huius etatis propria est, esse impetum lentum, sed vehementem.*

## Luscinia & Accipiter.

Luscinia accipitrem, à quo comprehensa fuerat, orabat, se ut dimitteret, neque id enim gratuitò facturum esse ajebat. Precium quodnam futurum esset roganti accipitri, respondit, suaviissimi carminis sonus. At ego, inquit ille, non aures meas, sed ventrem expleri cupio.

*Fabula potest ad duos sensus eosq; dissimiles accommodari. Primum ut intelligamus, imperitos homines liberalibus studijs atque artibus non capi. Alterum, necessaria jucundis anteferrere oportere.*

## Culex & Apes.

Brumæ frigore & insuper fame laborans culex, ab apibus petiit, intra ipsorum alvearia recepto, sibi ut cibum impertirent, ob quod meritum se illorum filios canendi attempt edocetur esse pollicebatur. Tum una de examine: Nihil, inquit, tua est arte opus liberis nostris, qui à nobis multò meliorem & magis salutarem discere poterunt.

*Monet fabula, ita instituendo liberos & ejusmodi artibus instruendos ut sua opera ipsi viclum sibi querere sciant.*

# Leo, Asinus, Lupus.

Leo cum bello contra volucres suscepto copias suas recenseret, & prætereunte asino & lepore, quas nam ad res uti possit speraret, urso interroganti respondit: Asino tubicinæ, & lepore tabellatio.

*Fabula docet, neminem esse tam parvum aut humilem, cuius non aliena in re opera utilius esse possit.*

# Accipitrum pax.

Accipitres quodam tempore inter se acer-  
sime belligerabantur. Hos columbae in  
gratiam reducere & à dimicatione mutuisq;  
cædibus abducere conatae, perfecere, ut pa-  
cem illi inter se facerent. Qua firmata, tam  
in columbas, quam in reliquas minutæ avi-  
culas ipsi concordes, vim & ungulas con-  
vertere.

*Docet fabula, utiles esse saluti bonorum di-  
scordias malorum ut ferunt Melanthium sive  
joco seu serio dicere solitum: Rem publicam  
Atheniensium servari dissidijs oratorum, quod,  
cum non incumbant universi quasi in unum latus  
navigij, fiat, ut ab altera parte veluti pondere op-  
posito administratio libretur.* De  
[libretur.org.pl](http://libretur.org.pl)

## De Mortis nuncijs.

Cum hercules reliquisset superatum Letum ad bustum Alcestidos, ubi illud jaceret anhelans & exanimatum, misertum illius quendam Pheteum, qui transiens aspexisset, recreasse ipsum & perfecisse ferunt, ut vires pristinas recuperaret. Ob hoc beneficium Letum promisisse illi memoriam a se grati animi, & cum non procul posset, non tamen se oppressorum esse de improviso benefactorem suum, sed missurum prius, qui monerent, quique indicarent, quod appropinquaret Letum. His pollicitis hereus elatus, animo seculo vitam egit, cumque minime metueret, Letum ad se auferendum adesse cognovit. Questus igitur ille gravissime prohibetur, se circumventum fraude artipi, & Leti vanitatem accusasse; neminem enim prænunciasse adventum ipsius Cui Letum narrant demonstrasse, plurimos a se nuncios ad eum pervenisse. Nam & annos ante sex febri, & post duos rursus gravedine ac destillationibus eum laborasse: Inter eaque saepe cum tussis, saepe capitis doloribus

conflictatum , proximè etiam arhelasse. Quibus omnibus ut accedentis Leti nuncijs non longissimè illud abesse commoneri debuerit. Quin etiam, inquit, paulò ante adventum meum , germanum fratrem ad te misi, veterosum illum soporem, in quo aliquantiisper pro mortuo jacuisti. Ita probata fide sua, quodque promissum fecisset, Phereum lamentantem & muliebriter ejulantem abripuit.

*Docemur, de valetudinis imbecillitate, & morbis cognoscendam mortalitatem, neq; mortem omnibus necessario oppetendam nunquam perhorrescendam esse.*

### Vulpes & Hircus.

Siti correpti hircus & vulpes, in profundum puteum desligerunt, cumque illam sedavissent, hircus cœpit circumspicere & querere, qui de aquis evadere in terram posset. Cui vulpes: Bonum, inquit, animalum habe; nam mihi consilium subiit, quo usi servari possimus ambo. Si enim te in posteriores pedes erigens priores parieti isti applicueris, & caput alte, cornua ut oblique

reclinentur, extuleris, tūm ego de tergo tua  
in hæc ascendere, atque deinde exilire de pu-  
teo, & te mox etiam atrahere facilè potero.  
Ad hæc cùm se hircus paratum esse diceret,  
& obsequenter præbuisset, evasit de puteo  
vulpes, atque ibi læta circum fauces exulta-  
re, & deridere hircum cœpit. Ille verò hanc  
graviter accusare, & perfidiaè insimulare.  
Cui vulpes illudens: At tu, inquit hirce, si  
tām cordatus es, quām barbatum esse sci-  
mus, nunquam in istum te locum, non ex-  
plorato reditu, immisisses.

*Significatur hac fabula viros prudentes prius-  
quam quicquam aggrediantur atq; incipient,  
prævidere & considerare, quonam illud evasu-  
rum, & quem finem habiturum esse videatur.*

## Gallinæ & Perdix.

*Qui delectabatur alendis gallinis, allatum  
sibi fortè perdicem addidit ad cohortem il-  
larum, quæ cùm miseram mortibus impete-  
rent, & ab esca repellerent, singulari illa do-  
lore animi afficiebatur, quòd sibi hoc, quòd  
aliena esset, eoque illis nomine invisa, accide-  
re putaret. Paulò post videt ipsas quoque*

illas se mutuo conscindere. Tum se consolata, si inter se, inquit, istae inimicitias gerunt, neque parcunt sibi, ferenda scilicet & mihi a quo animo fortuna mea.

Hoc fabula sibi vult, prudentibus magno esse solatio considerationem communis fortis & conditionis, cum animadventent, neminem esse, cui non mala & aduersa plurima obijcantur: Eos de libenter etiam comparare sua mala cum aliorum malis, qui respectus sapè numero opinionem magnitudinis his adimere soleat.

### Gloriator.

Reversus in patriam quidam suam, unde aliquot annis absfuerat, in omnibus coetibus gloriabatur, & jactabat sermone praeclara facinora sua, atque se in insula Rhodo saltando signum fixisse, quod nemo omnium, qui adesset, assequi potuisset. Huius se habere testes universos Rhodienses ajebat. Tum unus de circulo: Heus tu, inquit, si vera praedicas, hoc esse loco Rhodium puta, & hic saltum istum edito.

Fabula hoc subiicit, quod & Demosthenes dicit, vanam esse orationem omnem, que rebus deficiatur.

ciatur. Proverbiū autem hoc usurparunt veteres in ostentationibus gloriōsorum retundendis, ut sic illos increparent: *Hic Rhēus, hīc saltato.*

## De Apollini tentatore.

Tentatus apollinem, deorum quidam contemtor & callidus, per sacerdotem fatidam, illius in templum venit Dei, ubi omnia pro ritu superstitionis illius apparata essent, occultatum manu sua passerculum continens, cumque ante cortinam, quem *τείποδα* Græci vocarunt, astitisset, sciscitus est: Viveretne, an mortuum esse, quicquid in manu teneret, ratus se facile in utramque partem datum responsum refutaturum esse. Tum vates de numinis instinctu hæc fertur cecinisse:

*Quicquid id est, tectum tua quod nunc dextera  
cælat,*

*Vel vivit, vel jam moritur, nostriq; videbunt  
Alterutrum in prolato oculi sed te penes huius  
Arbitrium facti est & ad hoc mens nostra re-  
currit.*

Discendum hoc est: In rebus divinis maxi-  
me, sed & erga sapientes non fere quicquam va-  
lere fraudes & astutias improborum.

# Mulier & Gallina.

Mulier vidua gallinam habebat, quæ singulis diebus ovum unum pariebat, quæ si curaret diligentius, & saginaret gallinam, sperandum esse existimabat, ut bina aut terrena illa quotidie ova pareret, cum autem cibo superfluo opima gallina & pinguis facta esset, plane tum parere ova desistit.

Ostendit fabula, cupiditatem & avaritiam sapè detrimentosam esse. Et scripsit Demosthenes hæc quoque præclare: *Rebus secundis non esse modum neque finem cupiditatum.* Itaque multos sape avidos fortuna melioris praesentia bona amittere. Et secundum Aristotelem, *πελαγον οὐδὲ περιττὸν αἰθερών, id est, Insatiabiles sunt cupiditates improborum.*

# Vulneratus à Cane.

Quem canis momordebat, circumiens medicum quærebat: Cui notus quidam obviam factus, cognitare, suasit ut in panem recentem exprimeret cruorem & saniem vulneris, atque comedendum hunc objiceret cani, à quo læsus esset. Id enim salutare ipsi futurum esset. Tum saucius cum risu:

Hoc remedio, inquit, ego scilicet in me omnium, qui in urbe sunt, canum morsus irritaverò.

*Docet fabula, nullo beneficio pravos ab injurys deduci, atque plerunque reddi benignitate aliorum deteriores.*

## Thunnus & Delphinus.

Thunnus delphinum persequentem fugiens, cùm incitatissimo ferretur impetu, fluctibus ad insulam appulsus, in illam unà cum Delphino ejicitur. Ibi Thunnus conversus, & Delphinum conspicatus vita defici, non sibi jam magis suam mortem tristem futuram esse ajebat, quia cerneret autorem illius unà secum interitum.

*Hoc fabula demonstrat, aquiore animo suas miseras ferre homines solere, si illarum autores ipsæm irretiri intelligant.*

## Fiber.

Fibrum esse quadrupedem animantem, qui ferè in aquis degat, atque eius pudenda magnum in medicinis usum habere accepimus. Hic igitur, quoties urgetur vi hominum, non iguanus, cuius rei gratia petatur,

præmordet ipse pudenda sibi sua, & contra  
insequentes projicit, atque ita sæpenumero  
conservatur.

*Significat fabula. similiter & prudentes ho-  
mines salutis sua conservanda gratia, jacturam  
facultatum libenter facere, ut & in poeticis fa-  
bulis legimus, non fuisse cariora Hippomeni po-  
ma aurea, quam vitam suam, quibus abjectis,  
illam retinuerit.*

## Divinator.

Divinator in foro respondebat consulen-  
tibus, cum subito illi nuncius advenit, pate-  
re fores domus ipsius, neque intus quicquam  
relicuum, sed omnem supellectilem esse di-  
reptam. Quo perculsus animo ille exiliit, &  
curriculo ad ædes suas contendit. Hunc  
conspicatus festinantem quidam: Heus tu,  
inquit, cum alienarum rerum predictiones  
profiterere, cur tuas negligebas?

*Notantur hac fabula ij, qui cum ipsi perpe-  
ram vivant, aliena omnia curare & corrigere  
oratione sua non dubitant. Simul & hoc Xeno-  
phonteum innuitur: Tunc adiret ambo per  
cœteros ro pellor, iacutis de un error.*

## Ægrotus & Medicus.

Ægrotus quidam à medico suo interrogatus, quo pacto præteritam noctem peregisset, respondit, se admodum sudasse. Hoc, inquit medicus, bonum est. Postridie reversus & similiter percontatus ægrotantem, audivit horrore fuisse ipsum vehementi cōcussum. Hoc, medicus, bonum, inquit, & ipsum est. Tertiò sciscitatus, quomodo haberet, cognovit aquam intercutem effusam affligere hominem. Sed & hoc bonum esse dixit. Digresso medico, accessit ex amicis unus ægrotum, &, quid sit, inquit, & in quo loco sunt res tuæ? Optimo inquit ægrotus: Nam multitudine bonorum extinguor.

*Fabula indicat, non alijs homines magis succensere, quam ijs, quos in suam gratiam mentiri, & a quibus assentationibus se falli animadverterint.*

## Auceps & Cassita.

Auceps laqueos disponebat, & struebat insidias avibus, cuius opera contemplans cassita, quid rei ageretur admirans, accessit proprius, scitcitur de homine, quid struat. Respondit ille, se urbem condere. Atque omni-

omnibus perfectis, occultat se intra ramos arborum. Cassita ad novam urbem aspiciendam celeriter advolat, & laqueo implicita capitur. Cumque accurrisset auceps, tristis hæc illi: Si tales urbes condis, inquit, non facile multos incolas reperies.

*Fabula monet, male coli atq<sub>3</sub>, habitari cùm oppidatum domos, in crudelitate & rapinis principum.*

### Viator.

Itinere quidam longe fatigatus, votum fecit, dimidium eius, quod reperisset, se Mercurio consecraturum. Cùm autem incidisset in sacculum, refertum palmis & amygdalis, illo sublato, fructus quidem comedit, nucleos autem palmarum & amygdalarum testas in atam imposuit, quod se solvere votum diceret, atque inventa cum Mercurio partiri, de quibus extima & intima illi offerret.

*Castigantur hac fabula avari, qui etiam deorum ipsorum respectum postponunt cupiditatibus suis.*

### Puer & Mater.

<http://rcin.org.pl>

Ita-

Itabat in ludum literarium puer parvulus, atque illic condiscipulis suas tabellas negligentiis asservantibus, suffurari eas & afferre matri solebat. Ea pueri furtis delectabatur, tantum aberat, ut ob delicta filium suum castigaret. Itaque ille, quod in pueritia facere assueverat in parvis, grandior in magnis etiam exercere cœpit. Deprehensus autem quodam tempore in manifesto furto, & capite damnatus, ad supplicium cum duceretur, valde obsecravit carnificem, ut sibi matris, quam sequi cum lacrymis & ejulatu animadverterat, compellandæ potestatem faceret. Quare facile impetrata, os ille, tanquam arcanam quandam orationem habiturus cum matre, ad aurem ipsius applicat, & mordicus hanc arripit. Quod factum non solùm matre, sed tota etiam multitudine indignè ferente, neque solùm ut furi faciente convicia sed etiam ut impio, docuit ille, matrem se ultum ut potuisset, causam sibi exitij & ignominiosæ mortis. Si enim cum quondam, inquit ad eam, pueriles afferebam tabellas, me castigasset, non processissem eò usque audaciæ, qua nunc ad crucem adigor.

*Monet fabula, neglecta delictorum supplicia  
in caussa esse solere, ut illa majora fiant & cu-  
mulatoria.*

## Pastor & Mare.

Pastorem qui gregem suum forte appu-  
lisset ad mare, cum cerneret illud stare placi-  
dum & quietum, cupiditas incepsit nави-  
di, & mercaturas faciendi. Venditis igitur  
ovibus suis, mercatur palmas & in navem  
imponit, atque ita in altum provehitur. Orta  
autem tempestate, cum periculum esset, ne  
navis fluctibus deprimeretur, mercibus eje-  
ctis in undas ægrè vacua navis fuit conser-  
vata. Post dies pauculos, cum ad mare pastor  
tristis sederet prætereunte quodam & secum  
tranquillitatem maris (nam tempestas abe-  
rat) admirante: Ego, inquit pastor, scio,  
quid sibi velit hæc maris tranquillitas: nam  
alias palmas profectò querit quas devoret.

*Docet fabula, malis acceptis homines cautio-  
res in posterum reddi solere.*

## Luscinia & Accipiter.

Cantantem . ut consueverat, ab arbore  
procera Lusciniam rapuit esuriens accipiter;

Quæ cùm intelligeret sibi mortem impendere, ad preces conversa orat accipitrem nesciendam sine causa. Non enim suam exilitatem avidissimum ventrem illius posse complete itaque suadere grandiores alias volucres venetur. Cui accipiter: Insanirem inquit, si partam prædam amittere, & sequi vellem ea, quæ nusquam apparent.

*Intelligendum, similiter & homines incogitantes quosdam reperiri qui spe majorum præsentem copiam despiciant atq; negligant.*

### Vulpeculæ.

Elapsa vulpes de laqueo, sed mutila (nam caudam amiserat) non vivendum in tanta deformitate sibi esse existimans, cœpit in commune suadere omnibus, ut & ipsæ præcidi caudas sibi parentur: cupiebat enim in turba & societate turpitudinis suum vicium quasi occultare. Quid enim, inquit has, & indecoras, & supervacaneum onus gestamus, vel potius attrahentes defatigamur? Aut cuinam, obsecro, rei utiles sunt, nisi forte verendum solum conduxitus? Parantem dicere plura, una de multitudine ju-

ven-

vencula fertur interpellasse his verbis: Heus tu, mea matrcula, num fueras hoc suafura etiam, si non tibi emolumento futurum esse sperares?

*Significat fabula, neq; aliorum commoda deliberationibus malorum proposita esse, neq; libenter homines ea consilia admittere, qua non eorum, quibus dantur commoda spectare atque procurare videantur.*

### Vulpes & Sentes.

Insiliebat forte in spinosas vepres vulpecula; cum laberetur, sentes apprehendit, in quibus inniteretur, ab his sauciata, cum cruentis pedibus & magno dolore: Siccine, inquit, sceleratæ sentes decipitis supplicem vestram? Cui sentes responderunt: Valde eam deceptam fuisse, quæ vellet sese apprehendere, cum ipsæ apprehendere, & retinere alia omnia consuevissent.

Ostendit fabula, stultè facere eos, qui opem & auxilium ab illis sperent, quibus insita sit malificiendi & injuriarum voluntas.

### Vulpes & Crocodilus.

Crocodilus Ægyptiacum est animal, te-  
trum

trum aspectu, atque monstrosum, specie la-  
certæ, cute rugis & squamis horrida, vastum  
atque informe. Inter hunc & vulpem quo-  
dam tempore certamen de generis nobilita-  
te extitisse narrant. Cum autem Crocodi-  
lus & majorum suorum multa præclara fa-  
cinora, & à se fortiter res gestas prædicatio-  
ne sua extolleret, respondit vulpes: Nihil  
opus esse verbis; nam de pelle apparere  
omnia.

*Hac fabula innuit, Mendaces ipsa re solere  
coargui & refutari.*

## Vulpes & Lignator.

Agitata Vulpes à Canibus longo spacio  
fugæ confecto, devenit tandem ad casulam,  
ante quam lignator sinebat stipitem quer-  
num; ad eum supplex configitorans, ut sibi  
latebras aliquas demonstraret, in quibus  
dum venatores præterirent, occultaretur.  
Ile misericordia motus suam casulam jubet  
subire, ibi sperare, se illam in tuto futuram:  
postea recordatus animantem illam esse no-  
centem, & tamen manifeste prodere sup-  
plicem non ausus, insecuris venatoribus, &

num vulpem vidisset pereantibus, vidisse quidem ille verbis negabat, sed manu oculisque casulam suam indicabat, ubi volebat intelligi jacere vulpeculam. Sed venatores non animadverso indicio, & attendentes orationi, celeriter discedunt. Vulpes, quæ & audierat, & viderat omnia, progressa ex de casula, abire insalutato signatore. Quod cum ille ægrè ferret, tanquam cum ingrato expostulabat. Etenim salutem tu mihi debes, inquit, & meo beneficio vitam retines. Tum vulpes : Agerem, inquit, gratias ego tibi, si cum oratione tua manus & oculi consentirent. Quòd si dicendum aliquid est, ego quidem linguæ benè precor, sed manus præcisas, & oculos tuos effolios velim.

*Fabula contra eos narratur, qui verbis bene pollicentur, re autem malefaciunt.*

### Homo & Statua.

Quidam domui suæ consecrata divinatio cuius lignea statua, colere hanc & fertis ornare assidue solebat, & petere ab hac divitias & opes. Sed hoc cum frustra longo tempore fecisset : non modo enim non au-

gebatur res ipsius sed etiam diminuebatur ; iratus tandem apprehensum pedibus simulacrum terræ influxit. Illiso autem forte in saxum capite , effractoque , magna vis auri effunditur, quod in eo fuerat inclusum. Hoc colligens ille : Magna est, inquit , perversitas tua, dive , qui venerantem te neglexeris, & afflagentem ditaveris.

*Significat fabula, pravos non cultu, sed vi & animadversione placari.*

### Canis & Cocus.

In domo quadam ingens convivium apparabatur. Invitat igitur canis domesticus externum , secum ut epuletur. Deductus externus in culinam, videt omnium rerum ad victum necessiarum summam adesse copiam, magnas etiam ubique lauticias animadvertisit. Itaque gaudio plenus , Papæ, quam opipare , inquit , hic nunc convivabor ! tanto scilicet me cibo ingurgitare potero , ut saturitas postridie etiam duratura esse videatur. Hæc ille secum latus murmurans, caudam quasi adulans coco quassat ; Ille ut ab externo metuens, arreptum de fenestra

nestra eum projicit in viam. Qui cum clamore maximo aufugiens, habuit obvium sibi notum, alterum canem. Hic igitur, qui fuisse eum invitatum foras sciret, quomodo acceptus esset, interrogat. Cui alter: Ita, inquit, multum potavi, ut ebrius, unde exierim, ignorem.

*Fabula docet, fidem non habendam ijs, qui de aliorum facultatibus beneficos se futuros esse pollicentur.*

## Rusticus & Filij illius.

Rusticus vicinus morti cum relinquere filiis suis divitias non posset, voluit excitare animos illorum ad studium diligentis culturae & in opere faciendo assiduitatem. Accersit igitur illos ad se, atque ita loquitur: Mei filij, quo in loco res meæ sint videtis. Vobis autem quicquid potui in mea vita comparsi, idque totum in vinea nostra quærere poteritis. Hæc cum dixisset, paulò post moritur senex. At filij, quod crederent in vinea illum thesaurum alicubi abscondisse, arreptis ligonibus solum vineæ universum effodiunt, ac thesaurum quidem invenere

nullum, terra tamen fodiendo perculta, vites uberrimum fructum tulere.

*Docet fabula, labores & operas summas di-  
vitias esse. Et est Epicharmeā sententia: Labore  
a dijs hominibus bona ventre.*

## Piscator.

Piscator artis non admodum peritus, ve-  
nit cum tibijs ad aquas, & carmen accinere  
cœpit, sperans futurum, ut ad vocis suavita-  
tem pisces exilirent. Sed falsus spe sua arri-  
pit rete, & projicit in aqua, magnamque  
copiam piscium extrahit. Quibus in ripa  
expositis & lascivientibus: Nunc saltatis im-  
probi, inquit, dudum autem me tibia in  
flante quiescebatis.

*Fabula dicitur de ijs, que temere, vel non  
suo loco, atq; tempore sunt. Eandem iratus Cy-  
rus apud Herodotum narrat Æolensibus,  
qui pacem a victore peterent, quem facietatem  
quondam ipsorum flagitantem repulissent.*

## Piscatores.

Cum piscatores diu multumque de fati-  
gati, nihil capere potuissent, tædio tandem  
affecti, perdita opera, tristes domum redire  
parant.

parent. Tum de improviso Thunnus a reliquis piscibus agitatus, saltu in navigium illorum se dedit, quo potiti, cum præda & læticia abiere.

*Indicat fabula sæpenumero forte fortuna obvenire ea, quæ nulla arte ac ratione parari potuerint, secundum Tragicam clausulam.*

πολλα δὲ αἰτίαις οργίαις γει  
ποιεῖ της δουλείας εκ ἐπειδή,  
των δὲ αδοκητῶν πέροι οὐκέτε γένεται

*Prater speni multa Dei efficiunt,  
Et spes multos sua frustratur.  
Contra explicat insperata Deus.*

**Votum quod solvi non  
posset.**

Ægrotabat pauper & in morbi gravissimo periculo cum à medicis desperasset, ad opem deorum confugit, quibus se, si convalesset, centum tauros immolaturum esse promisit. Hæc uxor illius, ut prope adstebat, cum audisset: Vnde, mi vir, tantum, inquit, numerum taurorum parare positis si voti convictus sis? At ille: Quid tu censem, inquit. stulta, cœlo descensorum, qui illud sacrificium fieri postulet, si ego sanitatem recuperaverophttp://rcin.org.pl

*Narratur fabula & ad hunc modum:*

Cum multi una in navi veherentur, orta tempestate hortibili, un<sup>o</sup> cæteris formidolosior, quasi desperato omni auxilio humano, deos invocare, & illis vota pro salute sua nuncupare, interque alia promittere, se consecraturum de cera lampadem tantam & tam ponderosam, ut malo navis æquaretur. Eo forte, qui juxta illum assidebat, audito, cum sciret mediocres esse, vel etiam infra mediocritatem facultates hominis, admonere voti magnitudinis, quod non videtur exolvere ille posse. Cui hic responderit: Si navis modo servata, & in portum delata esset, se facile dijs satisfacturum, quos consideret postea uno numulo emto cereo contentos futuros.

*Significatur esse multos in pollicendo faciles, qui etiam promittere ea soleant, quæ non velint, neg<sub>o</sub> cogitent facere.*

### Piscatores.

Dum extrahunt nassam de aquis piscatores, gravissimum pondus esse illius sentiunt. Quare lætitia exultare, & felici eventu im-

modice gaudere, quod operi præclarè posita videretur. Sed massa subducta in terram conspicantur ingens saxum, quo illa depressa fuerat. Ergo mutatis animis, contristari atque moerere, neque minus doloris capere ob falsitatem opinionis & ludibrium fortunæ quam incommodum suum. Tum unus inter eos senior objurgare eos & dicere: Non nimis indigne ferendum casum illum, quod consanguineam habere gaudium videretur tristiciam. Itaque vix aliter potuisse fieri, quam ut illius tanto complexis etiam hanc assumerent.

*Vtrumq; fabula monet, non prius latandum, quam explorata fortuna, neq; tamen tristiores exitus non etiam moderate ferendos esse.*

### De Sene & Morte.

Cæciderat ligna in silva senex, quorum fasce sublato, domum redire cœpit. Progressus autem multum sane viæ, cum defatigatus esset, & onere & itinere, deposito lignatu, acquiescens considerare ipse secum ætatis, inopiæ, solitudinis miserias, & clara voce invocare mortem, cuius auxilio facile

liberari se ab omnibus malis posse diceret. Tum mors exauditis precibus illius, coram assistens, quid verit percontatur. At senex territus, & quem jam mortis pigeret, nihil enim, inquit, sed requiro aliquem, qui onus paululum allevet, dum ego rursus subeo.

*Docet fabula, ad presentiam mortis omnes refugere, neq<sub>3</sub> quicquam esse tanti doloris aut cruciatus, quod vita dulcedinem diluere possit, vereq<sub>3</sub> Creo apud Sophoclem ait:*

*Fugiunt & audaces retro, postquam prope Vitam insuam grassarier mortem vident.*

## De Anu laborante ex oculis.

Laborans anus ex oculis accersit medicum, mercedemque pactum, ut sanitate recepta demum persolveret, convenit. Medicus orsus curationem, quotidie collyrio oculos pelluebat, & supinam in lectulo, cum inunxisset, in tenebris jacentem relinquebat, asportans ipse secum quicquid forte reperisset supellectilis, sive vasculum seu vestimentum mulieris. Quæ cum animadverteret se spoliari, & jam recuperato visu cer-

neret vacuam relictam domum sibi , postquam accessit medicus , mercedem postulans promissam ; nam & illam sanam , & se judicium nullorum , quibus notus fuisset morbus ipsius defugere ajebat Non est ita , inquit , medice : Nam priusquam tuæ attis fortunam subirem , conspicabar passim copiosam domi meæ supellestilem : Nunc vero sana , ut ais , nil prorsus video.

*Significatur hæc fabula, improbos, & veteratores ipsos nonnunquam suis dolis implicari & laedi.*

### Inimici.

In eadem navi vehebantur duo , qui inter se capitalia odia exercebant . Atque unus quidem in prora , alter vero in puppi residebat . Orta tempestate ingenti , cum omnes de vita desperassent , interrogatis , qui in puppi sedebat , gubernatorem , quam partem navis primum submersam iri putaret ? Cui gubernator , proram inquit . Tum ille : Jam non magis , inquit , mors mihi gravis futura est , siquidem aspecturus sum interitum inimici mei .

*Fabula significat multos non moveri suis malis,*

lis, si ijsdem inimicos, & eos, quos odere, prius circumveniri videant. Itaq; Achilles Homerius non recusat mori si prius Hectorem interficerit, cum sciret post huius cædem sibi quoq; instare ac prope esse exitium.

## Felis & Mures.

In domo quadam magna copia murium diversabatur. Hoc felis cum comperisset, eodem se contulit, & venatione atque captura muscularum bene aliquantis per victimavit. Cum autem mures animadverterent, suum numerum quotidie fieri minorem, & quod à fele consumerentur, statuerunt se intra suas cavernulas, & ijs in locis continere in quæ pervenire illa non posset. Felis cum mures non magis, ut soliti furciant, procurrere videret, statuit fraude elicere, seque quasi mortua esset, de clavo quodam suspedit. Quam conspicatus forte desuper musculus: Heus tu, inquit, si te in sacculum conversum esse sciam, nunquam tamen commissurus sim, ut ad te proprius accedam.

*Docet fabula, prudentes non pati se se iterum improborum dolus falli, ubi illorum fraudes semel fuerint experti.*

Mu-

## Mulus.

Optimus pastu hordei factus mulus, incitare se ad cursum, & gloriari de materna origine, quam celeritate referret : Matrem, inquit, equam habeo, præstanti celeritate, qua ego non sum inferior. Mox quodam tempore currendi necessitate illi imposita defatigatus, cœpit paterni generis, & se esse asino procreatum, recordari.

*Fabula monet, non superbiendum, si quem fortuna extulerit altius, neq; prioris conditionis obliviscendum : Nam instabilem esse vitam hominum.*

Monet & hoc, proiectos ad honores & dignitatem humilitatis aut dedecoris parentum conscientia perturbari animis, ut Euripides Phœdra loquentem introducit :

*Animos virorum fortium quoq; deycit,  
Si patris aut matris meminerint dedecus.*

## Leo procus.

Leonem mirifico amore erga virginem forte conspectam exarsisse ferunt. Venit igitur ad patrem, & nuptias petit filiæ ipsius. Huic ille: Egone tuis, inquit, istis dentibus &

ungvibus committam teneram virgunculam filiam meam? At absque his foret, equidem felicem me arbitrarer, si talis gener contingere posset. Nunc verò non ausim facere, tibi illam ut tradam. At leo amoris impatiens, postulante homine, & ungues præcidi, & dentes effringi patitur. Ibi inermem homo facile vincit atque interimit.

Ostendit fabula, calliditatem & malitiam, fortibus, in primis voluptatibus inescatis, decus atque robur detrahere, & postea libere illis insultare. Hac fabula apud exercitum Eumenem usum aliquando fuisse scripsit Diodorus, lib. 19. hoc sensu, quod similiter & Antigonus omnia polliceri non dubitaret, dum potiretur copys tūm vero in duces ipsorum animadversorum hunc esse pro arbitrio.

### Galli gallinacei.

Duo galli acriter inter se pro gallina dimicabant, ita ut ambo sauciarentur, sed finito prælio qui victus fuerat, is pudore & dolore affectus, latebras quæsivit, victor autem in altum patientem evolavit, & quanta maxima voce potuit, canere & alis strepere coe-

pit. Ita alter, qui se dudum abdiderat, postea sine æmulo gallinarum consuetudine frui potuit.

*Docet fabula, Deum ipsum superbis aduersari, mites autem apud illum in gratia esse.*

### Hinnuleus.

Hinnuleum cum cervo sic locutum aliquando ferunt: Mi pater, cum multò sis major canibus, & pedum his celeritate præstes, præterea cum tibi sint ardua cornua, quibus à te vim propulsare facile possis, qui fit, ut canes tantopere metuas? Ibi cervus ridens: Mi nate, vera, inquit, memoras mihi; tamen nescio quo pacto semper accidit, ut audita canum voce, in fugam statim convertar.

*Fabula docet, eos qui natura formidolosi sint, nulla cohortatione confirmari posse.*

### Apicula & Jupiter.

Quod suos labores ab hominibus compilari apicula ægrè ferret, elegantissimè constructos favos Jovi obtulit, & ab illo petijt letiferam ut aculeo suo vim adderet. Jupiter immanitate bestiolæ offensus: Imò po-

tius vitalem vim tribuat, inquit, ut una cum illo tibi vita relinquenda sit.

*Fabula ad sententiam Herodoti est composita: Immodic as pœnas dijs non probari.*

## Lignator & Mercurius.

Cædebat quidem ligna juxta fluvium, cui cum inter opus excidisset forte securis, in flumen delata & demersa fuit. Tum ille inops consilij, in ripa assidens deflere fortunas suas, & lamentari miserè. Mercurius verq, qui forte præteriens, querelas illius cognovisset, misertus hominis, aquas subiit, & relulit securim. non eam quidem, quæ amissa fuerat, sed auream, & an hæc esset quam perdidisset, interrogavit: qui cùm suam illā esse negaret, extulit alteram argenteam; sed ne eam quidam agnoscente lignatore, postremò ferream attulit, quam latus homo suam esse dixit. Hac probitate delectatus Deus, universas illi secures donat. Ista ut acciderant cùm postea narraret plurimis, unius in similis eventus spem vocatus, & ipse in præterfluentem securim suam abjicit, & propter eum mox assidens plorare atque

lamentari. Huic ita ut dudum alteri, Mercurius se obtulit, & causa lacrymarum auditæ, auream protulit securim interrogans, eane esset, quam delapsam in aquas quereretur; Qui cum magno gaudio statim agnoscere se, & eam esse dixit. At Mercurius mendacem & impudentem hominem aversatus & se à conspectu illius & auream securim una secum abstulit, neque projectam in fluvium retulit.

*Fabula docet, non minus malis deos adversari, quam prodesse bonis solere, secundum hoc Sophocleum:*

Ἔντις δὲ σώφρονας  
Φιλέσοι τοι γεννήσει κακός.

Etenim probos  
Amare dij solent, & odisse improbos.

## De Vulpे & Uva.

Vulpes sublimem uvam dependentem de vite conspicata, ad illam subsiliit iterum atque iterum, omnes vires corporis adhibens si forte attingere posset. Taudem defatigata inani labore, discedens ipsa sese quasi consolans: At enim acerbæ nunc etiam, inquit,

uvæ

uvæ sunt, & ista in primis austera, nec si in via reperiatur, videtur tollenda esse.

*De ijs fabula dicitur, qui necessitati obsequuntur, & libenter abstinent ab ijs, quæ obtinere non possunt.*

## De puer & Scorpio.

Locustas puer captans, in scorpium incidit. Huic ille: Ne, inquit, attigeris me: Nam nisi a me abstinueris manum, locustas etiam, quas venatus es, cum dolore & gemitu projicies.

*Fabula monet, vitandos esse congressus improborum.*

## Malus & Pirus.

Certamine de formæ præstantia inter pirum & malum orto, cùm illæ multis inter se verbis disceptarent, Rubus de propinquâ sepe: Finem tandem, exclamat, obsecutoriarum faciamus.

*Fabula ostendit, in dissensionibus potentum, etiam infimos principatum querere.*

## Talpa.

Talpa animal est oculis captum. Hoc ad matrem aliquando suam, Morum video, dixit.

150 FABULÆ  
dixit. Atque iterum, Thuris odor complevit nares meas. Tertio, Sonitus æris attigit aures, inquit, meas. Cui mater respondit, se intelligere de dictis, non modo ipsum lumen, sed odoratu etiam atque auditu privatum esse.

*Notat fabula gloriosos & Thrasones istos, qui dum se mirifice ostendunt & jactitant, in minimis saepe deprehensi redarguntur.*

### Vespæ & Perdices.

Laborantes siti vespæ & perdices, accedunt ad agricolam, & ab illo potum petunt, neque se gratas solummodo futuras ob beneficium acceptum, sed promerituras esse etiam ajunt, opera quidem sua perdices collocata in vinea fodienda, at vespas aculeis suis circum hanc volitantes abigendo fures. His respondisse agricolam ferunt: Habere se boves duos qui nihil promittentes faciant omnia, atque illis aquam potius se præbitum esse.

*Narratur fabula in homines nocentes, qui sermone adjumenta & utilitatem ostendunt, re autem tantummodo obesse consuevere.*

## Pulex captus.

Quid tu, inquit, es animantis, qui pulicem noctu ceperat; Qui se respondit eum esse, qui ut à natura ad exugendum de humano corpore sanguinem procreatus sit, ita noceat nemini, præterquam quòd cutem leviter pungat. Quare non debere illum insontis cæde polluere manus. Interrogatus autem, Bonine aliquid facere posset? Neque boni neque mali ferè quicquam, respondit. Moriere igitur, inquit ille, quippe qui molestus mihi fueris, cùm nec lādere magnopere, nec qrodesse omnino possis.

*Fabula docet, pravi, quanquam non magna damnna possint dare, tamen melius esse, ut removantur.*

## Pulex.

Cum insilisset pulex in pedem cuiusdam, ille ad opprimendum hunc, Herculem invocavit. Sed cùm pulex se illinc mox saltu subduxisset, cum gemitu ille, Hercules, inquit, quid ego abs te opis in magnis periculis expectem, qui contra pulicem adesse mihi noluisti?

*Monet fabula, non esse in rebus parvis & futilibus potentum auxilia imploranda, sed illud perfugium singularibus casibus reservandum.*

### **De Leone picto & Adolescente.**

**Fatalia vitari non posse.**

Fuerat prædictum euidam amissurum ipsum à leone læsum unicum filium suum: Hoc in metu pater non urbe modò, sed ne ædibus quidem temerè egredi filium patiebatur. Quod autem juvenis esset alacri animo & cupid<sup>9</sup> venationum, in ædibus passim ad oblectandum eum omnis generis ferarū imagines pictas exprimi pater curaverat. Quodam die conspecta imagine leonis, indignabundus juvenis, verbis maledicis adoritur bestiam, cuius metu sibi tanquam virginculæ inclusæ intra parietes domesticos tabescendum esset, atque ira provectus longius, magno impetu alapam illi impingit. Forte fuerat ea parte ferreus clavicularis fixus in pariete, cui cui illata manus ita fuit sauciata, ut ex illo vulnere juvenis paulò post moreretur.

*Fabula sic etiā refertur:*

*Vidisse quendam per quietem mordicis  
http://cnj.org.pl  
se se*

sese arripi à leone & perire. Ac quodam tempore conspecta effigie lapidea leonis cum diducto rictu oris , per jocum immisso manum,& dixisse comitibus, quod somniasset, id sibi jam accidisse. Sed intra illud canum anguis incubans venenato iectu manum ipsius ita infecit , ut homo paulò post interiret & fidem somnij confirmaret.

*Narratur similis historia de Cræsi somnio ab Herodoto , libro primo , & copicse & elegantia admirabili.*

*Subiçiunt autem huiusmodi narrationes non hoc modo , quod dicitur ab Hectore* τακτ. 5.

*Μοίραν δὲ την φῆμι πεφυγμένον εἰπενας οὐ γάρ  
Οὐ κακον ἐδέ μέν εὐθλός, επίλια τὰ πεσματά* θεοῦ.

*Sed hoc etiam , non nimium talibus prædictiōnibus terrori quidem nos oportere , non tamen audacia quoq; & contemtu committere , ut nostra culpa casus fatales cumulati esse videantur.*

## De Aquila & Homine.

Comprehensæ quidem aquilæ grandiores pennas omnes evulsit , & ita domi suæ aliquantis per observantem habuit. Hanc mercatus quidam pennis deunuo aquilinis ipsam instruxit , perfecitque ut evolaret qua-

vellet, Quæ statim correptum leporem huic attulit, quasi memor beneficij in se collati. Sed paulo post ne à domesticis quidem illa animalibus vim suam abstinuit, & jam hominibus quoque formidanda erat: Iterum igitur pennis, qui dudum his eam instruxerat, abstulit.

*Monet fabula, potentum improbitatem adjuvandam non esse, & ut illa simulet bonitatem, mox tamen sese proferre, neq<sup>z</sup> mutare in malfaciendo naturam suam.*

## De Puer & Fortuna.

Prope fauces putei profundi dormiebat puer. Accedit fortuna & excitat & atque domum ire jubet. Nam tu, inquit, si incautius in somno te vertens, in puteum forte labereris, nemo stultitiam tuam accusaret, sed omnes te indigna forte peremptum esse quererentur.

*Docemur, plerumq<sup>z</sup> homines sua stulticia, id est, σφητι ανθρακίος, secundum Homerum, mala incurere, & postea ascribere eventum fato aut fortune.*

## Simius Rex.

Ferunt quodam in conventu bestiarum ita saltavisse bellè simium, ut omnium propè unanimi sententia rex crearetur. Hunc vulpes elatum animo ob prosperitatem videns, & simul etiam bestiarum stulticiæ succensus, Dicit simio, postquam regnum ipsi obtigerit non debere se celare, quæ magnopere ut resciseret, ipsius interesse arbitraretur. Quid id esset simio interroganti: Thesaurum, respondit, sibi à patre suo indicatum esse, defossum in solitudine, qui jure regni ad ipsum jam pertinere videatur. Eamus igitur, inquit simius, ut tollamus. Cave tu, inquit vulpes, nam ego sæpe audivi periculo effosionem thesauri non carere. Nihil, inquit simius, periculi est; an tu obsecro times? Eamus igitur, inquit vulpes, si videatur. Cumque per silvas diu circumduxisset simium, tandem inducit in laqueos sub fruticibus absconditos ad capturam bestiarum, atque ibi dicit thesaurum defossum, & illinc eruendum esse. Simius festinans neque providens, statim capit, ac implicitus orat vulpem, sibi ut succurrat; Ea vero se regem attin-

attingere non debere ait: Et discedens. Nō inquit, saltationis eventus regnū merebatur.

*Fabula indicat, honores indignos magis lade-re ac deprimere, quam augere & ornare. Et stultarum inceptionum exitum esse infelicem docet.*

### Faber & Canis.

Quidam faber domi suæ canem habebat. Hic donec opere faciendo exercebatur herus, accubans ipse dormiebat. Postquam assederat ut cibum caperet, surgens & extendens artus, ita ad mensam accedebat, quæ cùm ad hunc modum sæpè fierent, tandem faber, Ego, inquit. hoc vix potero ferre diu-tius, ut dum ego defatigor, tu quiescas, & unà mecum pascaris.

*Fabula monet, non durare conjunctionem la-boriosorum & desidum, & esse ocium cum nego-cio exequandum.*

### De Leone & Tauris.

Leo invitatos ad coenam, in quam ovem parasset, tauros validos duos, in specum suū blanda oratione perduxit, ubi incautos adori-ri, & de illis epulari opipare posset. Qua

spe & grandia vasa & ollas ingentes & prolixia verva præparaverat. Quibus conspectis tauri, referre pedem, & circumspectantes in omnes partes discedere cœperunt. At Leo quin accedant & assidueant quærit, & jam dapes affuturas ait. Tum illos dixisse ferunt, non apparere de vasis, ovium carnis instructum iri convivium, sed nisi caveant, bubulis, & falsum spe sua leonem reliquise impastum.

*Fabula docet, fallacias prudentibus minus necere.*

## De Leæna & vulpe.

Inter alia maledicta quibus leænam quodam tempore à vulpe appetitam accepimus, ferunt, hanc illi exprobrasse hoc etiam quod singulos tantum fœtus pateret. Huic dicitur respondisse, se quidem unum tantum quoque partu catulum edere sed leonem illum.

*De partu leænae Gellij caput est 7. lib. 13.*

*Fabula autem, Præclara rara. Et, non copia, sed bonitate res astimandas esse, docet.*

## De Muscæ suffocatione.

Delapsa musca in öllam cum carnibus ad ignem appositam, cum in jure fervete suffocaretur. Moriar sane, inquit, cum cibo potuque satiata bene etiam lauta sim.

*Fabula ostendit, voluptates multis esse existiales. Sed & hoc monet aequo esse animo ferrendam amissionem commodorum vitae, compensandamq; hanc cum fructu perceptorum, secundum Horatianos versus :*

*Lusisti, satis edisti, satis atque bibisti,  
Tempus abire tibi est.*

## De Luxurioso & Hirundine.

Adolescens quidā diffluens luxuria, omni patrimonio perditō, cum nihil reliquam sibi esset excepta una veste, visa hirundine etiam illam vendidit, & precium in vino & lustris prodegit. Sed quod fuisset adventus hirundinis, ut interdum sit, præmaturus, rursum hiemante anno hirundo quidem frigore perijt, prodigus autem vehementissime algens, visa hirundine gelu exanimata. O te scelestam inquit, avein, quæ & me & te pariter perdidisti.

*Fabula docet, quicquid alieno tempore fit, id fere detrimenta & malum complecti,*

## De Gallina & Vulpे.

Ad cohortem avium cùm vulpecula accessisset, vidissetque in nido sedentem gallinam debilem & gravedinosam, Ecquid valereret? illam interrogavit. Huic respondit gallina sic satis se valere, sed si ipsa discellerit, multò se habituram melius.

*Fabula admonet, inimicorum officia neque grata & suspecta solere esse.*

## Perdix & Auceps.

Capta perdix dicitur orasse aucupem, ut se dimitteret, & promisisse paulò pòst alias multas sui generis aviculas sese illi adducturam esse. Sed aucupem ferunt intorto collo statim perdicem necasse, quòd proditricem generis sui indignam vita esse perhiberet.

*Fabula indicat apud bonos fraudes & scelerata improborum nocere usurpantibus.*

## De Semicano & Uxoribus illius.

Habuisse quendam duas uxores narrant in ætate virili tendente ad senectutem, qua canis conspergi caput incipit idque hominum genus nomen habet μισοπολια, apud

**Græcos.** Mulierem autem fuisse natu grandi sculam unam, alteram juvenculam. Huic autem illam nigellos, hanc albicantes crines evellere consuevisse ferunt, donec relinqueretur calvaria nudata capillis.

*Fabula detrimenta inæqualium conjunctiōnum demonstrat.* Notus autem est jocus Auguſti, qui cum deprehendisset, curare sibi filiam ab ornatricibus evelli canos interrogasse illam dicitur, post aliquot annos canane an calva esse mallet? Cum autem respondisset illa, se malle canam esse quam calvam: Quare ergo, inquit, iste te calvam fieri student?

## De Arbore & Cuneis.

Quidam cum arborem in silva quadam cecidisset, ut findere melius posset, de ipsa arbore cuneos parabat. Tunc ingemiscen- tem arborem dixisse accepimus, se non de securis vi tantopere conqueri, quantopere de injuria eorum partium, quæ de corpore suo demptæ essent.

*Fabula ostendit, quod nostri nobis sape sint infestiores, quam alieni.*

## Jupiter & Vipera.

Ab omnibus animalibus quodam tempore dona Jovi oblata fuerunt. Interque illi arrepsit & vipera rosam ore afferens. Cui Jupiter, à vipera, inquit, non constitui me donum hodie accepturum esse.

*Maliciosorum dona suspecta nobis esse debere significatur.*

## Ranæ & Lupi pisces.

Egressæ in ripam fluminis cuiusdam ranæ, ibi in gramine pascebantur: eam prætereunt nescio qui homines; at illæ territæ desiliunt in flumen, ubi à lupis correptæ devorantur. Tum una, O stultas nos, inquit, quæ fugientes eos, quibus cibus panis est, incidimus in eos, qui nos avidissime expetunt.

*Fabula docet, multos temere fugiendo mala, in majora mala incidere.*

## Piscator stolidus.

Quidam hamo & arundine dimissa in fluvium, cùm totius diei labore non plures tribus pisciculis cepisset, rediens domum, apud obviam sibi factos gloriatur, se quantum piscium in fluvio fuisset, extraxisse ha-

mo suo. Cui unus. Heus tu, inquit, quid si non universi ad hamum adhæserunt? At ille, Imitò, inquit totum diem ego ibi ad flu-  
men astiti; quod si plures in eo pisces essent,  
non vitassent profectò hamum meum.

*Notatur stulticia quorundam qui effectiones  
artium de viribus ingenij sui estimant.*

### Afinus communis.

Decessit quidam relieto filijs tribus asino uno. Placuit ut communiter illo singuli diebus singulis ad onera portanda uteren-  
tur, & præberent cibum. Vnoquoque au-  
tem cibum ad usum fratris sui differente, &  
operas exigente, asinus fame laboreque  
confectus moritur.

*Fabula narratur araris & rapacibus, sub ij-  
citat sententiam Salomonis: Qui nimis vche-  
menter nares emungit, us sanguinem elicit.*

### De Fele & Muribus.

Consilio habito decreveruat mures tin-  
tinnabulum feli esse annexendum: ita enim  
posse ad monitos sonitu effugere vim illius.  
Hoc quamvis magnopere placuisse univer-  
sis,

sis, irritum tamen consilium fuit, quoniam qui annexere auderet, non reperiebatur.

*Fabula docet, in suadendo audaces esse plerisque, sed suo qui periculo rem exequantur, non multos reperiri, sed tum imprimitus cavere unumquemque sibi.* Deq; his dicitur Teutonicum proverbium de timido & cauto, non solere aut non velle aliquem annexere tintinnabulum felis.

## De Cornice educante Accipitren.

Cornix cum animadverteret nidum accipitris semper esse refectum bonis cibis qui pararentur rapaeitate illius, hoc consilium iniit. Furat ova accipitris, & illa clam fovento dicit sobolem, quæ confirmata, matrem postea devorat.

*Fabula ostendit, multos perniciem & pestem suam ipsos alere.* Vnde est & illud Theocriteum Θερίαν νηγι λαχιδες θερίας νύνες ωρε παλαινι.

## De Simia & Nucibus.

Simia cum audisset suavitatem nucum magnopere laudari à sciuro, non pepercit ulli labori aut studio, ut posset potiri nucibus. Reperta autem juglante, avidè dentes

illi impegit. Ibi primum amaro putamine, deinde duro cortice offensa, illam abjecit, rata se esse à laudatore nucum sciuro delusam, & ita nucleorum jucundo cibo caruit.

*Fabula monet, non esse offensione laborum spem eventus abiiciendam. Nam gaudium antecedit tristitia.*

## APOLOGI EX CHILIADIBVS adagiorū erasmi desumpti, ad communem puerorum fructum.

### De Vulpecula & Pardale.

Cum aliquando pardalis vulpem præ se contemneret, quod ipsa pellem haberet omnigenis colorum maculis variegatam, respondit vulpes, sibi id decoris in animo esse, quod illi esset in cute.

*Neg, vero paulo satias est, ingenio præditum esse vafro, quam cute versicolore.*

### De Vulpes & Fele.

Cum aliquando Vulpes in colloquio, quod illi erat cum fele, jactaret sibi varias esse technas, adeò ut vel peram haberet dolis refertam: Felis autem responderet, sibi unicam duntaxat artem esse, cui fideret, si

quid esset discriminis. Inter confabulandū repente canum accurrentium tumultus auditur: Ibi felis in arborem altissimam subsiliit cum vulpes interim à canum agmine cincta capitur.

Innuit fabula præstabilius esse nonnunquam unicum consilium, modo id sit verum & efficax, quam plures doli consiliaq; frivola.

### De Rege & Simijs.

Rex quidam Ægyptius aliquot simias instituit, ut saltandi rationem perdiscerent. Ut enim nullum animal ad figuram hominis proprius accedit: ita nec aliud actus humanos, aut melius, aut libentius imitatur. Artem itaque saltandi protinus edoctæ, saltare cœperunt, insignibus induitæ purpureis, ac personatæ Multoque jam tempore majorem in modum placebat spectaculum, donec è spectatoribus facetus quispiam, nuces quas clanculum in sinu gestabat, in medium abjecit. Ibi simiæ simul atque nuces vidissent, oblitæ choreæ, id esse cœperunt quod ante fuerant, ac repente è saltatricibus in simias redierunt, contritisque personis, dilata-

ceratis vestibus, pro nucibus inter se depugnabant, non sine maximo spectatorū risu.

*Admonet hæc fabula fortuna ornamenta non mutare hominis ingenium.*

## De Asino & Viatoribus.

Dum quidam cum in desertis asinum quempiam forte fortuna nacti essent, contendere inter se cœperunt, uter eorum, uti suum domum abduceret. Nam utrique pariter à fortuna videbatur objectus. Hac interim de re illis invicem altercantibus, asinus sese subduxit, ac neuter eo potitus est.

*Quidam a presentibus commodis, quibus ob inscitiam uti nesciunt, excidunt.*

## De Piscatoribus.

Piscatores aliquot jacto reti, testudines exuerunt; eas cum essent inter se partiti, neque sufficerent omnibus comedendis, Mercurium forte accendentem invitarunt ad convivium. At is intelligens se neutiquam humanitatis gratia vocari, sed ut eos fastidito cibo sublevaret, recusavit, jussitque ut ipsi suas testudines ederent, quas cepissent.

*Nomulli, posteaquam inconsulte quippiam*  
*adorsu*  
<http://rcin.org.pl>

*adorti sunt, aliorum implorant auxilium, quos suo negocio admisceant.*

## De Asino.

Apud cumanos asinus quispiam pertæsus servitutem, abrupto loro in silvam aufugerat. Illic forte repertum leonis exuvium, corpori applicabat suo, atque ita pro leone sese gerebat. homines pariter ac feras voce caudaque territans. Nam Cumanis leonem ignorant. Ad hunc igitur modum regnabat aliquandiu personatus hic asinus pro leone immani habitus ac formidatus, ac donec hospes quispiam Cumas profectus, qui saepenumero viderat & leonem & asinum, atque ob id non erat difficile dignoscere autrum prominentium judicio, neque non alijs quibusdam conjecturis asinum esse deprehendit, ac probè fustigatum reduxit, dominoque agnoscenti reddidit. Interim autem risum non mediocrem concitabat omnibus Cumanis asinus jam agnitus, quos dudum creditus leo, metu propemodum exanimaverat.

*Haud facile tegimus vicia, qua à puero nobiscum adoleverunt.* De

## De Scarabeo & Aquila.

Scarabeus aliquando spretus ab aliqua, cœpit de vindicta quoquo pacto sumenda cogitare. Pervestigavit ubinam aquila nidum collocasset, arrepsit scarabeus, & ova simili dolo dejecit. Aquila cum saepius domicilium commutasset, neque quicquam proficeret, Jovem patronum adiit, exponit calamitatem suam. Is jubet, ut suo in gremio ponat ova, vel istic in tuto futura. Et huc per vestis laciniias, finisque prorepsit pertinax scarabeus, haudquaquam sentiente Jove. Deinde ubi videt ova commoveri Jupiter neque satis animadvertisit unde, territus rei novitate, excusso gremio, in terram dejecit.

*Monet hac fabula, neminem quantumvis pusillum contemnendum esse.*

## De Simijs & Pardale.

In maurisia simiarum ingens copia, Pardalis autem animal est, natura simijs infestissimum, quas tamen viribus assequi non potest, nimicum illis in summas arbores subvolantibus. His itaque dolis in eas utitur:

Sternit se supinam sub ramis , ac porrectis  
 cruribus emori fingit se. Gaudent eo spe-  
 ctaculo simiæ considentes in arbore , deinde  
 ubi jam mortuam arbitrantur , unam aliquā  
 emittunt exploraturam , num verè mortutus  
 sit hostis. Illa cautim ac pedetentim acce-  
 dens , ubi nullum vitæ videt argumentum ,  
 Pardale nimirum modis omnibus cadaver  
 imitante , demum audet etiam descendere .  
Quod simul ac reliquæ simia conspexerunt,  
 jam deposito omni metu descendunt , & par-  
 dalim omnia ferentem , circumfultant . Po-  
 stremò conculcant insultantes , ludibrij cau-  
 sa , donec pardalis sentiens illas jam saltando  
 defatigatas derepente reviviscens aliam den-  
 tibus , aliam unguibus corripit , dilaniat ac  
 devorat .

*Hostem simularem vires deficere , summopere  
 fugiendum esse .*

**D**e Satyro & Rustico , Aniani  
 fabula , Erasmo quoque in-  
 terprete .

Satyrus quidam cum vehementer alge-  
 ret , hyberno gelu supra modum sœviente à  
 H s

rustico quodam inductus est in hospitium. Admiratus autem, cur homo inflaret in manus ori admotas, rogavit cur id ficeret? Is respondet, ut frigidas manus halitus tepore caleficeret. Deinde ubi extructo foco, apposita mensa in pultem fervidam rursum inflaret, magis etiam miratus, sciscitatus est, quid hoc sibi vellat? Vti pultem, inquit ille, nimium ferventem halitu refrigerem. Tum Satyrus surgens à mensa, quid ego audio? inquit: Tun' eodem ex ore pariter & calidum & frigidum efflas? Valebis; neque enim mihi ratio est, cum ejusmodi homine commune habere hospitium.

*Notantur bilingues, qui eundem modo laudant, modo vituperant*

## EX LIVIO.

Dissidium Ventris & Membrorum  
corporis humani, ex lib. 2.

Agrippa intromissus in castra, prisco illo dicendi & horrido, nihil aliud quam hoc narrasse fertur: Tempore, quo in homine non ut nunc omnia in unum consentiebant, sed singulis membris suum cuique consiliū,

suus sermo fuerat, indignatas reliquas partes sua cura, suo labore ac ministerio ventri omnia quæri, ventrem in medio quietum nihil aliud quam datis voluptatibus frui, Conspirasse inde, ne manus ad os cibum ferrent, nec os acciperet datum, nec dentes conficerent, hac ira dum ventrem fame domare vellent, ipsa una membra totumque corpus ad extremam tabem venisse, inde apparuisse, ventris quoque haud segne ministerium esse, nec magis aliquam alere eum, reddentem in omnes corporis partes, hunc quo vivimus vigemusque divisum paritur in venas, matutum confecto cibo sanguinem, Comparrando hinc, quam intestina corporis sedatio similis esset iræ plebis in patres, flexisse mentes hominum.

### Carnes Suillæ.

Narrat apud eundem autorem libro 35. bellam fabulam Quintius. Est, inquit, res similima cœna Chalcidenis hospitis mei, hominis & boni & sciti convivatoris, apud quem solstitiali tempore comiter accepti, cum miraremur, unde illi eo tempore anni

tam varia & tam multa venatio? homo, non  
 (quam isti sunt) gloriōsus, revidens, condi-  
 mentis, ait, varietatem illam & speciem feri-  
 næ carnis ex mansueto sue factum. Hoc di-  
 ci apte in copias regis, quæ paulo ante jacta-  
 tæ sunt posse, & in varia genera armorum &  
 multa nomina gentium inauditarum. Dacos  
 enim & Medos, & Cadusios, & Elimæos vi-  
 ros omnes esse, haud paulo mancipiorum  
 melius propter servilia ingenia, quam mili-  
 tum genus.

*Hoc in copias regis Antiochi apte tum Quintius intorsit: sed dici in omnem vanam gloriationem & jactantiam potest, ita, ut Teutones simili ferme intellectis ajunt: Non esse corium seu cutem diversam.*

## EX GELLIO.

### De Cassita, ex libro illius

2. cap. 20.

Æsopus ille è Phrygia fabulator, haud immerito sapiens existimatus est, cum quæ utilia monitu suasuque erant, non severè, non imperiose præcepit & censuit, ut Philosophis mos est, sed festivos delectabilesque apolo-

apologos commentus, res salubriter ac prospicierter animadversas, in mentes animosque hominum cum audiendi quadam illecebria indidit, velut hæc eius fabula de aviculæ nidulo lepidè atque jucundè præmonet, spem fiduciamque rerum, quas efficere quis possit, haud unquam in alio, sed in semetipso habendam. Avicula, inquit, est parva, nomen est Cassita, habitat nidulaturque in segetibus, id fermè temporis, ut appetit messis, pullis jam plumantibus; Et Cassita in sementes forte concesserat tempestiviores: propterea frumentis flavescentibus pulli etiā tunc involucres erant. Cùm igitur ipsa iret cibum pullis quæsิตum, monet eos, ut si quid ibi rei novæ fieret dicereturve animadverterent, idque uti sibi, ubi redisset, nunciarent. Dominus postea segetum illarum filium adolescentem vocat, &c., Videsne, inquit, hæc ematuruisse, & manus jam postulare: iccirco die crastino, ubi primum dilucabit, fac amicos adeas, & roges, veniant, operam mutuam dent, & messem hanc nobis adjuvent. Hæc ubi ille dixit, discessit, atque ubi rediit Cassita, pulli trepiduli cir-

cum strepere orareque matrem, ut statim  
jam properet, atque alium in locum sese  
asportet: Nam dominus, inquit, misit, qui  
amicos rogaret, uti luce oriente veniant &  
metant. Mater jubet eos à metu ociosos  
esse: Si enim dominus, inquit, messem ad  
amicos rejicit, crastino seges non metetur,  
neque necesse est hodie uti vos auferam.  
Die igitur postero mater in pabulum volat,  
dominus quos rogaverat operitur: Sol fer-  
vit, & fit nihil, & amici nulli erant. Tum  
ille rursus ad filium: Amici isti; inquit,  
magnam in partem cessatores sunt, quin po-  
tiū imus, & cognatos, affines, vicinosque  
nostros oramus, ut assint cras tempore ad  
metendum, itidem hoc pulli pavefacti matri  
nunciant. Mater hortatur, ut tum quoque  
sine metu ac sine cura sint; cognatos affi-  
nosque nulos fermè tam esse obsequibiles,  
ait, ut ad laborem capessendum nihil cun-  
ctentur, & statim dicto obœdiant: Vos mo-  
do, inquit, advertite, si modo quid denuò  
dicetur. Alia luce orta, avis in pastum pro-  
fecta est: cognati & affines operam, quam  
dare rogati sunt, supersedent. Ad postre-

mum igitur dominus filio, Valeant, inquit, amici, cum propinquis: afferes prima luce falces duas, unam egomet mihi, & tu tibi capies alteram, & frumentum nosmetipsi manibus nostris cras metemus. Id ubi ex pullis dixisse dominum mater audivit, Tempus, inquit, est edendi aut abeundi, sicut nunc dubio procul quod futurum dixit: In ipso enim vertitur cui est res, non alio, unde perit. Atque ita callita nidum mutavit, & seges a domino demessa est. Hæc quidem est Æsopi fabula, de amicorum & propinquorum levi & inani fiducia. Sed quid aliud sanctiores libri Philosophorū monent, quam ut in nobis tantum ipsis nitamus, alia autem omnia, quæ extra nos, extraque nostrum animum sunt, neque pro nostris, neque pro nobis ducamus. Hunc Æsopi apologum Q. Ennius in satyris scite admodum & venuste versibus quadratis composuit: quorum duo postremi isti sunt, quos habere cordi & memoriæ, operæ precium esse hercle puto: Hoc erit tibi argumentū semper in promptu situm, ne quid expectes amicos, quod tute agere possis.

**Leo hospes hominis, & Homo me-  
dicus Leonis, ex libro 5.**

**cap. 14.**

Appion qui polyhistor appellatus est, li-  
teris homo multis præditus, rerumque Græ-  
carum plurima atque varia scientia fuit. Eius  
libri non incelestres feruntur, quibus omni-  
bus ferme quæ mirifica in Ægypto visuntur  
audiunturque historia comprehendit. Sed  
in ijs, quæ audisse, vel legisse sese dicit, for-  
tasse à vicio studioque ostentationis fit lo-  
quator: est enim sane quam in prædicandis  
doctrinis suis venditator. Hoc autem quod  
in libro Ægyptiacorum quinto scripsit, ne-  
que audisse neque legisse, sed ipsum sese in  
urbe Romana vidisse oculis suis confirmat.  
In circo maximo inquit venationis amplif-  
simæ pugna populo dabatur, eius rei, Romæ  
cùm forte essem, spectator, inquit, fai. Mul-  
tæ ibi sævientes feræ magnitudine bestiarum  
excellentes, omniumque inusitata aut forma  
erat aut ferocia. Sed præter alia omnia, leo-  
num, inquit, immanitas admirationi fuit,  
præterque omnes cæteros, unius. Is unus

leo corporis impetu, vastitudine, terrifico-  
que fremitu & sonoro, toris comisque cer-  
vicum fluctuantibus, animos oculosq; om-  
nium in se se converterat. Introductus erat  
inter complures cæteros ad pugnam bestia-  
rum Dacus servus viri consularis : ei servo  
Androdus nomen fuit. Hunc ille leo ubi  
vidit procul, repente, inquit, quasi admirans  
stetit, ac deinde sensim ac placidè, tanquam  
noscitabundus ad hominem accedit: Tum  
caudam more atque ritu adulantium canum  
clementer & blandè movet, hominisque se se  
corpori adjungit, cruraque eius & manus  
propè jam exanimati metu, lingua leniter  
demulcet. Homo Androdus inter illa tam  
atrocis feræ blandimenta amissum animum  
recuperat, paulatimque oculos ad contuen-  
dum leonem refert. Tum quasi mutua re-  
ognitione facta lætos, inquit, & gratula-  
bundos videres hominem & leonem. Eare  
prorsus tam admirabili, maximos populi cla-  
mores excitatos dicit, accersitumque à Cæ-  
sare Androdum, quæsitamque caussam cur  
ille atrocissimus leonum uni parsisset: An-  
drodus rem mirificam narrat, atque admi-

rāndam: Cūm provinciam, inquit, Africām proconsulāti imperio meus dominus obtineret, ego ibi iniquis eius & quotidianis verberibus ad fugam sūm coactus: & ut mihi à domino terræ illius præside tutiores latebræ forent, in camporum & arenarum solitudines conceili: ac si defuisset cibus, consilium fuit mortem aliquo pacto quærere. Tūm sole, inquit, medio, rapido & flagranti specum quāndam nactus remotam latebrofamque in eam me penetra & recondo, neque multo post ad eandem specum venit hic leo debili uno & cruento pede, gemitus edens & murmura, dolorem cruciatumque vulneris commiserantia. Atque illuc primo quidem conspectu advenientis leonis, territum sibi & pavefactum animum, dixit: Sed postquam introgressus, inquit, leo, uti re ipsa apparuit, in habitaculum illud suum, videt me procul delitescentem, mitis & mansuetus accessit, & sublatū pedem ostendere mihi, & porrigere, quasi opis petendæ gratia, visus est: Ibi inquit, ego stirpem ingentem vestigio pedis eius hærentem revulsi, conceptamque saniem vulnere intimo ex-

pressi, accuratiusque sine magna jam formidine siccavi penitus atque detersi cruentum. Ille tunc mea opera & medela levatus, pede in manibus meis posito recubuit, & requievit. Atque ex ea die triennium totum ego & leo in eadem specu eodemque victu viximus. Nam quas venabatur feras, membra optimiora ad specum mihi suggerebat, quæ ego ignis copiam non habens, sole meridiano torrens edebam. Sed ubi me, inquit, vita illius ferinæ jam pertæsum est, leone in venatum profecto reliqui specum, & viam fermè tridui permensus à militibus visus apprehensusque sum, & ad dominum ex Africa Romam deductus. Is me statim rei capitalis damnandum, dandumque ad bestias curavit. Intelligo autem, inquit, hunc quoque leonem, me tunc separato, captum, gratiam nunc mihi beneficij & medicinæ referre. Hæc Apion dixisse Androm dum tradit, eaque omnia scripta, circumlataque tabella populo declarat. Atque ideo cunctis potentibus dimissum Androm dum & poena solutum, leonemque ei suffragijs populi donatum. Postea, inquit, vi-

debamus Andromedam & leonem loro tenui  
revinctum, urbe tota circum tabernas ire,  
donari æte Andromedam, floribus spargi leo-  
nem, omnesque fere ubique obvios dicere:  
Hic est leo hospes hominis, hic est homo  
medicus leonis.

**D e Arione & Delphino Historia,**  
translata ex primo libro Herodoti, ex-  
posita ab eodem autore, libro

16. cap. 19.

Celebri admodum & cohibili oratione,  
vocumque filo tereti & candido fabulam  
scripsit Herodotus, super fidicine illo Ario-  
ne. Vetus, inquit, & nobilis Arion canta-  
tor fidibus fuit: Is loco & oppido Methim-  
neus, terra atque insula omni Lesbius fuit.  
Eum Arionem rex Corinthi Periander ami-  
cum amatumque habuit artis gratia. Is inde  
à rege proficiscitur, terras inclytas Siciliam  
atque Italiam visere. Vbi eo venit, auresque  
omnium mentesque in utrisque terræ parti-  
bus demulcit, in quæstibus istic & voluptati-  
bus amoribusque hominum fuit. Is tum  
postea grandi pecunia & re bona multa co-  
piosus, Corinthum instituit redire. Navem  
igitur

igitur & nautas. & notiores amicioresque sibi Corinthios delegit. Sed eò Corinthos homine accepto , navique in altum proiecta prædæ pecuniæque cupidos cepisse consilium de necando Arione. Tum illum ibi pernicie intellecta , pecuniam , cæteraque sua ut haberent , dedisse , vitam modo sibi ut parcerent oravisse. Nautas precum eius harum commisertum esse illatenus , ut ei necem afferre per vim suis manibus temperarent , sed imperavisse , ut jam statim coram desiliret præceps in mare. Homo , inquit , ibi territus , spe omni vitæ perdita , id unum postea oravit , ut prius , quām mortem opeteret , induere permitterent sua sibi induimenta , & fides capere , & canere carmen casus illius sui consolabile. Feros & immanes nautas prolobium tamen audiendi subit. Quod oraverat imperat , atque ibi mox de more cinctus , amictus , ornatus , stansque in summa puppis foro , carmen , quod Orthium dicitur , voce sublatissima cantavit , ad postrema cantus cum fidibus , ornatuque omni , sicut stabat canebatque , ejecit se se procul in profundum. Nautæ haud qua-

quam dubitantes, quin perisset, cursum, quæ capere cœperant, tenuerunt. Sed novum, & mirum, & pium facinus contigit, Delphiniū repente inter undas adnavisse, & dorso super fluctus edito vectavisse, incolumique eum corpore & ornatu Tænarum in terram Laconicam devexisse. Tum Arionem prorsus ex eo loco Corinthum petivisse, talemque Periandro regi, qualis Delphino vectus fuerat, sese obtulisse, eique rem, sicut acciderat, narravisse. Regem isthæc parum credidisse, Arionem quasi falleret, custodiri jussisse. Nautas requisitos, allegato Arione, dissimulanter interrogasse, eequid au-  
dissent in ijs locis, unde venissent, super Arione? Eos dixisse, hominem, eum inde irent, in terra Italica fuisse, eumque illic bene agitare, & studijs delectationibusque urbiū florere, atque in gratia, pecuniaque magna fortunatum esse. Tum inter hæc eorum verba Arionem cum fidibus & indumentis, cum quibus se in salutem ejaculaverat, extitisse. Nautas stupefactos convictosque ire insicias non quisse.

Eam fabulam dicere Lesbios & Corinthios,

*atq; esse fabula argumentum, quod simulacra  
duo abenea ad Tanarum viserentur, Delphinus  
vehens, & homo insidens.*

## FABVLA EX LAMIA POLITIANI DESUMTA,

### De Avibus & Noctua.

Aves olim prope universæ noctuam adie-  
runt, rogaruntque eam, ne posthac in ædium  
cavis nidificaret, sed in arborum potius ra-  
mis, atque inter frondes; ibi enim vernali  
suavius. Quin eidem quercum modo ena-  
tam pusillam, tenellamque adhuc ostende-  
bant, in qua scilicet molliter (ut ajebant) &  
suum sibi construere nidum posset. At illa  
facturam se negavit, quin vicissim consilium  
dedit ijs, ne arbusculæ illi se crederent. La-  
turam enim quandoque esse viscum, pestem  
videlicet avium. Contempsere illæ (ut sunt  
leve genus & volaticum) sapientis unius  
noctuæ consilium. Jam quercus adoleverat,  
jam patula jam frondosa erat. Ecce ibi aves  
illæ omnes gregatim ramis involitant, lasci-  
viunt, subsultant, colludunt. Interea quer-  
cus ea viscum protulerat, atque id homines

animadverterant. Implicitæ ergo repente ibi omnes pariter misellæ, ac frustra eas sera pœnitentia subijt, quod salubre illud consilium sprevissent. Atque hoc esse ajunt, cur nunc aves omnes, ubi noctuam viderint, frequentes eam quasi salutant deducunt, sectātur, circumcidunt, circumvolitant. Etenim consilij illius memores, admirantur eam nunc ut sapientem, stipantque densa caterva, ut videlicet ab ea sapere aliquando discat. Sed opinor frustra, imò vero etiam interdum cum magno ipsarum malo. Nam veteres illæ noctuæ revera sapientes erant: nunc multæ noctuæ sunt, quæ noctuarum quidem plumas habent, & oculos, & rostrum, sapientiam verò non habent.

*Bene monentis consilia ne spernas, hac fabula docet.*

**Apologus ex secundo libro Petri Criniti, de honesta disciplina, desumptus.**

Sata est olim cucurbita juxta arborem pinum, quæ grandis admodum & rami patulis extabat. Cucurbita vero, cum multis

pluvijs atque cœli temperamentis crevisset, lascivire incipit, & ramulos audacius porrigere, jam ramos & frondes involvere audebat, ampliora folia, carentes flores, prægrandia poma, & virescentia ostentans. Itaque tanto fastu atque insolentia intumuit, ut pinum arborem ausa sit aggredi, & Vides, inquit, ut te supero amplis folijs, ut frigore præsto, & jamjam ad cacumen præsurgo? Tum pinus, quæ senili prudentiâ & robore pollebat, nihil mirata est cucurbitæ insolentis audaciam, sed ita ad eam respondit: Ego hic multas hyemes, calores, æstus, variasque calamitates pertuli, & adhuc integra consisto. Tu ad primos rigores minus audaciæ habebis, cum & folia concident, & vigor omnis abierit.

*Secundis rebus non est superbiendum.*

Fabula de Corvo & Lupis. Ex  
Johan Anton. Campano  
desumpta.

Corvus lupos per ardua montium juga comitatur, partem sibi prædæ fieri postulat, qui eos securus nullo tempore destitisset,

sociusque fuisset, repulsus deinde à lupis, tanquam non eos, sed prædam circumque securus, nec minus luporum, si occiderentur, quam cæterorum animalium, extra fuisset voraturus.

*Non quid agamus, semper inspiciendum est,  
sed quo simus animo, cum agimus.*

### Altera de partu terræ ex eodem...

Turgida olim facta tellus, & mitum in modum tumida, magnum aliquod paritura videbatur. Accurrunt sinitimi, stupent agricolæ, terræ partum inter spem metumque expectant: alij Typhoea illum Centimanum, alij montes erupturos putabant. Aperitur terra, prodit mus, quod miraculo fore omnibus arbitrabantur, in risum atque jocum converterunt.

*Nen semper credendum promissis magnificis.  
Apologus de Menbris & Ventre ex  
Plinio desumtus.*

Humani artus cum ventrem ociosum viderent, ab eo discordarant, & suum illi ministerium negaverunt. Cum eo pacto &

ipſi quoque deficerent, intellexerunt ventrem cibos acceptos per omnia membra dividere, & cum eo in gratiam redierunt.

*Magna res discordia pereunt, concordia valent.*

## NICOLAI GERBELII

Phorcensis apolodus lepidissimus.

### De Aranea & Podagra.

Aranea paululum à texendo opere quietior, animi relaxandi gratia commodum deambulabat. Huic se obviam præbuit podagra, tametsi passibus ambiguis ægrè illam assequeretur. Eius diei itinere utcunque emenso, non longè aberant ab oppidolo, cui regionis eius incolæ Tichæ nomen inuidabant. Vtrique consilium fuit, conditionis suæ hospitem pervestigare. Aranea non maximopere data opera, in opulentî ejusdam civis ædes divertit: Inibi quaqua versum telas suæs præpandebat, prætendebatque retia. Aderant illico nescio qui trygodæmones, qui texrinam ilbus demoliebantur.

Momentaneum itaque erat ipsius, quò etiam cunque se verteret, ædificium: Nusquam enim scopariorum oculatas scopas poterat effugere. Misera plenè, quæ in tanta rerum omnium affluentia sola egebat, proturbabaturque. Podagra vero mendicabili instar vix tandem egestosi cujuspiam tuguriolum impetrarat. In id loci cum decubuisse, nihil non experiebatur miseriarum. Apponebatur cœnaturienti panis cibarius, aridis vix faucibus hianti hydropoterium, jamque diurno itinere lassescendi torus ligneus, nullis frondibus, nullo gramine, sed prætenvibus paleis insternebatur. Atqui dicere non est huius instituti, quām convenerint male membris mollibus cuticulæque (ita ut dixerim) holosericæ stragula tam dura, tam bari villi. Oriente igitur vix tandem illo augusto sidere quod exaudit, quod intuetur omnia, convenere rursum aranea simul & podagra. Prior aranea præteritæ noctis molestias, tot locorum commutationes denarrat, nunc heri exprobrans mundiciem, nunc niūiam scopariorum observantiam. Podagra contra de hospitis sui egestate com-

plura commimiscitur, nec ocium habet demonstrare araneæ lividas vibices, quas adamantina fulcra tenellæ cuticulæ impresserant: Consilium ineunt, araneam deinceps pauperum tuguria, podagram vero divitum aulas debere subingredi. In hanc aranea pedibus, podagra animis vadit sententiam: veruntamen tenebris jamjam increbrescentibus urbi cuiquam sese approximant. Podagra instituti non immemor pedetentim se in nummosi cujusdam domum illatebravit: Quæ commodum ab hero conspecta, dij boni, qua benevolentia, qua humanitate, quibus omnibus excipitur? Supponuntur, substruunturque olorinæ culcitræ, toralia perdicum s. balaribus plumis referta. Taceo vinum nigrum, Lesbium, Surrentinum: Taceo ficedulas, phasianos atque eas aviculas, quæ binis superbiunt cordibus: in summa, nihil deliciarum, nihil voluptatum non exhatiebat. Aranea pauperis casam ingressa, telas orditur quaquaversum parietes interpatent, retia suspendit, orbiculari operi manibus pedibusque incubbit, reficit abrupta, perficit intercepta, & ut dicam breviter,

vacua dominatur in aula , nullas infidias , nullius formidat insultus . Imo vero etiam jam scopis superior omnibus . Non multo post , podagra araneam convenit , delicias suas , felicitatem , fortunas , ampliter exornat . Aranea miris laudibus extollit imperium suum , ædificandi , texendique libertatem . placuit tandem hæc utrisque sententia : *Quorsumcunque proficerentur , podagrum in divitum domos , araneam in pauperum tuguria debere divertere.*

*Apologus hic , tametsi ad usus varios accommodari queat , id tamen in primis declarat , alium alio loco fortunatorem esse . Præterea morborum domicilium esse divitum aulas . Ad ultimum , nusquam libertatem majorem , quam ubi divitarum minus .*

### Fabula de Bellerophonte.

#### Temperantiae & castitatis præmia,

Bellerophontem appellatum prius Hippomen ferunt , ut appareat , a scientia rei equestris , de qua & alati equi Pegasi fabulam ortam verisimile est , quem a Neptuno accepisse traditur . Hic occiso Bellero Co-

rinthio Bellerophontes appellatus , & sub imperio fuit Prœti regis Argivi, qui primùm & carum hunc, & in honore apud se habuit, postea capitali odio prosequens, cùm tamen contaminare sese illius cæde nollet, ad certam eum mortem, ut putabat, a blegavit in Lyciam ad sacerum suum Jobatem. Concitata autem hoc illi odium falsa accusatio Anteæ uxoris Prœti, quæ cùm sollicitasset adolescentem elegantem & formosum, & passa fuisset repulsam, neque ullis blandimentis movere potuisset ἀγανίφεστος, ut inquit Homerus, simul in capitale odium, ut sit, incesto amore converso, simul verita, ne ab illo indicium fieret turpitudinis, antevertere statuit criminazione facta, venitque cum magnis clamoribus & querelis ad matritum, & accusat apud illum Bellerophontis audaciam & scelestos conatus, qui sibi inferre yim & stuprum molitus fuisset: Hanc tu, inquit, Prœte contumeliam nisi ultus fueris, deos oro, in te ut vindicent. Itaque dolore commotus rex fecit ut vir prudens, & à necessario & veteri amico, ipse quidem manus abstinentias sibi duxit, ut tamen non

impunitum malum facinus esset, alegat Bellerophontem ad sacerum suum in Ly-  
ciam cum literis, quibus petebatur, ut tabel-  
larium ille curaret interficiendum. Jobates  
cum audisset, adesse tabellarium à genero  
suo, summa eum humanitate complectitur,  
atque totos dies novem, novem bobus ma-  
tatis inter sacra deorum, & epulas hilariter  
cum illo conversatur: Decimo die, ecquid  
literarum afferret, ut dictum esset, interro-  
gat. Bellerophontes ignarus omnium ta-  
bellas reddit: Jobates cognitis ijs, quæ à  
genero petebantur, quo minus manifesto  
cæde, & quasi manu sua interimeret hospi-  
tem religione prohibebatur, et à miserebat  
hunc Bellerophontis, cui in adolescentia ni-  
hil ad laudes & virtutis summam deesse vi-  
deretur: sed si tale facinus designasset, sup-  
plicium & poenas meritas effugere oportere  
non arbitrabatur. Mittit igitur ad oppu-  
gnandum Chimæram. Hoc monstrum di-  
vinum quoddam non humanum erat:

*Fronte leo extremum serpens mediumq; capella.*

Eflabat autem de fauibus horribilē flam-  
mam, eratque non solum congressu, sed  
http://rcin.org.pl omni-

omnino aspectu terribile: Verum hoc deorum immortalium ostenta fecutus, confecit. Tum demandatur illi adversus Solymos, fortissimam nationem, bellum: quo non alium sibi majorem unquam oblatum laborem fuisse, dicere solitus perhibetur. Sed his etiam superatis, vincendæ mox & interficiendæ fuerunt Amazones, virile, & in primis bellicosum mulierum genus Postremo tantis rebus gestis revertenti in Lyciam, delectam manum fortissimorum virorum opponit, qui ex insidijs adorirentur Bellerophonem, atque trucidarent: sed ipse hos universos obtruncavit, ut ne unus quidem de cæde elaberetur. Ita demum & a dijs immortalibus protegi hunc & innocentiam calumnijs oppugnatam fuisse intellectum. Quapropter Jobates in suum regnum recepto, dat uxorem filiam suam Cassandram, omnemque regium honorem, dignitatem, emolumenta, cum illo æqualiter dividit. Tum vero Lycij, suspicientes virtutem Bellerophontis, tanquam Deo lucum eximum sacraverunt, ubi in copia & fecunditate soli, & amoenitate loci, inter segetes, tace-

mos, fructusque arborum vitam degeret. In qua ille felicitate suscepit ternos liberos quoque de uxore sua Isandrum, Hippolochum & Laodaniam, quæ Jovi placuit, genuitque illi Sarpedonem. Hunc ita dilexit Jupiter, ut imperfectum à Patroclo honore sanguineæ pluviae prosecutus, curaris deferri in Lyceam à duobus fratribus Leto & Sopore, ubi à propinquis conditum corpus illius apposita columnæ (ut in honorificis sepulturis fieri consuevit) tumularetur.

## De bove ruminante & porco.

Bos optimus jam saturatus pabulo, recumbebat humi, & in illa quiete cibum præmansum ruminabat. Conspicatus hunc porcus, derisit, atque contempsit præ se, quod & bos tam laboriosè nutritur, & ipse non minus celeriter saginaretur, qui & avidissimè ingurgitaret se cibo, & uequaquam ingestâ semel revocaret in os ad cōficiendum; Cui bos fertur dixisse: Ita nimirum esse naturam utriusque, ut alter cautè pasceretur & lente, alter avide & subito devoraret quævis,

vis, ac insanguinem inermem converteret.  
Itaque non eundem esse amborum etiam  
usum.

*Fabula docet, cogitatione & diligentia &  
consideratione, firma & solida intelligentia bona  
acquiri.*

## De Bove & Equo.

Equum *εὐνυχα* vocarunt, propter solidas  
ungulas. Hunc exprobrasse aliquando fe-  
runt bovi ungulas fissas; ita enim illum in-  
gredi tardius, neque exilire alacriter posse.  
Sed bovem hoc modo traditur respondisse:  
Tarditatem circumspectam non nocere.

*Subiicit fabula dictum vetus Gracorum,  
et in aliis.*

## De Corvo, Gallo, & Gal- linis.

Pares cum paribus congregari verè dici-  
tur, et si in improbitate hoc fit ad detrimen-  
tum bonorum. Sic aliquando corvus &  
vulpes conjuncti fuerunt. Cum esurirent  
autem, excogitat hanc fraudem vulpes: In-  
duit cucullam, & procumbit in genua, &  
librum ante se collocat & priores pedes tan-  
quam

quam manus unà cum oculis in cœlum tollit, quasi deplorans prioris vitæ delicta, & veniam deprecans, & divinam misericordiam implorans. Venit igitur ex compacto ad gallinarum cohortem corvus, & mira narrat de consuetudine & religione vulpes, deque illius salutari doctrina, deque vitæ emendatione & sanctitate. Sed quid opus est, inquit, verbis? paululum in hoc nemusculum progressæ ipsæ licet aspiciatis optimam vulpeculam jam cultui divino & adorationi vacantem, & coram omnia cognoscatis. Movebantur oratione corvi stolidæ aves, & sequi hunc incipiebant, cum gallus fraude animadversa, revocat illas, ac monet, viderent, qui ipsas, à quo, ad quem abducerent.

*Cui credas, videto. Sed & ipsius fabula narratio aliquid doctrinæ comprehendit.*

### De Terra & Cœlo.

Fertur cœlum quodam tempore superbè locutum esse contra terram, & multa inconstanter in eam dixisse, in primisque contumeliose exprobrasse huic humilitatem insi-

mam, & molem atque desidiam. Sed terra, neque humilitatem sibi suam dedecori esse respondit, & se firmitatem boni consulere, neque invidere agilitatem cœlo. Denique se neminem lædere inertia & pondere suo, cum cœlum versatile & leve ea colligeret, de quibus & fulmina cum horribili fragore excuterentur, & pestilentes halitus omnibus animantium generibus immitterentur.

*Commendatio est pulcherrima & Deo gratissima virtutis, quam Graci nominant. Docet & hæc fabula, præstantes naturas non esse parvorum malorum effectrices.*

## De Corpore & Animo.

Animus corpus moriens reliquerat. Illud igitur cum, antequam putresceret, de interno vapore inflaretur, gloriari incremento & sibi admodum placere cœpit: Verum animus neque diuturnum tumorem illum fore, & quid mox secuturum esset ostendit.

*Narratur contra elationem stultæ & superbie.*

## De Simia & Vulpे.

Simia conspicata nautas malum ascendentis, imitari voluit, dissuadente quidem

corvo, sed hac deridente monita ipsius. Cùm igitur antennas attigisset, subitò oborta vertigine delapsa in transtra, & graviter afflita fuit. Postea viso solio, unde rex paulò ante discesserat, accurrit, & illud occupat. Accedit deridens hanc vulpecula, & ecquid imperet, rogat. Simia astare illam & contemplari se reginam jubet. Imò ego, inquit vulpes, ut celeriter hinc te abripias suadeo. Sed superbè despicientem dicta vulpis, simiam canes, qui ante reverentem regem procurrerant, invadunt, atque jam paventem & trepidam mordicus arripiunt, ac laceram & semivivam vix tandem amittunt, deplorantem illam & cupiditatem & stulticiæ damna.

*Monet fabula, recte monstrantibus esse obtemperandum. - Et subiicit proverbium : Sero sapiunt Phryges.*

### De Passere & Aquicula.

Passerum genus esse perbibetur, quod fugiat conjunctionem & consuetudinem tām cognationis suæ, quām externatum avium. Ex his unum aliquando gloriantem, & ver-

bis ostentantem suam solitudinem, & hanc collaudantem, confutat aquicula, & docet congregations & cœtus multò esse cum jucundiores, tūm tutiores.

*Commendatio est humanitatis & societatis.*

### De Ove & Cervo.

Forte ostium apertum conspicata ovis, procurrit de caula & gaudens libertate illa, abiit in sylvam proximam. Cui obviam factus cervus, compescuit exultationem stolidi animalis, & reduxit errantem ovem in viam, ac revocavit ad caulam, cum demonstrasset illi, non esse tutum, ut sola vagaretur, præsertim in silvis.

Muli, secundum Platonem, fugientes servitutis liberalis sumum, in ignem incidentur dominationis servilis. Et est salutaris servitus ijs qui ipsi se regere non possunt.

### De Nube & Terra.

Nubecula evaporata à terra relinquere eam, & in sublime ferti volebat. Terra verò increpere illam & hortari, ne se, unde orta esset, tām citò desereret. Sed nubila cupiditate loci excelsi elata in cœlum, & spre-

tis monitis maternis, mox à ventis dissipatur.

*Narratur contra elationem superbia, cui ipse etiam Deus resistit, & humilibus favet.*

### De Formica & Apibus.

Alata formica cùm apiculis congregabatur: Sed cùm nollet intra alveum hyeme includi, ita revertendum sibi ad suum genus statuit. Formicæ autem vacuam & nihil in commune afferentem, nequaquam admittere voluerunt, reversamque ad alveum, apes jam foramine oblito non potuerunt recipere.

*Hoc dicitur: Suo quemq<sub>z</sub> loco consistere optimum. Et narratur contra temerarias conditionis mediocris mutationes.*

### De Rhinocerote incurrente in rupem.

Rhinoceros animalest robustum & grande, corio duro & squamato, quasi clypeatum, naso cornuto, unde & nomen fortitum fuit. Hujus generis unus conspecto quodam corvo insidente rupi declaraturus robur suum, omnibus viribus & summa

contentione in rupem impetum facit, tanquam hanc eversurus, & deturbaturus cornum: Sed incursione incitatissima fracto cornu, irridetur à prætereunte vulpecula, quæ docet alijs ferramentis ad rupes demolliendas opus esse.

*Subiicit fabula sententiam hanc, & un d' aureuā-  
λῷ φρω̄ Docetq; audacia vires & robur expers  
prudentia sepe exitiosum esse.*

### De Onagro & Simia.

De onagris, qui sunt asini silvestres, vulgo creditum atque traditum est . hoc animal in serenitate esse pigrum & triste . alio tempore lascivire & exultare. Id si verum est, in illo atram bilem abundare oportet. Nam & homines reperiuntur, quibus idem usu venit, ut Sole & claro cœlo offendantur, pluvias & nubibus delectentur. Sed illi animali quondam simiam serenissimo die obviam factam esse ajunt , cumque videret conturbatum & triste : Quid est, inquit, quod te talem aspicio ? Satisne salvus ? Sic , inquit onager , esse soleo tempore sereno. Nubilo vero & pluvio quid ? Satis hilaris. Tum tu,

<http://rcin.org.pl> inquit

inquit simia, Vale, qui in mundi tristitia  
lætaris, & hoc lætante tristis es.

*Notatur perversitas vita & morum in multis  
levibus & improbis.*

## De Columba & Luto.

Columba candida delata impetu in lu-  
tum & inquinata fuit. Cum irriteretur a  
luto, & hoc contemnens & se consolans,  
emendabile ait damnum factum, & esse  
mundiciem suam, foeditatem luti propriam,  
atque deinde undam puram accedens con-  
tractas maculas eluit.

*Innocentia maledictis aspergi quidem potest,  
sed veritas illi pristinum nitorem facile restituit.*

## De Ciconia, Muribus & Ranis.

Ciconia esuriens cum subter paludis  
aquas ranæ, & intra cavernulas suas mures  
latitarent, ita elicere utrinque pabulum  
suum aggressa fuit. Venit ad paludem &  
narrat rana audisse se, cum à mure verbis  
contumeliosis incesseretur genus ranarum,  
cumque mus hoc despiciens, se unum ter-  
nos aut quaternos ranunculos profligatu-  
<http://rcin.org.pl> rum

rum facile esse gloriaretur: Ibi ira inflata rana, se aperto in campo cum mure congregdi, ac depugnare velle ait. Avolat igitur inde ciconia ad cavernulam muris, & ante hanc similia de ranæ superbiloquentia narrat, & quantopere suas virtutes contra mulieres illa prædicarit, quodque dixerit, ab una rana decuriam ipsorum, sine labore quidem, & ut Græci ajunt *axovis*, superari posse. Ergo & mus iratus, ait se cupere cum rana in certamen descendere. Assignatur locus dimicacioni, campus spacious ac patens, & tam palude quam cavernula muris remotior, in quem illi præliatores progressi, à ciconia ociosè devorantur.

*Docet fabula, sæpe numero commissos inter se aliquos, & ira ac odio mutuo ardentes, alijs præda esse solere.*

## De Avaro & Montibus aureis.

Cum audiisset & quidam esse in India montes aureos, summo cum labore & per ingentia pericula illuc contendit. Quòd cum tandem pervenisset, reperit obsideri illos,

illos, & custodiri autum a gryphibus, & montes esse inaccessos: deplorans igitur iter, tempusque perditum & ie afflictum ambulando, ita cum dolore & labore aliquantò magis molestò quam accensionis fuerat, inanis domum revertitur.

*Imprudentes s̄e appetunt ea, quibus neg<sub>3</sub> potiri neg<sub>3</sub> frui possunt.*

### De Simia & Circulatore.

Simia petita circulatore vestem, cùm ille pulcerrimam, & aureolis filis distinctam offert, & dare hanc se ait simiae, sed ea lege ut catenula se alligari patiatur. Qua cupiditate ornatus recepta, postea servire perpetuò coacta fuit.

*Notatur inescatio cupidorum, & indicatur, voluptatis comitem esse servitutem.*

### De Hirundine.

Hirundo applicata ad ulceris virulentí margines, avidè sanguinem infectū attraxit, & mox differta veneno interiit.

*Narratur fabula contra ingluviem & intemperantium, qua plures quam gladio interire. vere dicitur.*

## De Terra & Cœlo.

Querebatur terra cœlum sibi celeriter  
eripere calefactum, quod dedisset, humidū:  
Cui illud, non enim dare possem, nisi reci-  
perem.

*Ostenditur, mutua beneficia durabilia esse.*

## De Mari & Amni.

Amnem interrogat mare, quando finem  
influendi facturus sit? Cui amnis, cùm tu  
admittendi.

*Liberalitatis sunt perpetua beneficia,*

## De Apicula & Ebrioso.

Ebriosus de apicula circumvolante per-  
contatur, quidnam consecetur? Illa, dul-  
cia, respondit. Huc igitur, inquit, mecum  
accedito, ut abundè haurias, & ad poculum  
plenum suavissimo vino qui ~~de grecis~~ dicitur,  
eam adduxit. Sed hoc illa refugit, ut con-  
trarium.

*Non eadem omnibus jucunda videri ac esse,*  
*docemur. Itemq<sub>3</sub>, copiam voluptatis fugien-*  
*dam esse.*

## De Aqua & Oleo.

Super aquam effusum oleum natabat.  
 Hoc aquæ dolebat, quæ diceret immerito se  
 premi ab eo, cuius arborem suo humore fo-  
 visset, ut gignere olivas posset, unde ipsum  
 esset expressum. Nihil curans hoc oleum,  
 mox forte igni correptum, & inflammatum  
 consumitur, aqua remanente & impediente  
 etiam conflagrationem.

*Fabula narratur de ingratorum malitia, &  
 bonorum simplicitate.*

### De Prometheo.

Cum experiri vellet Prometheus, utrum  
 inter homines, quos jam cœperat effingere,  
 consensio aliqua & animorum convenien-  
 tia futura esset, priusquam caput reliquo  
 corpori aptaret, in quo rationem & cogita-  
 tionem & intelligentiam collocare placue-  
 rat, congesta aliquot capta in sacculum in-  
 didit, & conscendit montem, & laxato sac-  
 culo, ita effusa capita devolui permisit. Ibi  
 unum huc, aliud altò deferri, multa etiam in  
 sese impingere, & unum alterum evertere  
 atque percellere. Ibi tum ille facile prævi-  
 dit, quæ humanarum sententiarum discre-

pantia futura esset inter homines , tanta nimurum numero, quantus capitum extitisset.

*Quot homines, tot sententiae.*

## De eodem & fratre ipsius Epimetheo.

Cum fabricari in loco subter terram secretiore homines cœpisset Prometheus occupato quondam alijs illo rebus , venit in officinam frater ipsius Epimetheus , quem Pindarus vocat ὄψις , & conspectis operibus institutis, cœpit & ipse imitando fraternalis effigies, aliquid formæ humanæ de luto componere. Quibus inter alias , quas absolverat Prometheus postea animatis etiam ipsis , magna fuit inter hæc duo genera diversitas , sicut & inter eorum posteritatem manet. Nam Promethei soboles acris est & prudens & sagax : Epimethei iners , stolida, incogitans.

*Fabula docet, diversas esse hominum naturas & ingenia.*

## De Equo.

Equus nationis generosæ, cum jam ascenderetur & agitaretur , phaleris etiam ornatus.

tus, superbire animo & exultare corpore, & gestire effuse atque efferti cœpit. Audito verò etiam tubæ sonitu, jam nesciebat stare loco micabatque auribus, & tremebat toto corpore, cupiditate belli incitatus. Sed postea defatigatus & afflictus in prælio, æque servatus & reductus ad præsepe, ibi demissis auribus & remisso flatu, placidè astitit, & in subiecta stramenta mox incubuit ac quievit.

*Dulce bellum inexpertis.*

### De Patre & Filio.

Relicto unico filio & patrimonio luculentō quidam vir honestus deceſſit, cūm prius monuiffet filium, benè esse parta omnia, & hortatus fuifset, ut rem paternam & avitam tueri, & posteritati etiam conservare vellet. Mortuo patre, divitarum ingente desiderio captus adolescens fundos paternos proſcribit, & magnam summam pecuniaꝝ cogit, quam partim fœ ore elocat partim mercimonijs comparandis impendit. Sed cūm neque pensiones solverentur, & fors quoque periret, & fierent magnæ in

mari

mari jacturæ, & emta cum detrimentis distractherentur, tūm ad extremam ille inopiam redactus, ad reliquias pauculas bonorum paternorum reversus, & frustra jam obsequi cœpit monitis paternis, & amissa benè vivendi occasione, reliquum tempus in paupertate atque miseria exegit.

*Prima doctrina fabula est, obtemperandum parentibus enixe. Secunda, ab his relict a diligentia conservanda. Tertia, Menandri sententia:*

Πλεονεξία μέγιστη ἀνθρωποις κακοῖς.

*Quarta, ejusdem versuum horum.*

Ἐπὶ αὐτῷ εἰς αἴσαδοις νοέμενον τις ὦν,  
Ζητεῖ περὶ τούτου ἡγετόν. Ζητεῖ κακά.

## De Venatoribus & Vulpe.

Venatores jam defessi indagando, cum tota die nihil exagitare neque capere potuissent, domum tandem reverti incipiunt. Et vesperti prope rusticam casam vident vulpem insidianem gallinis, in quam canes immittunt, & illa capta, non prorsus inanes redeunt ad suos.

*Monet fabula, interdum fortuito obvenire commodum, quod nullo labore acquiri potuerit.*

## De furto indicato.

Quidam argentea vasa furto subtracta in terram defodit, ubi testa facile latuerunt, neque autor furti proditus fuit. Longo tempore post, nemine jam amplius quærente, ipse illa proferre & venundare cœpit. Itaque agnita insperatum furis indicium recerant.

*Sententia Menandri subycitur., Veritate prædire ultro interdum in lucem.*

*Ἐγεῖλεν, inquit,  
Τὸν θεὸν τῆς φάσις εὐποτείης τὸν ζεύκεαν.*

## De Monedula.

Monedula est animal furax, & sunt, qui à moneta nomen istud deductū putant, quod numismata rapere & auferre genus hoc soleat. Harum unam parvulam adhuc, à matre senio confecta castigatam verbis fuisse ajunt ob farta; Cui illa objurgata dixerit, lusum hunc esse suum; Matre vero docente, lusum istum esse vituperandum atque malum, interrogasse pusillam monedulam perhibent: Nunquid hunc lusum ipsa etiam aliquando lufisset? Annuit mater, sed tempore, inquit, destiti. Et ego, inquit filia, ali-

quando desistam. Tum mater, vide tamen ut possis: Nam hoc est ferè maximè omniū difficile, relinquere ea, quæ consuetudine & usu frequentaveris.

*Doctrina est inclusa narrationi. Nam & virtutes & vicia usu confirmantur, & neque serio neq<sup>z</sup> joco dedecus admittendum aut flagitium committendum est.*



# INDEX OMNIVM FA-

bularum, quæ in hoc libello  
continentur.

- |  |                                  |
|--|----------------------------------|
| <b>A</b> ries & dumeta 68                  | Anguis & Agricola 19             |
| Accipiter & colu-<br>ba 87                 | Anseres & grues 56               |
| Accipitrum pax 118                         | Anus laborans ex ocu-<br>lis 106 |
| Adolescens cantans in<br>funere matris 103 | Aper & Asinus 6                  |
| Adolescentes & cocus<br>34                 | Apicula & Iupiter 110            |
| <b>A</b> egrotus & Medicus<br>126          | Apicula & ebriosus 206           |
| Agricola 65. 87                            | Apollinis tentator 123           |
| Agricola & anguis 5                        | Aqua & oleum 206                 |
| Agricola & ciconia 44                      | Aquila & cornix 9                |
| Agricola & filij 38                        | Aquila & cuniculus 111           |
| Agricola miles & mer-<br>cator factus 100  | Aquila & homo 116                |
| Agricola thesaurū in-<br>veniens 55        | Aquila & monedula 47             |
| Amnis contemtor fon-<br>tium 101           | Aquila & scarabeus 82<br>& 126   |
| Amnium silentia 88                         | Aquila & vulpes 42               |
|  | Aranea & hirundo 88              |
|  | Aranea & podagra 188             |
|  | Arbor & cunei 121                |
|  | Arbor tralatitia 49              |
|  | Aries & taurus 110               |

I N D E X.

<i>Arionus &amp; Delphini fabula</i>	181	<i>Avicula &amp; messis</i>	68
<i>Arundo &amp; olea</i>	66	<i>Bellerophontis fabula</i>	191
<i>Afinus lapsus</i>	106	<i>Bos &amp; juvencus</i>	89
<i>Afini vota</i>	104	<i>Bos ruminans &amp; por-</i>	
<i>Afinus agrotans</i>	103	<i>cus</i>	195
<i>Afinus controversus</i>	81	<i>Bos &amp; equus</i>	196
<i>Afinus communis</i>	122	<i>Boves &amp; leo</i>	67
<i>Afinus Cumanus</i>	163	<i>Bubulcus</i>	75
<i>Afinus &amp; catulus</i>	11	<i>Camelus</i>	61
<i>Afinus &amp; corvus</i>	47	<i>Cancri</i>	60
<i>Afinus &amp; equus</i>	25	<i>Canis &amp; coccus</i>	135 &
<i>Afinus &amp; olitor</i>	54		35
<i>Afinus &amp; viatores</i>	167	<i>Canis &amp; lupus</i>	41
<i>Afinus &amp; vitulus</i>	91	<i>Canis &amp; ovis</i>	35
<i>Afinus excors</i>	73	<i>Canis &amp; pastor</i>	109
<i>Afinus indutus leonina pelle</i>	168, 61	<i>Canis &amp; sus</i>	93
<i>Afinus puniceus</i>	110	<i>Canis in præsepi</i>	47
<i>Aparus &amp; montes aurei</i>	204	<i>Canis mordax</i>	62
		<i>Canis qui frustum car-</i>	
		<i>nis ferebat</i>	4
<i>Auceps &amp; anguis</i>	40	<i>Canis senex</i>	16
<i>Auceps &amp; cassita</i>	127	<i>Capi</i>	92
<i>Apes &amp; noctua</i>	84 &	<i>Capra &amp; lupus</i>	56
	184	<i>Carbonari et fullo</i>	39

I N D E X.

<i>Carduelis</i>	94	<i>Cucurbita &amp; palma</i>
<i>Carnes suilla</i>	172	85
<i>Caſta &amp; pulli eius</i>	173	<i>Cucurbita &amp; ping</i> 185
<i>Cara</i>	99	<i>Culex &amp; apes</i> 117
<i>Cervus &amp; boves</i>	30	<i>Difſidium ventru &amp;</i>
<i>Corvus &amp; ovis</i>	16	<i>membrorum</i> 129
<i>Cicada &amp; formica</i>	58	<i>Divinator</i> 146
<i>Ciconia, mures &amp; ra-</i>		<i>Equus &amp; asinus</i> 38 &
<i>ne</i>	203	55
<i>Columba &amp; pica</i>	89	<i>Equus &amp; cervus</i> 33
<i>Columba &amp; lutū</i>	203	<i>Equus &amp; porcus</i> 98
<i>Cornicis confilium</i>	101	<i>Equus inornatus</i> 114
<i>Cornix</i>	70	<i>Equus novitus</i> 13
<i>Cornix educans acci-</i>		<i>Equus</i> 208
<i>pitrem</i>	164	<i>Erinaceus &amp; viperæ</i>
<i>Cornix superbiens alia</i>		108
<i>rū avium pennus</i>	22	<i>Faber &amp; cants</i> 117
<i>Corpus &amp; animus</i>	193	<i>Faunus &amp; viator</i> 72
<i>Corvus agrotans</i>	13	<i>Felis limam lingens</i> 23
<i>Corvus &amp; lupi</i>	86 &	<i>Felis &amp; gallus gallina-</i>
	183	<i>ceus</i> 45
<i>Corvus &amp; vulpes</i>	10	<i>Felis &amp; mures</i> 163
<i>Corvus gallus &amp; gal-</i>		<i>Fiber</i> 129
<i>linea</i>	196	<i>Formica &amp; columba</i>
<i>Crines alieni</i>	64	
<i>Cuculus &amp; accipiter</i>	90	<i>Formica et apes</i> 202

I N D E X.

<i>Für et canis</i>	15	<i>Iupiter et vipera</i>	121
<i>Furtum indicatu</i>	211	<i>Leo, asinus, lepus</i>	118
<i>Galli gallinacei</i>	109	<i>Leo, asinus, vulpes</i>	52
<i>Gallina auripara</i>	76	<i>Leo et mus</i>	98
<i>Gallina et perdix</i>	121	<i>Leo et musculus</i>	12
<i>Gallina et vulpes</i>	119	<i>Leo et rana</i>	49
<i>Gallus repertor unio-</i>		<i>Leo et tauri</i>	118
<i>nis</i>	1	<i>Leo et vulpes</i>	32
<i>Gloriator</i>	122	<i>Leo hospes hominis, et</i>	
<i>Grus et pavo</i>	66	<i>homo medicus leo-</i>	
<i>Gulæ deditus</i>	95	<i>nis</i>	177
<i>Herus et canes</i>	41	<i>Leo, juvenca, capra et</i>	
<i>Hinnuleus</i>	110	<i>oris</i>	4
<i>Hirundo</i>	205	<i>Leo pictus et adole-</i>	
<i>Hirundo et avicula</i>	13	<i>scens</i>	114
<i>Hædus et lupus</i>	36 et	<i>Leo procus</i>	109
	53	<i>Leo senex</i>	11
<i>Homo et felis</i>	37	<i>Leæna et vulpes</i>	118
<i>Homo et leo</i>	<i>lapidens</i>	<i>Lepores et rana</i>	17
	70	<i>Lepus et vulpes</i>	108
<i>Homo et statua</i>	134	<i>Lignator et Mercurius</i>	
<i>Hystrix et lupus</i>	106		111
<i>Ictis et vulpes</i>	79	<i>Luporum et ovium pax</i>	
<i>Inimici</i>	107		28
<i>Anvidus</i>	69	<i>Lupus et agnus</i>	2

I N D E X.

<i>Lupus et asinus</i>	24	<i>Mures et felis</i>	105
<i>Lupus et grus</i>	5	<i>Muscæ suffocatio</i>	119
<i>Lupus et bircus</i>	27	<i>Musca et formica</i>	23
<i>Lupus et hædus</i>	18	<i>Mus et milvius</i>	107
<i>Lupus et mulier</i>	59	<i>Mus et rana</i>	2-
<i>Lupus et vulpes</i>	26	<i>Mus et taurus</i>	75
<i>Lupus piscis</i>	77	<i>Mus incisifatus</i>	86
<i>Lupus suspensus</i>	109	<i>Mustela</i>	49
<i>Luscinia et accipiter</i>		<i>Nubes es terra</i>	200
	- 116, 130		

O.

<i>Lunariosus et birundo</i>		<i>Olla natans</i>	65
	119	<i>Ovis et pastor</i>	112
<i>Malus et pirus</i>	112	<i>Ovis et cervus</i>	19, 200
<i>Mare et amnis</i>	206	<i>Onager et simia</i>	202
<i>Medicus et agrotus</i>	51	<i>Pardus et vulpes</i>	78
<i>Membra et venter</i>	187	<i>Partus terra</i>	187
<i>Milvius et columba</i>	14	<i>Passer et aquila</i>	199
<i>Monedula</i>	211	<i>Pastores</i>	97
<i>Mons parturiens</i>	16	<i>Pastor et mare</i>	130
<i>Mortis nuncij</i>	119	<i>Pater et filius</i>	209
<i>Mulier et ancilla</i>	54	<i>Pavo</i>	48
<i>Mulier et gullina</i>	124	<i>Pavo et monedula</i>	51
<i>Mulier et nux</i>	104	<i>Perdix et auceps</i>	120
<i>Mulus</i>	103	<i>Piscatores et testudi-</i>	
<i>Mures dno</i>	8	<i>nnes</i>	81, 167
		<i>Pisca-</i>	

I N D E X.

Piscatores saxum ex- trahentes	105	Rhinoceros incurrens in rupem	201
Piscatores thunnū ca- pientes	103	Rota et vector	113
Piscator stolidus	162	Rusticus et filij illius	139
Piscator tibiam inflans	103	Rusticus et juvencus	71
Piscator et smaris	37	Satyrus et rusticus	170
Prometheus	207	Scarabeus et aquila	169
Prometheus et Epime- theus	207, 208	Scrofa et lupus	15
Proximus sibi quisque	102	Securis et ligna	29
Puer et fortuna	116	Semicanus et uxores	
Puer et mater	128	illius	110
Puer et Scorpius	112	Senex et adolescēs	116
Puer fallax	71	Senex et mors	106
Puer mendax	46	Simia	57
Pulex	114	Simia et nati eius	58
Pulex captus	113	Simia	77
Rana crepans	24	Simia et nuces	80
Rana et Iupiter	14	Simia et pardalis	169
Rana et lupi pīsc.	162	Simius et vulpes	30
Rex et simia	166	Simius rex	117
		Simia et vulpes	198
		Simia et circulator	205

I N D E X.

<i>Sol et aquilo</i>	60	<i>Vox hædi</i>	113
<i>Talpa</i>	113	<i>Vpupa</i>	95
<i>Taurus et hircus</i>	58	<i>Vrsi præceptum</i>	63
<i>Terra et cœlum</i>	197, et 206	<i>Vulneratus a cane</i>	124
		<i>Vulpecula &amp; Pardalis</i>	
<i>Testudo domigera</i>	107		165
<i>Testudo et aquila</i>	59	<i>Vulpecula</i>	331
<i>Thunnus et Delphinus</i>		<i>Vulpes et avicula</i>	83
	125	<i>Vulpes et ciconia</i>	29
<i>Tigris</i>	67	<i>Vulpes et crocodil.</i>	132
<i>Trabs et boves</i>	94	<i>Vulpes et felis</i>	165
<i>Tubicen</i>	40	<i>Vulpes et hircus</i>	120
<i>Venator et cerdo</i>	97	<i>Vulpes et lignator</i>	133
<i>Venatores et vulp.</i>	210	<i>Vulpes et leo</i>	42
<i>Venter et membra</i>	29, 171	<i>Vulpes et lepus</i>	114
		<i>Vulpes et mustela</i>	32
<i>Vermicul<sup>o</sup> et Vulpes</i>	62	<i>Vulpes et sentes</i>	132
<i>Vespa et perdices</i>	113	<i>Vulpes et uva</i>	112
<i>Vespertilio transfuga</i>		<i>Vulpes in officina sta-</i>	
	26	<i>tuarij</i>	21
<i>Viator</i>	128	<i>Vulpes leporis lauda-</i>	
<i>Votum quod solvi non</i>		<i>trix</i>	113
<i>posse</i>	104	<i>Vultur</i>	56

F I N I S.

<http://rcm.org.pl>

XVII, 1, 30

<http://rcin.org.pl>

<http://rcin.org.pl> 243



